

Aõhebo Rotỹnyre

Aõhebo Rotỹnyre Jesuisi Erydỹny Mahãdu

1 ¹Juhuu adee ratyryritinyreu, Teòfilo, relyyre ibutumy Jesuisi aõbo riwinyré, aõmybo bede rierynanyrémy. ²Deuxu Tytybytyhy bede erydỹnyamy taerydỹna woludu mahãdu rierynanyre. Tahe taerydỹna mahãdu-ò bede ywina riwahinyre. Iribi tahe Jesuisi ròðsere biu-ò. Kia ibutumy juhuu adee relyyre. ³Iribi itxeònihikỹ-ki rurureu, taerydỹna woludu mahãdu-ò rexitỹnyre hãbu irudilemy. Tamyreny rexideòsinyre sówetxu-di rulemy ratxímhyhmy. Inatyhy wa warybetyhy rare, tamyreny rarybere. Rexitỹnyre, tamyreny rierynanyre Deuxu Iòlònamy. Txuò txuòlemy iny inatxiwaitue txumy rierynanyhỹre. ⁴Tiiboho-wana riroximy raremyhỹu, Jesuisi tamyreny rarybere: —Uritere Jerusalẽ-ribi ixitarasarenyõmy. Urile Deuxu Tytybytyhy awo-ò kanakre xiery, Jerusalẽ-ribi boibenyke. Deuxu rarybere Tatytybytyhy kiditeònykremy. Tule juhuu Jesuisi kia rarybere. ⁵Deuxu Tytybytyhy aworeny-ò kanalokre. Kia ratisebenaõ wesele rare, Deuxu Tytybytyhy ratisebena. Iwese Joaõ juhuu bero-ki iny risebenyre wese, kia rare. Kia-txu tahe, iòhòm y roire.

⁶Tahe, juhuu ibutumy wirotyrenyreu, Jesuisi dee rỹraxyreny: —Wanyrỹ, kai aõbo wiji iny Iòlòreny bediwahinyleke inywedureny wesemy ixyby ronykemy. ⁷Tahe Jesuisi dirawyònyde: —Waha-ki ywisidỹnatxu doimyhỹde. Tiile rierymyhỹre. Kai aòkõhykre. ⁸Tahe Deuxu Tytybytyhy aworeny-ò kanalokreu, rurunatyhy arayky-ò bitabenyke. Kia tahe warubu-ribi waixixanamy belykre ibutumy Jerusalẽ hãwã mahãdu-ò, Judeia hãwã bede mahãdu-ò, Samaria hãwã bede mahãdu-ò, iribi tahe ibutumy bedekonana bede iny-ò. ⁹Tarybe rahudi tahe Jesuisi ixihyy rexidymy raòwònyre biu-txi. Iõre biuwetyky-txi. Tiiboho rarirenyre bede-ribi idi reteherenyre. ¹⁰Idi retehemyhỹ iòtududỹtyhymy. Inatxi hãbumy ity uramy aõwesele rỹimy reamyhỹre hãbu mahãduko-txi. ¹¹Tahe tiiboho raryberenyre: —Hãbu, Kalileia bede mahãdu, itxereõmahãbenyke. Jesuisi ka ramyramyhỹre biu-ò, Deuxu sỹ-ò. Iwese rarawesele ka ixyby kòdòðsekre.



(Aõhebo Rotÿÿnyre 1.12)

¹² Jesuisi erydÿÿna mahãdu ratximyhÿrenyre Oliveira ðwòruraty hãwãlò-ki. Tahe dðsedenyde Jerusalê hãwã-ð. Jerusalê rehe iribi doide sohoji urihixina rehemymyõlemy. ¹³ Tahe wii rotÿrenyre rorukure ixitðedÿÿmy hetoratyawo-ki. Kahekani-di rirana rarekre tai rÿimyhÿrenyre: Pedro, Joaõ, Txiau, Andre, Filipi, Tome, Bartolomeu, Mateu, ijõ Txiau (tii Afeu riðre rare), Simaõ Zelðte, Judasi (ijõ Txiau iwitxira, kia riðre rare). ¹⁴ Ijõ iny tule tai rononymhÿ, Jesuisise, hãwyw ijõ rononymhÿ, Jesuisi seriðre mahãdu tule rorukumyhÿrenyre. Ibutumy rexitðenymyhÿrenyre wiwese wiweselemy røhõtínymyhÿrenyre.

¹⁵⁻¹⁶ Ijõ txubiðwamy 120 inymy wii ributunyre ixbyble. Tahe Pedro rÿire kiamy tamyreny rarybere: —Waityhydÿÿdu seriðre mahãdu, iwese Judasi aõhebo rotÿÿnyre wesemy Davi tyritinamy roimyhÿre. Kiamy wahe: —Jesuisi taðluduboho-ð røhðnyreu, Judasi tiiboho riwiðhenanyre. Iwese ka tyritina-ki roire wesele, inatyhymy ibutumy rotÿÿnyre. ¹⁷ Judasi inybohoõmy raremyhÿ. Tii nieruõ ritare Jesuisi ðludu-ribi tamyreny ridyrekí. Tahe kia nieru-di subutebedeð riwyre. ¹⁸ Tahe idi Judasi rexibòtðaara. Idi tahe tasubute bedero-txi taratytihiðkÿle-ribi resere. Tahe iumy ruare iwona rejuxunyre. ¹⁹ Iribi ijyy heka ibutumy Jerusalê mahãdu-ð tuu ijyy rÿire. Tahe kia subutebede rininirenyre hãlubu bederomy. ²⁰ Iðlò Davi kia wese riritinyre tawiunatyriti-ki: —Ixinamy iheto rÿike, inyõ taisÿõmy.

Ijõ:

—Inywitxiraõ teròwmy tai rarekre iaõmysÿdÿÿna rimykremy.

²¹⁻²² Inyõ tahe teròwmy iaõmysÿdÿÿna rimykremy. Tule rikimyrenyke Jesuisi ixixanamy ijyyduð inywanahyy rybe ritÿnynykemy. Inyõ Jesuisi sebedÿÿna-di itxereduð rikimyrenykre, inyõ tuu robire Jesuisi nonanamy tule rikimyrenyke. ²³ Tahe inatxi hãbumy ritarenyre: Jyje (Basaba inire) Justu iniðrysna rare, ijõ hãbu tahe Matxia rare. ²⁴ Iribi tahe rexitðenyre: —Kiamy heka Deuxu dee raryberenyre:

Kai Wanynyrÿreny, ibutumy inrayky teeryte, Deuxu. Biteðsinyke tibo rikitarenykemy.

25 Tii ritÿxinykre ixihyymy ratximyhÿre mahãdu. Judasi deròwymy rarekemy, Judasi dori iny-ribi rõhònyre taðrarunaòwydÿÿnamy rare aòhòkÿmy rotÿÿnykemy. Tahe rare tiobo rareò. 26 Wyhy raheto lisina wesemy idi rehure. Kiamy heka riwinyre tibo rõtakemy. Matxia tahe iribi rõtare. Tii tahe ralore waòsohoji reurò erydÿÿnaky-txi.

2 1 Pentecostemy ninadu lisina kia txumy txuu rÿireu, ibutumy iny rorukurenyre tarynanakile. 2 Aòwesele biu-ribi wodÿÿò nade yhynihikÿwesele ibutumy heto-ò ralore tai rorukumyhÿrenyrewo-ò. 3 Heòty helÿÿresi wesemy nade. Iny sohoji sohoji tyre resere. 4 Ibutumy iny tykumy heka Deuxu Tyytybytyhy ralòmÿ rÿire. Ta raryberenyre iwitxira rybemy. Deuxu Tyytybytyhy tamy rybe riwahinyre wese tahe raryberenyre.

5 Deuxu dee òbitimÿ hãbu mahãdu noduò rasÿnymy raremyhÿ Jerusalē hãwã-ki. Judeu mahãduò ihÿre. Ibutumy bede bede hãwã hãwã-ribi nade. 6 Kia-ò roholareu, wii ributumyryre ijohonamy. Tahe rexieryòhykyre aòmybo rõhòtynyre tahe widi bede riòtiinyre iny sohoji sohoji tarybe tarybeòlemy roholareki. 7 Urule bede riòtiinytyhyrenyre. Tahe raryberenyre deysana-di:

—Betehebeny iny, kowa rybedu Kalileia bede ludu mahãdu ratxireri.

8 Timykibo iny ryberenyry rarybereri. Iny sohoji sohoji tarybeòle raholareri.

9-10 Kaheka inyboho bede bede ludu roire: Partia mahãdu, Media mahãdu, Elaõ mahãdu, tule ka bede ludu mahãdu: Mesopotamia, Judeia, Kapadosia, Ponto, Asia, Frigia, Panfilia, Egito, Libia Sireni-wana iòhòre, Roma hãwã luduò tule kaki ihÿre. 11 Timybo inyrybereny wixira wixira-ò iny roholarenryeri. Deuxu rybemy rarybereri ibutumy inyryberenyry. Ibutumy inyboho: Judeu, Judeuerydÿÿna ityhydÿÿdu, tule Kreta mahãdu, Arabia mahãdu, Deuxu aòmydÿÿnana wihikÿ-ò raholarenryeri. 12 Tahe bede riòtiinyrenyry. Rieryòrenyry aòbo rare. Tahe widee rÿÿraxirenyry iny sohoji sohoji-ò aòbo raremy. 13 Ijò tahe tawobinarybe rarybere:

—Tiiboho rururenryeri, itxÿtemonamy riòreri.

14 Tahe Pedro rÿire waòsohoji erydÿÿna-di, tahe tii rexidelenyry rarybekemy:

—Boholake inihe, ibutumy kaiboho, Judeia mahãdu, Jerusalē sÿludu-wana — kia bierybenykemy.

15 Inyõ rarybereri itxÿtemonamy riòrerimÿ. Tahe inatyhymy aòkõ rare. Txuu rati rariarerile heka rudiletÿhyre. 16 Joel juhUU Deuxu rybeduò rare. Tii narybede wijitxumy. Tahe iwese tii rarybere wesele, wiji ratximyhÿre. Tii rarybere:

17 —Kiamy Deuxu rarybere:

—Ikonanatxuu watyytybytyhyhykÿ aditeònykre ibutumy inydee. Ariòrereny, hãwy hãbu-wana, warybe rierynanykre. Weryrybò tahe matuari-wana rarasinÿtyhykre.

18 Ibutumy wadeòdu-ò, lerÿ, hãbu, ibutuwo-ò Deuxu Tyytybytyhy kanalokre. Tuu raryberenykre, ritÿnyrenyrenykre.

19 Aõ tÿmyra ariteòsinykre biu-ki, bede-ki. Hãlubu, heòty, worona-wana rõhònykre.

20 Txuu heka ilybyhykÿlemy relekre. Ahãdu isòhòkÿlemy relekre. Iribi tahe Inynyrÿtxu-ò rehemynykre. Kia txu awimy roikre. Inynyrÿ kòdòhònykre.

21 Kia bedeu, inyò Inynyrÿnimy rexitòenykeki, tii jiarÿ aritakre iòraru-ribi. Kia Deuxu rybe rare.

22 Judeu mahãdu, Israeli mahãdu, boholabenyke warybe-ò: Deuxu sòwemy aõna aõna wixira wixira-di, bedeòby-di riwahinyre. Inatyhymy Jesuisi Nazare hãwã ludu mahãduò riteòsinyre. Inatyhymy rare. Kaiboho heka teerytenyte. 23 Kaiboho Jesuisi temyteu, Deuxu juhuu rimykremy rierymyhÿre. Rexierymy ròhòtinyre kawesemy bede roimy rarekre. Kaiboho Jesuisi terubunytenyte. Kaiboho itxed nihikÿ-ki tetamadÿÿnytenyte hãubina debòreny-di. 24 Tahe Deuxu ritare rubu-ribi riixixadÿÿnyre. Wabede Deuxu ribòhònyre. Iribi Jesuisi riòlòdÿÿnyre. Rubu heto tii rimyòtyhy. 25 Davi juhuu rarybere iwese Jesuisi rarybekremy:

—Wanyrÿ wawana ratxireri, brebu-di watxiòkre. Tii riwawiòhenanymyhyre. Tai wawo deysana-di ritÿxinymyhyre.

26 Wadòròtò wowydyna tamy rewahinymyhyre. Reeryre ibutumy rubuhetowo-ki awityhymy wãhãré, iribi dori aròhònykre.

27 Kai watytyby teriòte rubuheto-ki. Jiarÿ ariòre òbitityhy rare, tai waumyde rasunyòtyhy.

28 Kai tiwaeryte ibutumy umytÿmyra aõmydÿÿnana awana aratxikreu, deysana-di tÿximy biwasÿnykre.

[Kia ibutumy Jesuisi rarybekremy Davi rarybere.] 29 Pedro ijò rarybemyhyre: —Tahe kiamy heka mohòtinybenyke, Waseriòreboho. Davi heka aõ iximy aòkò rarybereri. Tii tahe hãloowo-ò roire. Itityby heka kakile iny-wana ihÿre.

30 Tahe Davi Inynyrÿ deròwmy rybeduò raremyhÿ. Deuxu inatyhyna rybe-di Davi-ò narybede. Kia tahe: Iriòre riòreò bede dinodumy kodonykremy taiòlò ryna-ki. Kia iòlò Davi rieryre. 31 Davi tahe Kristu ixixanamy juhuu narybede. Kristu umy dori rubu-ki rariòhyre. Iumyde rarònyòre. 32 Jesuisi Kristu, Deuxu riixixanyre. Ibutumy inyboho tuu robirenyre. 33 Jesuisi ronymyhyre Deuxu rurunawe-ribi. Iwese rarybere wese Deuxu Tatytybytyhy tamy diteònyde. Tii adee diwyde. Kiamy tahe wiji tabitenyteri, taholatenyteri.

34 Davi raòwònyòre biu-ò. Tahe kiamy rarybere:

Deuxu rarybere Inynyrÿ-ò:

—Bodonyke katxi warurunawe-ribi.

35 Aòludu awarawo-ki arisÿnykre. Aòludu-di arehukre.

Kiamy tahe Deuxu Jesuisi-ò rarybere. 36 Boholake judeu mahãdu. Kaa inatyhy hyy rare. Itxednihikÿ-ki Jesuisi terubunytenyte. Deuxu tahe Jesuisi ritidire ibutu-ò wedumy, ibutu-ò Kristumy, aõma, Deuxu deòdÿÿna.

37 Tahe Pedro rybe-ki urile ròhòtinyrenyre. Tai tahe Pedro-ò ijò erydÿÿna-ò rÿÿraxirenyre:

—Waseriòreboho, aõhebo rokotÿÿnyrenykre.

38 Tahe Pedro dirawyònyde: —Bòðsebenyke àðrarureny-ribi icyby Deuxu-ò. Idi tahe Jesusini-di maratysebekemy àðraru ritakemy. Tai bimykre Deuxu Tyytybytyhy wahidÿÿna wesemy awo-ki rarekremy. 39 Kristu juhuhu rarybere:

—Ibutumy heka Deuxu Tyytybytyhy bimybennykre, ariðre rimykre, iny hãwã wixira ludu rimyke. Ibutumy Deuxu dee wimy tahe rimykre.

40 Pedro relyymy raremyhÿ. Tamyreny rarybere tarasamy roikemy:

—Iny bina binahakÿ-ribi bexitabennykre.

41 Kia rityhynyré heka tahe ratisebedumy roiremyhÿ. Ralore kiadxu 3000 iny iðhòmy Jesuisi tyhydÿÿdu mahãdu-ò. 42 Tahe Jesuisi erydÿÿna mahãdu rierynanymyhyre, wii ributunymy roiremyhÿ, pað rioroororenyre wideereny: rexitðenymy roiremyhÿ.

43 Iny sohoji sohoji bede riðtiinymy rabrebumy hitxinymyhyre. Jesuisi erydÿÿna mahãdu bededòby sòwemy riwinymyhyre. Aõna aõna wiwihikÿmy riwinymyhyre. 44 Ibutumy rityhynymyhyre mahãdu, sòwemy wii riwiutyre. Ibutumy aõna aõna wimy riywinyre. 45 Taaõmydÿÿna, tasu-wana idi rohonyre. Wimya tahe ritxuatxua. Ibutumy ityhydÿÿdu iaõkõ mahãdu dee riwahiriwahinyre. Inyõ aõna aõna rauhenykeki, tamy riwahinyre. 46 Deuxu dohodÿÿna heto-ki txuõ txuõlemy wii ributunyre. Tahe tota hetomy pað riyreiryrenyre. Riroxirenyre ibutumy teysarenymy wii wese røhõtinyrenyre. 47 Tuu reàlãrenyre Deuxumy. Ibutumy iny hãwãhakÿ mahãdu awimy tai raharenyre. Deuxu rimyre txuõ txuõ lemy ralore mahãdu kia ritakemy.

3 1 Pedro, Joaõ-wana rare Deuxu dohodÿÿna heto-ò rexitðenykemy, inataõ òra bedu. 2 Deuxu dohodÿÿna heto ijð inyõ rininire, ijð ruxerahakÿ. Txuõ txuõlemy hãbu tibina ridyhyhyymy iny tamy reamyhyre. Tamy iny ralòmhyhÿkèð tamy nierumy rexitðenykemy. Tii tuu hyy uladumy reareu ihyy itibinare. 3 Pedroboho rirònyrenyre, hãbu tibina tuureny robire. Nierumy tahe tamyreny rexitðenyre. 4 Pedro juhu tamy retehere idi rarybere: —Bedeteheke wadireny.

5 Tai hãbu retehemy ronyre, nieruõ iribi riwykemy røhõtinyre. 6 Pedro rarybere:

—Aõ ijòkõre, womati tÿrÿrÿhÿkÿ ijòkõ, pratakõ. Tahe aõbo idi watzirerile ta adee ariwahinykre. Jesuisi Nazare hãwãludunimya adee ararybekremy idi mariakremy. Kia deytana adee ariwahinykre.

7 Pedro, hãbu debò rimymy ritamadÿÿnyre. Aõwesele iruru iti-ò ralore.

8 Hãbu rexiwatxinymy tahe, ririradÿÿnyre. Ihyy ralore dohodÿÿna heto-ò. Deuxu dee deysamy rexiwatxinymy ralore. 9 Ibutumy iny idi retehere rariarerimya, Deuxumy reàlãrerimya. 10 Inyõ rarybere: —Tii ijð ruxerahakÿ-ki nierumy rexitðenymyhyremya, inyboho tii reeryrenyre. Tai tahe idi bede riðtiinyreri timykibo aõna aõnamya rotÿÿnyramya.

11 Hãbu ta Pedro, Joaõboho werora-ki xiery. Idi tahe ibutumy ributunyre Salomaõ heto ijð ahanawo-ò. 12 Pedro kia robireu tahe, tamy rarybere: —Judeu mahãdu, wadireny itxereõmy, bededòtidÿÿõmy. Jiarÿboho inyrruru-di aõkõ ka

hãbu reteytenyrenyra, Deuxu rurudile wahe. ¹³Abraõ, Ijai, Ijað kiaboho Deuxu heka hãbu riteytenyra. Tybyreny Deuxu kia heka riwinyra. Deuxu, Kristunimy riwowydnyre, rubu-ribi riixixanyraki. Kaiboho tahe Jesuisi Kristu tedytenyte Pilato-ð. Pilato tii riteðnykemy ratxireriu, kaiboho tamy rarybere: —Aõkõre, tii deodÿÿõmy. Ijõ biteðnyke. Tai tahe rubudÿÿduõ riteðnyre. ¹⁴Jesuisi òraru widÿÿdu aõkõ rarehyymy raremyhÿ, ityhydÿÿdu ihÿre, òbiti widÿÿdu ihÿre. Kaiboho tii tetxiõnytenyte, tewahinytenyte. ¹⁵Umytuèdeõna wahidÿÿdu tii rare. Kaiboho tahe terubunyte. Deuxu tahe tii riixixanyre rubu-ribi. Inyboho ierydu, iitxeredu ratximyhÿrenyre. ¹⁶Rityhynyrekile hãbu tibina reytemyhÿre. Kia hãbu teerytenyte. Jesuisini tyhyna kia riwinyre. Hãbu ibuturu-ð reytera, tai òbitimy raramy ratximyhÿre. ¹⁷Jiarÿ reeryre kaiboho teeryõte aõbo tewinytemy. Tule adinodu rierykõlemy kia riwinyre. ¹⁸Tahe Deuxu tarybe riwahinyre ihetxiu rybedu mahãdu-ð kia wahe tii rarybere Jesuisi rurukremy. Idi tahe irybe uludumy Jesuisi rurure. Iwese Deuxu rarybere wesemy heka irybe uludumy rõhõnyre. ¹⁹Kaiboho ixi-txi õhõti reakemy Deuxu-ò biððsekemy. Tai tahe aõraru aribi tii ritakre. Inynyrÿ adeereny kiditeðnyke aõwihikÿmy Deuxu-ribi, biu-ribi. ²⁰Jesuisi Kristu wijityhyle kanaõkre. Aõna aõna juhu rÿimy rareke rexihudi, tahe kanakre. ²¹Tii biukile rarekre wiji. Ijõ bede tÿmyra wihikÿkre iðhõmy rahudi tahe kanakre. Kia bededÿÿnanau tahe rarybere ihetxiu rybedu mahãdu. ²²Tahe Moisesi ijõmy rarybere: —Deuxu rybeduõ kedelekre asÿ, aijoi-ribi tii rarekre. Iwese Deuxu riwatara wese rybeduõmy ararekremy, iwesele tii Inynyrÿ kiditakre. Tamy bohobanykre irybe aõmybo kanarybekremy. ²³Kia, Deuxu rybedu rybe-ò inyõ roholakõkre-wana, Deuxu tii kanahukre. Kia Moisesi rybe rare, Pedro rarybere. ²⁴Deuxu rybedu sõwemy kia bededÿÿnanamy rarybere. Samueli juhuu rarybere. Idi sõwemy ijõ kiamy rarybere. Ihyymy ta wiji kabededÿÿnana roimyhÿre. ²⁵Kaiboho Deuxu ihetxiu rybedu roire atximahãtenyteri Deuxu juhuu rarybere Abraõ-ð. Ariõre-ribi iny sõwemy ruaruakre. Kia ibutumy ariõre hãwã hãwã-ki rasÿnykre. Kia iny-ribi inyõ rõhõnykre ibutumy iny wiðhedÿÿdumy rarekre. ²⁶Deuxu tariõre Jesuisi adeereny riteðnyre aõraru-ribi arahitxinykemy, arawiðhenanykemy. Kia tahe Pedro tamyreny rarybere.

4 ¹Pedrobobo tamyreny rarybereu, tamyreny rehemynyre Deuxu heto dohodÿÿna mahãduõ, ijõ tahe kia heto itxeredu dinoduõ, ijõ, saduseu mahãduõ. Inataõ ijoi tamy rehemynyre. ²Pedro, Joaõ-wana iny-ò relyymy raremyhÿ: —Inyõ Jesuisimy rityhynykeki, tii tule rubu-ribi riixixanykre. Jesuisi dori riixixanyre. Tahe Jesuisi ixixanamy tiiboho relyymyhÿreki, kia hãbu mahãdu riykaranyrenyre. ³Taita rimyre, Pedro, Joaõ-wana. Rõtëna-ò ridyre. Wijile tahe tamy ixidee roholaõrenyra, txiorotyhyreki. Biurasou tahe roholakremy riòlòdÿÿnykre. ⁴Iny sõwemy Deuxu rybe-ò kia txuu roholare. 5000 hãbumy, ijõ iny tule. Tiiboho Pedrobobo-ð roholare. Tahe sõwemy rityhynyrenyre.

⁵Itxu biòwamy tahe Jerusalë-ð rehemynyre dinodu mahãdu, matuari mahãdu, judeu bede ywina erydÿÿna mahãdu. Kia ijoi mahãdu ibutumy rehemynyre. ⁶Anasi tule rehemynyre. Deuxu-ò xiwena wahidÿÿdu mahãdu

wedu tii ratximyhÿre. Tule Kaifa ijõ, Joaõ ijõ, Alexÿdre ijõre. Anasi sÿ mahãdu tule ijõre. ⁷ Tahe dinodu mahãduõ Pedrobobo ritamadÿÿnyre ibutu kia mahãdu koð. Tahe ritÿÿraxinyre: —Aõrurudibo iny teteytedÿÿnymahãte. Monidibo kia tewinytenyete. ⁸ Ta Pedro tykymy heka Deuxu Tytytybytyhy ralore. Idi tamyreny rarybere: —Iny dinodu mahãdu, matuari mahãdu, adeereny ararybekre. ⁹ Hãbu tibina aõmydÿÿnanamy tiwatÿÿraxinyte-wana, adeereny kiamy arirawyõnykre. ¹⁰ Jesuisi Kristu Nazare hãwã luduni-di kia rybe ruru-di rewinyreny. Kia tahe bierybenyke. Kaiboho dorikÿhe Jesuisi itxeð nihikÿ-ð teukotenyte. Deuxu tahe riixixanyre rubu-ribi. Tai tahe ka hãbu reytemy rÿimyhÿre. ¹¹ Jesuisi manaõ wesemy ratxireri. Kia-di rehure heto widÿÿduõ. Wiji tahe heto idile rÿimyhÿre. Kaiboho Jesuisi-di tehute heto widÿÿdu mana-di rehure wese. Wiji tahe Jesuisi Deuxu heto dinodu rarekre. ¹² Tamy inyõ rityhynyõkeki, òraru-ribi ritaõtyhy. Ijõni aõkõ iny rityhynyke, Jesuisi nile iny rityhynymy rÿikrele, òraru-ribi ritamy rÿirakre.

¹³ Pedro, Joaõ-wana brebuõ-di kia rybe ritÿÿnyre. Tai iny bede ròtiinyreny, tiiboho dori tyriti erydu aõkõ roire. Urile Jesuisi-wana roiremyhÿ, kiale iny rieryreny. ¹⁴ Hãbumy inyboho robirenyra juhuu itibinamy. Tai tahe inyõ aõbinamy tamyreny rybedu aõkõ rare, hãbu tibina riteytenyrenyraki. ¹⁵ Tahe ibutumy iny dohodÿÿna heto wo-ribi riteõnyre. Tahe wimy rarybere: ¹⁶ —Aõhebo rokotÿÿnyrenykre kia hãbu-di. Inatyhymy tiiboho aõwiwihikÿ riwinyreny. Kia rikitxiõnyrenyõtyhy. Ibutumy Jerusalê hãwã mahãdu kia rieryre. ¹⁷ Tai kiamy rokotÿÿnykre. Tamy rakarybekre tiu Jesuisimy ixyby rybeõmykremy. Tai Jesuisimy rybe-di rikiixãwãdidÿÿnykemy. Inyõ-ð kiamy rarybeõtyhy. Kiawese raryberenyre rybe ywidÿÿdu mahãdu. ¹⁸ Idi tahe rarariõwyre Pedro Joaõ-wana tamyreny rarybere: —Jesuisi nimy rybeõmy, bibedeerynyõtyhy irybemy. ¹⁹ Tahe Pedro, Joaõ-wana tamyreny dirawyõnyde: —Aõbo awityhyre. Inyboho arybe arityhynykre aõbo ada Deuxu rybe aõbo arityhynykre. ²⁰ Aõbo jiarÿboho rabirenyré, raholarenyré, kialemy araryberenykre. Inyõ riwarybebinanyõtyhy. ²¹ Idi ta ixityre tamyreny raryberenyre, rybedÿÿõkemy. Tahe riteõnyreny. Tamy aõwidÿÿõmy rÿimyhÿ hãwã mahãdu dee ruberurenreki. Hãwã mahãdu dori Deuxu reãlãmehÿre hãbu riteytenyraki. ²² Kia hãbu dori 40 beõra ratyremy tabeõra-di ratximyhÿre riteytenyrau.

²³ Pedrobobo rexitamy roirenyreu, ityhydÿÿdu seriõre õrysmy roirenyre. Tahe tiiboho tamyreny relyyreny iwese dohodÿÿna heto wedu matuari mahãdu-wana tamy rarybere wesemy. ²⁴ Tahe wiwese wesele röhõtinereri wese, Deuxu-ð rexitõenyreny: —Kai, Waha, inyõlõreny atximahãte. ²⁵ Kai, ibutuwidÿÿdu tarybete: Davi, inytybyreny-di tarybete Atytytybytyhy tamy ritÿÿnyre, iwese tii rarybekemy. Davi eõdumy raremyhÿ. Irybe tyriti-ki roimyhÿre kiamy:

—Judeukõdu mahãdu raykarananyreri. Kia awimy aõkõ ihÿre.

Waijoi aõ õbitinadibo aõkõ röhõtinereri.

²⁶ Dinodu mahãdu wiributunyre Deuxuõludumy rÿikremy. Tule Kristu, kia Deuxu deõdÿÿna õludumy rÿikremy.

²⁷Arybe-ki, Waha, kia ritidÿÿna roire. Tule Waha, inatyhy rare. Ka hãwã-ki, Herodi, Poncio Pilato, Judeu mahãdu, Judeukõdu mahãdu, kia ibutumy ributumyri ariðre Jesuisi ðludu rÿirakremy. ²⁸Tiiboho riwinyre iwese kai tarybete wese, Waha, kia aomydÿÿnanamy rÿirakremy. ²⁹Kai, Waha, teeryte iwese tiiboho raryberemy, aõma, rybeomykemy. Tahe eõdu biwiðhenanykre arybe-di ihãrele rarybekemy brebuõ-di. ³⁰Biwiðhenanykre, Waha, eõdu mahãdu, webinadu mahãdu riteytenykemy. Tule aõna aõna wiwihikÿ riwinykremy, Jesuisi, Ariðreni ðraru-ki kia riwinykremy. ³¹Tahe ixitõedÿÿna rexihureu, heto ramytatamy. Deuxu Tyytybytyhy ibutumy iny tykymy ralore. Tai tahe Deuxu rybe rarybemyhÿre. Brebumy aõkõ tiiboho relyymyhÿrenyri.

³²Ityhydÿÿdu mahãdu iaõna aõna-di wii riwiðhenanyre. Inyõ rarybeõhyra: —Kaa wahõrõ sohojile rare. Ibutu aõna aõna ibutu hõrõmy rÿimy raremyhÿ.

³³Deuxu Jesuisi erydÿÿna mahãdu riwiðhenanytyhyre irybemy relyyrenyri, kia Jesuisi rubu-ribi ixixana rybemy. Deuxu teysana tamy riwahinyre tule iny sõwemy iluurenryre. ³⁴⁻³⁵Tai tahe ityhydÿÿdu mahãdu aõna aõnamy rasiranyõhyra. Ityhydÿÿdu ityhymy rÿirakeki, taheto, tasubede rohonyre tahe nieru Jesuisi erydÿÿna mahãdu-ð diwyde. Idi tahe tii ritxuatxumy riwahinyre ibutu-ð timybo iny sohoji sohoji tuu rurumy rÿiramy.

³⁶⁻³⁷Jyje tule kiawesele riwinyre. Tasubede-ð di rohonyri, idi iõwy nieru diwyde Jesuisi erydÿÿna mahãdu-ð. Jesuisi erydÿÿna mahãdu Jyje rininire, Banabemy. Kiani inrybe-ð riwiurõnanyre, rybe-di wiðhedÿÿdu kiani rare. Tii Levi mahãduõ rare, Xibri bedebutesÿdu tii raremyhÿ.

5 ¹Idi tahe tule ijõ hãbu, Anania ninadu, tahãwyy Safira-wana tasubederenyõ-di rohonyrenryre. ²Iõwy tahe txuralemymy diwyde Jesuisi erydÿÿna mahãdu-ð tasubede ðwyreny ibutumymy risÿnyrenryri. ³Tahe Pedro tamy rarybere: —Aõherekibo Satanasi-ð taholamymy araykywo-ki atxiteri Deuxu Tyytybytyhy-ð taruiteri. Aõherekibo iõwyjura-di atxiteri. ⁴Juhuu asubede tahonyõteu, ahõrõ rare. Aõhe, inatyhy? Inyõ adee rarybeõre idi bohonykemy. Idi tahonyteu, tahe, nieru ahõrõ rare, aõhe inatyhy. Aõherekibo aõbinahãkÿmy tahõtinyteri. Hãbu-ð aõkõ heka taruiteri Deuxu dee. ⁵Kia-ð Anania roholareu, rurulemy resere. Tai ibutumymy iny ruberutyhyre. ⁶Weryrybõ tahe iumy rihetynyre. Tahe ritamadÿÿnymy riwyre rihãloonykremy.

⁷Inataõ ðra bededÿÿnanamymy reare tahe Safira, Anania hãwyy rehemynyri. Aõ heka rieryõhyre tahãbu rubuna rieryõhyre. ⁸Pedro tamy rÿÿraxire: —Tiwesemybo asu teõwynyta —ahãbu rarybere wesele aõbo. Tahe tii dirawyõnyde: —Kohe, iwesele rakõwõnyre. ⁹Ixytyre Pedro rarybere: —Aõherekibo ahãbu-wana kai taruiteri. Tii teurihite aõbo riwinykeð. Beteheke, weryrybõ ahãbu loodÿÿ-ribi rehemynyri. Tule tii aradykre rubumy. ¹⁰Tule tii aõwesele rurulemy resere. Weryrybõ mahãdu ralore. Tai riwyre ritoonykre tahãbu biremy roikremy. ¹¹Tai tahe ibutumymy ityhydÿÿdu mahãdu ruberure. Ibutumymy kia-ð roholareu, tule ruberumyhÿre.

¹² Jesuisi erydÿÿna mahãdu sõwemy wowydyna aõmydÿÿnana riwinyrenyre. Tule deytenuwihikÿtyhy sõwemy riwinyrenyre. Ityhydÿÿdu mahãdu wii ributunymhÿre Deuxu dohodÿÿna heto ube-ò. Salomaõ ubetyhy inire. ¹³ Kaa hãwã mahãdu dori sõwemy ruberumhÿre Jesuisi erydÿÿna mahãdu-ò wiutadã lau. Tamy rabutuõhyre ijohonamy. Ihãrele tahe ijõ rityhynymhÿre, ityhydÿÿdu mahãdumy ralokemy. Aõbinatyhymy heka inyõ ityhydÿÿdu mahãdu dee raryberenyõhyre. ¹⁴ Ityhydÿÿdu mahãdu rasõwerenymhÿre. Hãbu, hãwyy tule ralõmyhÿre Inynrÿtyhy-ò. ¹⁵ Webinadu mahãdu iny ridymhÿre ryò, hãwã hãwã-ribi. Tai Pedro nonana-ki riraõmy roimhÿ byretyre-ki, herina tyre-ki. Pedro ubòrò webinadu-txi reakemy tai riteytenykemy rexinohõtinyre. ¹⁶ Ibutumy Jerusalẽ-ribi iòhõmy rÿira mahãdu nade webinadu-di, tule iny tytybybina-di didyde. Tai tahe ibutumy reytere.

¹⁷ Xiwenawidÿÿdu wedu mahãdu, Jesuisi erydÿÿna mahãdu-ò rexinaanymhÿre. Tule kiawedu eryna mahãdu riwiõhenanyre. Saduseu imahãdu ni rare. ¹⁸⁻²⁰ Tai tahe xiwe wedu mahãdu, Jesuisi erydÿÿna mahãdu rimyrenyre idi rehrenyre hãwã rõtenawo-ki. Rummy tahe Inynrÿ ÿjuõ riraynyre ijõ, tahe ridyre ahana-ò. Tamyreny rarybere: —Boibenyke Deuxu àlãna heto-ò. Bexideõsinybenyke iny sõwehekÿ-ò. Tamyreny bitÿnynybenyke timybo Jesuisi umytÿmyra inydee riwahinymhÿre. ²¹ Iwese ÿju rarybere wese, txuu ratÿnyreu, dohodÿÿna heto-ò ralomyhÿre. Tai rierynarenymhÿre. Tahe xiwena mahãdu wedu dehemynyde, tii-wana ratximhÿ-wana. Israeli nohõti juradÿÿdu mahãdu ributudÿÿnyre. Ibutumy judeu mahãdu, matuari mahãdu bedeerytyhy mahãduõ rare. Tahe soldado itxeredu-ò riteõnyre rõtenu-ò iõrysrenymy. ²²⁻²³ Tahe roirenyre. Rõtenu-ki tai rahaõre. Rõsere tamy relyre: —Rõtenu-ò rehemynyra. Txiòtòbòhòkÿlemy rÿire. Tahe reraynyreu, aõho aõkõ rare. ²⁴ Dohodÿÿna wedu xiwena wedu-wana kia roholareu, tiiboho rexieryrenyõhyre aõbo riwinyrenykemy, aõhebo rotÿÿnyrenykemy. ²⁵ Iwesemy rõtõtinerikõnalemy, inyõ dehemynyde. Tai rarybere: —Rõtenu-ki tetidite mahãduõ, dohodÿÿna heto-ki ratxireri. Iny kowa ritohonyreri. ²⁶ Tai tahe soldado dinodu, soldado itxeredu-wana riõryre ta didydenyde ywilemy. Tamy heka aõhe risÿnyõhyre mana huna-di tamyreny kedehukemy heka soldado rõtõtinyre. ²⁷⁻²⁸ Tahe dehemynyde ritamadÿÿnyre inysõwe weduko-txi. Tahe wedutyhy rybe ritelenyre: —Jiarÿboho heka juhu adeereny rarybere uritere Jesuisi nimy bede erydÿÿrenykõmykemy. Ihãrele tahe tuu tebedeeryntyntya ibutumy Jerusalẽ hãwã iny-ò. Ibutu-ò aeryna-di tariate. Wamy tarybetenyteri jiarÿboho Jesuisi rerubunyrenyramy. ²⁹ Tahe Pedro tajoi-wana rarybere: —Iwese Deuxu wadeereny rarybere wese, arityhynyrenykre. Hãbuõ iwitxiramy wadeereny rarybekeki, tii arityhynyõtyhy. ³⁰ Kaiboho inatyhymy Jesuisi terubunyntyte. Òwòru nihikÿ itxe-ò tetamadÿÿnyntyte. Inytyby Deuxu tahe rubu-ribi riixixadÿÿnyre. ³¹ Deuxu tarurunawe-ribi debò-di biu-ò ritamadÿÿnyre ibutu iòlõmy rarekemy, ibutu tarasadumy rarekemy. Tai ibutu Israeli ijoi mahãdu-ò òraru bedewona

ixãwina riwahinykemy. ³²Inyboho heka kia aõmydÿÿnamy robimyhÿrenyire, tai heka reerymahãrenyire inatyhy raremy. Inyõ Deuxu rityhykeki, tii Tatytybytyhy tamy kidiwahinyke. Tii tule kia aõmydÿÿnamy rarybemyhÿre.

³³Xiwena wahidÿÿdu mahãdu wedu tamy roholarenyreu, rakyarananyrenyre, irubudÿÿmy idi ratximyhÿ. ³⁴Tahe fariseu mahãduõ lamamy rÿire. Õnosõna erydÿÿduõ tii ihÿre. Ibutumy iny tii rijemyhÿre rityhynymyhÿreki. Kamalie heka inire. Tahe tii rarybere: —Jesuisi erydÿÿna mahãdu-di biòlõnyke urihimyo ahana-õ. ³⁵Idi tahe tajoi-õ rarybere: —Hãbu, Israeli mahãdu, bexiijebenyke kia hãbu-õ, aõhebo botÿÿnybenykre. ³⁶Kaiboho dori õhõtirenre beabenyke Teudani-txi. Juhuu dori dinoduõmy tii raremyhÿ. Tii ixiòlòdÿÿnihikÿmy iximy rarybere. Sõwemy heka iny tii-wana raremyhÿ tahe 400 hãbumy ihemy rare. Inyõ tahe rirubunyre rityhynymyhÿre mahãdu tahe iribi raubÿtÿre. Tahe aõ heka rimoõhyre, ibutumy iõre. ³⁷Iwitxirau ijõ-txi õhõtirenre rearenkye. Judasi inire. Tii Kalileia mahãduõ rare. Iu bede dinodu iny-di rariareu tahe, tii rexiòlòdÿÿnyre. Sõwemy iny riheludunyre. Tii tule rurure. Taityhydÿÿdu mahãdu tule raubÿtÿre. ³⁸Tule wahe kahãbu mahãdu rare ixinamy biteõnyke. Hãbu kia aõmydÿÿnana dinodukeki, aõmy aõkõ relekre. ³⁹Deuxu tahe idinodukeki, tiu heka idi behuõtyhy. Deuxu õludu wesemy heka kai tesumahãte. Tai tahe Kamalie rybe-õ ibutumy rityhynyrenyre. ⁴⁰Didyde he Jesuisi erydÿÿna. Rihetenyre. Idi tamyreny rarybere: —Rybeõnyke Jesuisi nimy. Tahe ixinamy riteõnyre. ⁴¹Tiiboho iribi rexitarenyreu, reysatyhymy ratximyhÿ, Jesuisini õraru-ki dorikÿhe tiiboho aõhõkÿmy rotÿÿnyrenyraki. ⁴²Txuõ txuõlemy Rybewihikÿ ritÿÿnynymyhÿrenyre dohodÿÿna hetomy dori, heto hetomy tiiboho rarybehymy rÿimyhÿre: —Jesuisi inatyhymy Kristu rare, Deuxu deòdÿÿnamy nade.

6 ¹Tahe ityhydÿÿdu rasõwetyhynymy rÿiramyhÿ. Iu ityhydÿÿdu wytese mahãdu-õ rÿsÿna riwahinyhÿre, grego rybedu rexinaanymyhÿre rÿsÿna wahidÿÿdu mahãdu dee. Judeu mahãdu wytese sõwemy rÿsÿna ritamyhÿrenyre waratyrereny. Kia wesemy heka judeukõdu mahãdu rarybere. ²Jesuisi erydÿÿna waõ inatxi reurõ mahãdu, ibutumy ityhydÿÿdu didydenyde kia aõmydÿÿnana-õ roholakemy. Tahe raryberenyre: —Deuxu rybe erydÿÿ rikiixãwidinyrenkyeki, wytese rÿsÿna ariwahinyrenkyemy, kia heka õbiti aõkõ rare. ³Tai tahe kaiboho hãbu mahãduõ bitabenyke ayreny-ribi debõ inatxi reurõ hãbumy bitabenyke. Hãbu tyhydÿÿnale, Deuxu Tyytybytyhy-di tÿximy rÿiralemy, iny bedeeryhÿkÿle, kiaweselemy hãbu bitake. Tiiboho dori aõna aõna ywisidÿÿdumy roirekre, kiawesemy iaõmysÿdÿÿnarenkykre. ⁴Tai jiarÿboho arexitõenywãhãrenkyemy watxiwãhãrenyre. Deuxu rybemy arierynanymahãrenkye. Kiawese Jesuisi erydÿÿna mahãdu rarybere. ⁵Ibutumy heka tuu raryberé, tamyreny awire. Tai tahe hãbu mahãdu ritarenyre. Estevaõ ijõre, tii Deuxu Tyytybytyhy-di tÿximy rÿira, tatyhyna-ki tÿximy rÿira. Filipi ijõre, Prokoro ijõre, Nikanu ijõre, Timaõ ijõre, Parmena ijõre, Niolau ijõre, Niolau tahe Atxiõkia mahãdu juhuru rare. Judeu bede erydÿÿna tyhydÿÿdu juhuru tii

rare. ⁶Ityhydÿÿdu mahãdu tiiboho didydenyde Jesuisi erydÿÿna mahãdu-ò. Deuxu-ò rexitòenyrenyde tahe Jesuisi erydÿÿna ityre tebò ritidirenyre.

⁷Deuxu rybe heka ibutu ijohonanamy rÿire. Ityhydÿÿdu mahãdu-ò sòwetyhymy tamy ralòmhyÿre Jerusalè hãwã-ki. Xiwena widÿÿdu tule sòwemy Jesuisi rityhinyre.

⁸Estevaõ heka Deuxu luuna sòwemy ratximyÿre. Sòwemy Deuxu ruru-di ratximyÿre. Deuxu urihixina nihikÿmy inyko-ò riwiny my raremyÿ. Aõdeytenawiwihikÿ wesemy tule riwinyre. ⁹Kowa hãwã-ki tahe judeu dohodÿÿna heto iwitxira rÿimyÿre. Libertu mahãdumy rexininire taijoi. Imahãduõ Sireneu ludu rare, ijò Alexÿdria hãwã luduõ rare. Tiiboho doidenyde Estevaõ-wana rybe ritxiõnykemy. Silisia bedede ludoõ-ribi, Afia bedede ludoõ-ribi tii-wana doidenyde. ¹⁰Estevaõ rarybere bedeyrinhikÿ-di. Kia mahãdu tahe irybe weseõre. Estevaõ dori, Deuxu Tyytybytyhy-di ihÿre. ¹¹Tai tahe hãbuõ-ò raryberenyre: —Kaiboho heka Estevaõ dee maruibenykre. Jiarÿboho dori araõwynyrenykre. Kawesemy maruibenykre, my: —Jiarÿboho Estevaõ rybe-ò raholamy räiwãhãrenyre. Tii Deukumy aõbinahakÿlemy rarybemyÿre, Moisesimy tule. ¹²Kia-ki heka Estevaõ dee iny raykarananyre, judeu matuari mahãdu tule tamy raykarananyre. Ibutumy Estevaõ õrysomy roirenyre tahe rimyrenyde, ridyrenyde rybe ywisidÿÿna-ò. ¹³⁻¹⁴Tahe ruidu mahãdu didydenyde. Tahe tiiboho raryberenyre, my: —Ka hãbu heka Deuxu dohodÿÿna hetomy ibinamy narybede. Tii rarybere Jesuisi Nazare ludu iny dohodÿÿna heto kidibòhònykre. Jesuisi iny aõmydÿÿnana kidiwitxiranykre, ibutumy Moisesi inydeereny rierynanyre. ¹⁵Ibutumy iny ywisidÿÿna mahãdu Estevaõ-ò retere. Iòsana, ÿju òsÿnÿwesehekÿlemy tamy røhòtynyrenyde.

7 ¹Tahe xiwe wedu Estevaõ-ò rÿÿraxire: —Kia aõbohe inatyhy rare. ²Estevaõ tahe dirawyònyde. Wanyrÿboho, Wahaboho, Ijyymy adeereny arelykyre. Warybe-ò boholabenyke. Mesopotamia bedeki Deuxu biu-ribi rexitÿnyrenyde Abraõ-ò, inytybyreny-ò, Harã hãwã-ki rasÿnyõreu. ³Tamy Deuxu rarybere: —Abede-ribi boibenykre. Alahi riòkòre mahãduy-ribi makre. Manakre ijò bedede-ò adee dori asÿbede ariurihikre. ⁴Iribi tahe Abraõ Kadeu mahãdu bede-ribi roirenyre Harã hãwã-ò tai rasÿnykemy. Iribi tahe tyby rurureu, Deuxu kaò didyde ka bede-ò titxibo kaiboho wiji tasÿnymahãtemy. ⁵Abraõ-ò sÿõ riwahinyõre timy urihimyoõhyy. Tahe idi tamy riwahinykemy, iriõre-ò riwahinykemy Deuxu tamy rarybere. Abraõ iriõreõre, ihãrele Deuxu tusÿmy tamy rarybere. ⁶Tule Deuxu tamy rarybere: —Ariòkòre ijò bedeki rasÿnykre 400 beòramy. Kowa ariòkòre heka deòdu wesemy raaõmysÿdÿÿkre. Iwedu mahãdu heka ibinamy idi rarekre. ⁷Jiarÿ tahe iny ariòwynykre, Deuxu rarybere, ibinamy widi rÿira mahãdu. Iribi ka bede-ò kòdòhònykre wamy kaki reàlãmhyÿkemy. ⁸Idi urihixinaõ Abraõ-ò Deuxu riwahinyre, tòhòti itxi reakemy. Uladu notyresyna aõmydÿÿnana tamy riwahinyre. Idi tahe Ijai reareu, Abraõ Ijai noty riorore debò inataõ reurò txu-di. Iribi tahe Ijai tariõre Ijaò ritòtykyorore. Iribi tahe Ijaò tariõre notyky riorore.

Tiiboho waò inatximy riòrenaduõ roire. Inatyhymy tiiboho inytybyreny rare. ⁹Idi waòsohoji inytybyreny mahãdu Jyje dee rexiwobinanymyhÿre. Idi rohonyre Egito-ò ramyhÿre mahãdu-ò. Tahe Deuxu tii-wana raremyhÿ. ¹⁰Iaòhòkÿmy dÿÿnana-ribi Deuxu ritamyhÿre. Egito iòlò, Faraòmyninadu rare. Deuxu heka Jyje luumy Faraò risÿnyre. Faraò rue-ò heka Jyje bedeerydÿÿna sòwemy ratximyhÿre. Faraò ibutu dinodumy Jyje risÿnyre. Tule Iòlòheto-di itxeredu tyhymy Jyje ronyre. ¹¹Ramamy rubu nihikÿ dehemynde ibutusu-ò, Egito-ki, Kanaã bede-ki. Sòwemy iny aòhòkÿmy rotÿÿnyre. Inytybyreny rÿsÿnaò-ki rahaòhyre. ¹²Egito maixòmo rÿimyhÿreò, Ijaò roholare. Tahe inytybyreny riteònyre iòrysmy. ¹³Idi tahe ixityre iòrysmy riteònyre, Jyje tamyreny rexideòsinyre. Tai tahe Faraò Jyje sÿmahãdu rieryre. ¹⁴Tahe tyby-ò Jyje tarybe riwahinyre tamy sÿmy kanakemy ibutu imahãdureny-wana. Tiiboho 75 inymy rimyre ibutumy. ¹⁵Tai tahe Egito bede-ò Ijaòboho roirenyre. Iribi tahe Ijaò rurure. Idi tahe ibutumy inytybyreny rurure. ¹⁶Tahe iumyreny diwyde ritoonyre wabede-ò, Sikenì hãwã-ò. Abraò kia wabede juhuu riwyre nieru-di, Emo riòre-ribi. ¹⁷Deuxusÿ-ò wahidÿÿna juhuu rarybere Abraò-ò. Ibededÿÿnana iòhòre Deuxu tamy riwahinykemy. Inyboho Egito-ki rasòwemyhÿrenyre. ¹⁸Ikonanau tahe iòlò iwitxiramy ròhònyre Egito bede iòlòmÿ. Tii Jyje rieryòre. ¹⁹Tii iny ijoi riitxenanymyhÿre. Tii heka ibinatyhyre inytybyreny-ò. Uladu-di heto-ribi rehukemy riteònyre. Tai iny riòrereny ituerenyre. ²⁰⁻²¹Iu tahe Moisesi reare. Tii uladu ruxeratyhyre. Tii tahetotyhykile raumynyre inataò ahãdumy idi rÿire. Heto-ribi dòhònydeu, Faraò riòre rimyre itibiedÿÿmy tariòre wesemy. ²²Ibutumy Egito bedeerydÿÿnana tamy rierynanyre. Tii heka rexiòlònyre rybedunihikÿmy aòmÿdÿÿna widÿÿdu nihikÿmy. ²³Moisesi iny inatxiwa itue beòra-di rÿireu, tamahãdu, Israeli mahãdu roramy nade. ²⁴⁻²⁵Egito mahãduò Israeli mahãduò rihetenyre, Moisesi tuu robire. Tahe Moisesi tii rirubunyre, Israeli mahãduò riwiòhenanykemy, Egito mahãduò rexiòwynymy. Deuxu Moisesi debò-di iny ritakre. Kiamy tahe Moisesi mahãdu rierykremy Moisesi ròhòtynyre. Tahe aòkòre rieryòhyre. ²⁶Ijò txu biòwamy tahe Israeli hàbu inatximy wiwana ròrenymyhÿ. Moisesi ronyre iyreny-txi riixãwididÿÿnykemy. Rarybere: —Kaiboho seriòre toite, aòherekibo wii tehetenytenyteri. ²⁷Kia òhòtedu Moisesi ritorunyre rarybere: —Mobo he wawedurenymy arasÿnyra, awaywisidÿÿdu renymy. ²⁸Kai biwarubunykekò aòbo, iwese kau Egito mahãduò terubunyte wesemy. ²⁹Kiarybe-ò roholareu, Moisesi rahenyre Midiã bede-ò rasÿnykemy. Idi tahe inatxi Moisesi riòremy kowa reare. ³⁰Iny inatxiwaituemy beòra-di bededÿÿnana riwyre. Tahe Sinai hãwãlò bederahy-ki raremyhÿ, ÿjuò tamy rexitÿnynyre bede rade tòbòhòkÿy-ki tamy roomyhÿre. ³¹Moisesi kiamy dobideu, bede riòtiinyre. Tamy itxeremy rehemynyre. Tahe Deuxu rybe-ò roholare. ³²Jiarÿ boreny Deuxu watxireri, Abraò Deuxu, Ijai Deuxu, Ijaò Deuxu. Tahe Moisesi ruberutyhyre, timy heka tamy reteheòhyre. ³³Tahe Deuxu tamy rarybere: —Awa bitake, suu awarawo ludu dori, brebuna rare. Jiarÿ heka Deuxu watxireriki, biwatyhynyke. ³⁴Wiji tahe wajjoimy rabireri Egito-ki. Tiiboho aòhòkÿmy rotÿÿnyrenyre. Ibru-ò raholareri, iohitxi-ò raholareri. Jiarÿ

heka aditadenykre iribi. Manake, Egito-ò arateònykre. Kia heka Deuxu rarybere Moisesi-ò. ³⁵Ka Moisesi heka Israeli mahädu juhuhu teramy reare. Tamy rarybere juhuhu mobu wawedurenymy arasÿnyra, waywisidÿÿdurenymy. Tiile heka Deuxu riteònyre idinodumy rarekemy, tarasadumy rarekemy. Bederade tòbòhòkÿ ÿju, heòtywoludu, iwìhedÿÿdure. ³⁶Tahe Moisesi Egito-ribi iny ritamyhÿre. Egito bede-ki bedeeryna aõna aõna wiwihikÿ-wana. Iwese ahohokÿbesò-ki tule bederahy-ki iny inatxiwaitue beòramy aõmydÿÿnana wiwihikÿ riwinyre. ³⁷Kaa Moisesi heka rarybere Israeli mahädu-ò: —Ayreny-ribi, amahädu-ribi rybedu nihikÿmy Deuxu kiditamadÿÿnykre iwese riwatamadÿÿnyre wese. ³⁸Kaa Moisesi tajoi-di wii ributunyre, bederahy-ki ihÿmyhÿ inytybyreny-wana heka ratximyhÿ. ÿju-wana tii ratximyhÿ Sinai häwäò-ki iu tamy rarybere. Deuxu rybe tyhy iru-di ratximyhÿ. Tahe rybe bede ywina heka Moisesi-ò Deuxu riwahinyre inydeereny kidiwahinykemy. ³⁹Tahe inytybyreny ityhydÿÿ deramy rare. Reòbyòreny. Ixybyle Egito-ò ròòsekemy ròhòtynyre. ⁴⁰Tahe iny Araò-ò rarybere: —Ritxoo deuxuò inydeereny biwinyke inykorenymy rakemy. Moisesi, Egito-ribi iny ritarenyre, tahe titxibo ihÿre reerynyòre. ⁴¹Kiatxu tahe broreni riòreò riwinyre. Tahe xiwemy ritoonyrenyre iko-ò, ritxooko-ò. Rexideysanyrenyre aõbo tebò-di riwinyrenyreki. ⁴²Tai tahe Deuxu rexitare iribi, taina rityhynkemy. Iwese rybeduò iu tyriti-ki riritynyre wese:

—Israeli mahädu, kaiboho xiwena tetoonytenyte, iròdu xiwena tetoonytenyta. Wadee aõkò tahe kia tetoonytenyta 40 beòramy bederahy-ki.

⁴³Kaiboho tewytenyta ritxooheò riòre. Mòlòki inire, aritxoo deuxuni.

Tule Renifa taina ijò aritxoonire. Kia tewytenyte, tetyhynytenyte wahe. Tai tahe arateònyrenykre Babilonia weribihikÿ-ò wahe.

⁴⁴Inytybyreny heka Deuxu rybe bede ywina tyky heto riwinyhÿre bederahy-ki. Iwese Moisesi-ò Deuxu riteònyre wesemy kia riwinyhÿrenyre.

⁴⁵Iribi tahe inytybyreny tatyby-ribi tyky heto ritare, tii-wana riwinyhÿre kabede-ò, Josue tadinodu-wana. Iu Deuxu iko-ribi riteònyre, ibutumy tai sÿ mahädu tii-wana riwinyhÿre, ihyy tahe Davi reare. ⁴⁶Deuxu heka sòwemy Davi luure. Davi heka rexitònyre Ijaò Deuxu dee heto riwinykemy. ⁴⁷Tahe tii aõkò riwinyre, Salomaò iwìdÿÿdure. ⁴⁸⁻⁴⁹Deuxu biukisÿdu tahe häbu widÿÿna heto-ki rasÿnyòmyhÿre. Iwese Deuxu rybeduò rarybere wese:

—Biu tahe warynana rare, bede tahe wawa elehyna rare. Timybo inyò wadee heto riwinyke, Inynyrÿ rarybere. Iwo-ki tahe waelehyna arihynyòkre.

⁵⁰Deuxu rarybere:

—Ibutumy aõna aõna jiarÿ rewinyre.

⁵¹Tahe Estevaò rakonananyre he tamyreny rybena heka ròhònyre: —Kaiboho araykytererenyre. Deuxu Tyytybytyhy rybe-ò taholaòhyymahätenyte. Iwese iny tybyreny riwinyrenyre wesemy. ⁵²Ibutumy Deuxu rybedu mahädu-ò ibinamy iny tybyreny riwinyhÿrenyre. Tiu ihetxiu Deuxu òbiti häbu

kanakeò, tiiboho raryberenyreu, rirubunyre irybedu. Kaiboho tahe Deuxu òbiti hàbu-di ijõ-ò tewahinytenyte, terubunytenyte. ⁵³Deuxu bede ywina ÿju mahãduò adeereny diwahinydenyde, kia bede ywina kaiboho tetatenyte, tahe tetyhynyõhyamahãtenyte. ⁵⁴Tahe kiamy Estevaõ rarybereu, tiiboho heka rebure nihikÿre. Urile txyde-ki ruruamhyÿre tamy. ⁵⁵Estevaõ tahe Deuxu Tyytybytyhy-di iwoki ratximhyÿre. Tahe biu-ò rethehe: Deuxu loosònamy robire. Jesusimy robire lamamy rÿire Deuxu rurunawe-ribi. ⁵⁶Tahe Estevaõ rarybere: —Jiarÿ wa rabireri biu juxahakÿmy. Jesusimy rabireri Deuxu deòdÿÿna. Lamamy heka rare Deuxu rurunawe-ribi. ⁵⁷Tahe ryrymyhyÿre, tõhõti ritòbònymhyÿrenyre, rajjeranyre tamy. ⁵⁸Ridyre hãwã-ribi, mana-di tahe tamy rehumhyÿre, rirubunyrenyre. Erydÿÿna ijydu tahe taderamy ririrenyre Saluko-txi tamy riyrubunykemy. ⁵⁹Iu mana-di rehureu, Estevaõ rexitòenyre: —Wanyrÿ, Jesuisi, watytyby kai bimyleke awana ararekemy. ⁶⁰Tahe tatiowotim� resere, ryryre: —Wanyrÿ, kia òraruna òwydÿÿomyke. Idi tahe rurure.

8 ¹Salu tahe kia òbitim� raremyhÿ rõhõtinyre, Estevaõ rurureu. ²Iribi tahe ityhydÿÿdu mahãdu aõhòkÿmy rotÿÿnymhyÿre. Judeia wedu mahãdu dori, òludumy rÿimhyÿre. Tai tahe ityhydÿÿdu sohoji sohoji Jerusalẽ hãwã-ribi rõhònyre. Urile Jesuisi erydÿÿna mahãdu sohojile rÿire. Judeia bede hãwã mynamyna robÿtÿre, Samaria bede-ò tule. Tahe hàbu ityhydÿÿduò Estevaõ umy riwyrenyre rihãloonykemy. Tahe rahinymhyÿrenyre, rirajuamhyÿrenyre. ³Salu tahe ityhydÿÿdu mahãdu hudumy. Wii risÿnymhyÿre. Ihetorenywo-ò ralòmyhÿre tahe ridymhyÿre hãwyy, hàbu, ròtenawo-ò riròtenykemy.

⁴Iu tahe ityhydÿÿdu mahãdu ijõ bede-ò roire mahãdu Deuxu rybemy relymyhÿre ibutu hãwã-ki. ⁵Filipi ijõ raremyhÿ. Tii Samaria hãwã-ò rehemynyre. Tahe Kristumy tamyreny relyyre. ⁶Iny sòwemy rityhynyrenyre aõmybo Filipi rarybemyhÿremy. Tahe deytedÿÿna wiwihikÿmy iny robimhyÿrenyre, tyytybybina deòdÿÿnamy tule robirenyre. ⁷Tahe riteònyreu, tyytybybina iny-ribi rõhònyre, rirajuamhyÿre. Tule iny webinadu raraserasemy roimhyÿre, tule inytiere-wana. Tahe ibutumy riteytenymhyÿre. ⁸Tai tahe ka hãwã-ki deysana nihikÿ rÿire.

⁹Samaria hãwã-ki tahe hàbuò raremyhÿ. Simaõ inire. Tii wodohonana widÿÿdu ihÿre. Iny riitxenanymyhÿre. Tahe riòtiinyrenyre. Tii iximy rarybemyhÿre moõ wiwihikÿmy raremyhÿmy. ¹⁰Ibutumy iny tii rityhynyrenyre, hàbu wedu mahãdu tule, hàbu aòtxile mahãdu tule. Tiiboho raryberenyre: —Simaõ Deuxu ruruna rare. Ruruna nihikÿ inire. ¹¹Tiu bedeu aõkõ iny riitxenanymy raremyhÿ, riòtiinyrenyre. Tai tahe rityhynymhyÿrenyre. ¹²Iu tahe Filipi Jesuisi Kristunim�, Deuxu òlònamy tamy relyymhyÿre. Tai tahe rityhynymhyÿre, raratysebemyhÿrenyre. ¹³Iribi tahe Simaõ itxenadÿÿdu tule Jesusimy reòbyre, raratysebenyre. Tahe Filipi-wana ihyy ròirenyre bede òtiidÿÿna-di retheemyhÿre aõbo Filipi riwinyremy.

¹⁴Samaria hãwã mahãdu tahe Deuxu rityhynyre. Kia-ò Jesuisi erydÿÿna mahãdu roholare Jerusalẽ-ki. Tai tahe Pedro Joaõ-wana riteònyrenyre

kowa-ò. ¹⁵Rehemynyrenyreu, Deuxu-ò rexitòenyrenyre Deuxu Tyytybytyhy tamy kanakemy. ¹⁶Inyò dori Deuxu Tyytybytyhy-di rÿiòmyhÿ. Urile Jesuisi Inynyrÿni-di raratisebedÿÿmy rÿiramyhÿ. ¹⁷Tahe Pedro Juaò-wana tebòreny ityreny ritidire. Tahe Deuxu Tyytybytyhy tamy nade. ¹⁸Kiamy Simaò robire, aõma, debòtidina-di Deuxu Tyytybytyhy nade. ¹⁹Tai tahe tamy rexitòenyre: —Ka heka wanieru rare. Bidiwahinyke kia ruruna. Tahe inyò tyre wadebò aritidikeki, tamy Deuxu Tyytybytyhy kanakemy. ²⁰Tahe Pedro tamy dirawyònyde: —Aòkòre, anieru rakemy watxireri awanale rububede-ò. Deuxu ruruna dori anieru-di biwykemy mohòtinyke. ²¹Kia heka aõmysÿdÿÿnakòre wayreny-ki. Arayky, awo, òbitimy aòkò ratximyhÿre Deuxu dee. ²²Mabedewomy atximahàke aòraruna-ki, aõbo tahòtinyte. Bexitòenyke Inynyrÿ-ò tii òsana aòraruna-ribi araixãwididÿÿnykre. ²³Kai dori textiwaritinymahâte. Aòraruna adi nararotinymyhÿde. ²⁴Tahe Simaò tamy rarybere: —Wadee bexitòenybenyke Inynyrÿ-ò, kia aòkò waki kÿnyikemy, aõmybo tarybetenyteki aõbo.

²⁵Iribi tahe, Pedro Juaò-wana Inynyrÿ rybemy rarybemyhÿrenyre, relymyhÿrenyre tai. Sòwemy Samaria bede hãwã hãwã-ki Rybewihikÿ relymyhÿre, Jerusalê-ò ròðserenyreu.

²⁶Filipi Samaria hãwã-ki raremyhÿ. Tahe Inynyrÿ ÿjuò tamy rarybere: —Bexiywinyke, make ibòð-ò. Kasa hãwã ryhykÿ bimike. Jerusalê-ribi ryy rare, bederahy-ki rare. Tahe Filipi rare. ²⁷⁻²⁸Tahe inyò-wana wibymy reare. Tii Etiopia bede luduò rare. Etiopia bede iòlò hãwywò rare. Kanasi inire. Inieru-di itxeredu kahãbu rare. Tii enuku rare. Tii ròðsereri Jerusalê-ribi. Kowa Deuxu reàlãmy rare, tahe tasÿ-ò ròðsere iawarutewedile. Isaia Deuxu rybedu tyriti-di rariamy tii rononymhÿre. ²⁹Deuxu Tyytybytyhy Filipi-ò rarybere: —Make, awarutewe-ò, mariake ibire-di. ³⁰Tahe Filipi tamy raijaranyra. Roholare tyriti-di rariareridò. Tahe Filipi rÿÿraxire: —Kai aõbo teeryte aõbo rare, aòdibo tariateri. ³¹Tahe dirawyònyde: —Aòkòre, inyò dori wadee ritÿnynyòre. Timybo arierykremy. Manaòwònyke wabire-ò bodonyke. Tahe Filipi raòwònyre. ³²Tii kia-di rariareri tyriti-ki:

—Iwese iny budoeni rubudÿÿdu-ò riwyre wese, tii iwesele ridyrenyre.

Budoeni-ribi iny isira riororeu, rirajuaòlere. Iwesetyhyle Tii rarybeòlere.

³³Iehehenamy tamy raryberenyre wese hãbu ehehe wesena, òbitimy aòkò idi riywinyrenyre. Inyò rarybeòtyhy iriòkòremy, iumy dori bede-ribi ituera. ³⁴Tahe tii Filipi-ò rarybere: —Wadee manarybeke momybo rybedÿÿdu rarybereri, iximy aõbo ada ijòmy aõbo. ³⁵Tahe Filipi kia Tyritidile rexideleny relyyre. Jesuisimy Rybewihikÿ Tÿmyramy tamy relyyre. ³⁶Rydi rariamyhÿre idi rehemynyrenyre beò-ò. Tahe tii Filipi-ò rarybere: —Kowa bera rare. Biwaratisebenykekò aõbo, adee awikeki. ³⁷⁻³⁸Tahe Filipi dirawyònyde: —Awire wadee. Inatyhymy arayky-ki tetyhynyte-wana, aratisebenykre. Tahe rarybere: —Retyhynyre, inatyhymy Jesuisi Kristu Deuxu Riòre raremy. Tahe tewe irira riixãwidinykemy riteònyre. Tahe itewe-ribi ròhònyra, bera-ò riberenyre. Tahe riratisenenyre. ³⁹Bera-ribi rotuoreu, Filipi aõwesele iòmy

reare. Inynyrÿ Deuxu Tyytybytyhy ridyre. Hãbu icyby Filipimy robiõhyyre. Tahe tary-di rariamy rare. Teysanatyhy-di tÿximy rare. ⁴⁰Idi tahe Filipi rexieryreu, Asoto hãwã-ki rehemynyny raremyhÿ. Iribi tahe Rybewihikÿ-di relyyre ibutumy hãwã hãwã-ki. Ikonana tahe Sesaria hãwã-ð rehemynyre.

9 ¹Salu rarybemy raremyhÿ, Inynyrÿ Jesuisi ityhydÿÿdu mahãdu rubudÿÿmy. Tii rarybemy raremyhÿ Deuxu dohodÿÿna heto wedu-ð. ²Tamy rexitõenyre: —Arybe tyyriti ariwykremy watzireri Damasu hãwã dohodÿÿna heto wedu-ð. Tai tahe kowa-ki ityhydÿÿduõ-txi areakeki, aõtxile hãbu hãwyy aõbo, aridykemy Jerusalẽ hãwã-ð, arirõtenykemy. ³Tahe iðhõmy Salu rare Damasu hãwã irõte iðhõ-di, idi tahe loosõnahakÿ Salu tyre resere. ⁴Tahe bede-txi resere, tahe rybeõ roholare: —Salu, Salu, aõherekibo aõna aõnamy ibinamy wadee tatÿÿnymahãte. ⁵Tahe tamy rarybere: —Mowexe, Wanyrÿ atxiteri. Tahe rirawyõnyre. —Jiarÿ Jesuisi watzireri, aõna aõnabina binamy wadee tadotÿÿnymahãte wahe. ⁶Myike, mariamy tahe hãwãhãkÿ-ð malokre. Taita inyõ adee rarybekre aõhebo botÿÿnykremy. ⁷Tahe Salu ijoi riðryre rybeõhyy rÿimyhÿ. Rybe-ð roholare, tahe tuu robiõhyyre. ⁸Salu suribi rÿireu, iruetã wesele heka ratximyhÿ. Tahe hãbu tii-wana ihÿmyhÿ heka iaxiõ-ki idi rimymy idi rare Damasu hãwã-ð. ⁹Tahe hãwãhãkÿ-ki txu inataõ txu idi rÿire aõmy robiõhyyre, riroxiõhyyre, bemy riõõhyyre.

¹⁰Damasu hãwã-ki ityhydÿÿdu wihikÿ rasÿnyre. Anania inire. Wanyrÿ Jesuisi tamy rarybere rasi weselemy: —Anania. Tahe rirawyõnyre: —Aõbo rare, Wanyrÿ, kakile watzireri. ¹¹Tahe Jesuisi riteõnymy rarybere: —Myike, make õbitiry-ð, Judasisÿ heto-ð. Tai bitÿÿraxinyke titxibo Salu ratxirerimy. Tarso hãwãludu tule rininire. Tii wiji wadee rexitõenyre. ¹²Tii umy robireri tarasi-ki. Kai tehemynteri wese, irue-ð ebð bitidikemy, biteytenykemy. ¹³Anania Jesuisi-ð rirawyõnyra: —Wanyrÿ, sõwemy kia hãbumy rybe-ð raholara. Aõbina binamy ityhydÿÿdu-ð risÿnymy raremyhÿ Jerusalẽ-ki. ¹⁴Deuxu dohodÿÿna heto wedu tyyriti diwyde kaki ityhydÿÿdu rutysÿny rirutekemy. ¹⁵Tahe Inynyrÿ tamy rarybere: —Aõwaxina tamy makre, Jiarÿ dori, kia retara wadee aõmysÿdÿÿdu nihikÿmy rarekemy, judeukõdu mahãduko, iðlõrenyko, tule Israeli mahãduko wanimy rarybekre, aõma, warybetÿmyra wihikÿmy. ¹⁶Tamy aritÿÿnykrekre tiwesebo aõhõkÿmy rotÿÿnykrekre wanimy rybeõraru-ki. Kia ibutumy Jesuisi rarybere Anania-ð. ¹⁷Idi ta Anania rare tamy Judasi heto-ki. Ralõmy rahudi, tahe, tebð ityre ritidira. Tahe rarybera: —Salu, waseriõre, Inynyrÿ adee riwateõnyra. Tiile, Jesuisile heka ryro-ki adee rexitÿÿnyre. Tiile heka riwateõnyra arue ritxuakemy, tule Deuxu Tyytybytyhy atykmy ralõkemy. ¹⁸Tahe aõwesele irue-ribi rejujura aõ yjy wesele. Tahe ixityre robira. Idi rÿimy rahudi tahe, Anania riratysebenyre. ¹⁹Idi riroximy rahudi tahe, inatyhymy raruruterenyre. Tahe Damasu hãwã-ki tiwese txubo idi rÿire kia erydÿÿna mahãduy-ki. ²⁰Idi dohodÿÿna heto-ki rybe ritÿÿnyre. Rarybere: —Jesuisi heka Deuxu Riõrele rare. Kiawesele rybe-di ritynynymyhÿre. ²¹Tahe uri ijohonadu mahãdu urile bede riõtiinymy rÿimyhÿ. Tahe inyõ rarybere: —Kia aõ heka ityhydÿÿdu rubudÿÿdule ratxireri, Jerusalẽ-ki. Kiale heka kað

nade ityhydÿÿdu ritaataamy ridykemy dohodÿÿna heto wedu-ò. ²²Salu tahe ire riixiòlòdÿÿnymyhÿhyre. Judeu Damasu hãwã ludu rieryõhyymhÿ aõmybo rarybem. Tii rarybere: —Jesuisi Kristule rare, Deuxu deòdÿÿna rare.

²³Tiwesetxubo txu idi rÿidi tahe judeu mahãdu rarybere irubudÿÿmy.


²⁴Tahe Salu rierymy rÿimyhÿ tahe inonana-ò rexiywinymy rÿimyhÿ.

Rumy tahe, txumy hãwã ijò-ki rirubunykemy retehemy rÿimyhÿ.

²⁵Tahe ijõ erydÿÿna mahãdu weriri nihikÿ riwinyre. Rumy tahe Salu riòlòdÿÿnyre òtity nihikÿ kanaweribi-ò, hãwã ahanaube-ò.

²⁶Salu Jerusalê-ò rehemynyreu, ityhydÿÿduky-ò ralòkemy ratxireri, tahe urile ilau ruberumy rÿimyhÿ. Erydÿÿna mahãdu röhötinyre: —Tii ityhydÿÿdu inatyhy aõkõ ratximyhÿremy. ²⁷Banabe tahe rityhynymy ridyre Jesuisi erydÿÿna mahãdu-ò. Tahe relyyre iwese Jesuisi Salu-ò ryki rexitÿnyremy tamy raryberemy. Tule relyyre iwese Jesuisinimy Salu rybe ritÿnydÿÿnymyhÿremy, Damasu hãwã-ki. ²⁸Tahe taihy Salu ratximyhÿre. Tiò tiòle reamy ratximyhÿre rybe ritÿnydÿÿnyrerimiy ihÿre, ruberumy aõkõ. ²⁹Salu rarybera grego rybe heka erydÿÿna mahãdu-ò. Widee rarybehymyhÿrenyre. Idi tahe kia mahãdu Salu rubudÿÿmy roromyhÿre. ³⁰Ityhydÿÿdu seriòre kia rieryreu, tahe Salu ridyrenyre Sesaria hãwã-ò. Iribi tahe Tarso hãwã-ò riteõnyre.

³¹Idi tahe ywina reare ityhydÿÿdu mahãduy-ki. Ibutumy hãwã bedemy, Judeia, Kalileia, Samaria, ityhydÿÿdu mahãdu iruruteremy relere. Ibutumy



(Aõhebo Rotÿÿnyre 9.25)

Inynyrÿ dee òbitina-ki rariamyhÿre, rityhynymyhÿre. Deuxu Tyytybytyhy teysatyhymy tamy riwahinyre. Sõwemy tahe ralore iheki ityhydÿÿmy.

³²Ibutumy hãwã hãwãmy Pedro rariamyhÿre. Tule robehere Lida hãwã-ò ijõ ityhydÿÿÿdu mahãdusÿ-ò. ³³Tai Eniamy ninadu-txi Pedro reare heka rare. Iumy heka imyremyrehëkÿ heka rare. Debò inataõ reurò beòramy heka herina-ki bede idi rÿire ³⁴Pedro rarybere tamy: —Enia, Jesuisi Kristu arateytenykre. Myike, aherina biyrubunyke. Aõwesele hãbu rÿira. ³⁵Ibutumy Lida hãwã mahãdu Sarona hãwã mahãdu tuu robire, tai Inynyrÿ rityhynyrenyre.

³⁶Jõpe hãwã-ki hãwyy ityhydÿÿÿdu rasÿnyre. Tabita inire. Kiani riwiurònyre, watxi wese heka rare. Kia heka aõwiwihikÿ widÿÿÿdu heka rare. Aõna aõna sõwemy iny-ò riwahinymyhÿre. ³⁷Ijõttxu heka webinadumy resere, ihyy ta, rurure. Risuhòmny rahudi tahe, ritidire hetowo ratyaluduwo-ò. ³⁸Laida hãwã iòhòmny rÿire, Jõpe hãwã-ribi, Ityhydÿÿÿdu roholare Pedro Lida hãwã-ki ratximyhÿreò, tahe hãbu inatxi diteònyde Pedro òrysmy. Uritere eleòkòmny kanakemy tii-wana. ³⁹Pedro tahe tii-wana rare. Rehemynyrenyreu, tahe ridyre hetoratya ludu wo-ò. Ibutumy wytese mahãdu robumy rÿimyhÿre, rubuweroramy. Tahety, tatyboho ritxeredÿÿÿny tamy riwinyreò. ⁴⁰Tahe Pedro rarybere ibutumy rexitakemy. Tahe rexitòenyre taowotimy resemny. Tahe rexiòkesere rubu-ò rarybekemy: —Tabita, myike. Tahe irue raraynyre tahe Pedromy robire, tahe ronyre. ⁴¹Pedro tebò tamy riwainyre tahe rÿire. Tahe wytese-ò, ityhydÿÿÿdu-ò rryre. Tamy riteòsinyre hãwyy irulemy roirerimny ihÿremny. ⁴²Jõpe hãwã mahãdu ibutumy kia rieryre. Sõwemy iny tahe Inynyrÿ rybe rityhynyre., ⁴³Txu sõwemy Pedro Jõpe hãwã-ki ihÿmyhÿ Simaõmy ninadu heto-ki. Simaõ heka iròduty wysydÿÿÿdu rare.

10 ¹Italia soldado mahãdu dinodumy raremyhÿ. Oreniliu inire. Sesaria-ki rasÿnyre. Tii òbitimny nodu rare, isÿ mahãdu-wana. ²Tii uriwahidÿÿÿna diwahinyde tule sõwemy rexitòenyre Deuxu-ò. ³Aõttxu inataõ òra bedeu iòhòmny, rasina wesemy Deuxu ÿjumy tii robira, tamy rehemynyrenyri. Tahe tamy rryre:

⁴—Oreniliu, rimasajuare-ribi riwawyònyre: —Aõherekibo, Wanyrÿ.

Tahe ÿju rarybere Oreniliu-ò: —Aexitòedÿÿÿnamy Deuxu rierymyhÿre. Tule ijõ-ò awahisina Deuxu rierymyhÿre.

⁵Biteònyke eòdubohoò Jõpe hãwã-ò Simaõ Pedro òrysmy. ⁶Tii Simaõ iròdutyky iyxidÿÿÿdusÿ-ki ihÿre, bera ijã iòhò-ki. ⁷ÿju rybedu rexitareu, teòdu inatxi-ò rryre. Tule tasoldado mahãduy-ribi inyõwihikÿ rihitxinyre. ⁸Kia ibutu-ò relymy rahudi tahe riteònyre Jõpe hãwã-ò.

⁹Ijõttxu txutyetxuu, tiiboho hãwã-ò iòhòmny ròire. Kiaule Pedro raòwònymy rÿimyhÿ hetotyre-ò rexitòenykemy. ¹⁰Rama risamy ratximyhÿ tahe riroxikemy ixi-di ihÿmyhÿ. Rÿsÿna riraòmny rÿimyhÿ. Idi rasi wesemy röhòtinymy rÿire.

¹¹Tahe robire: biuwetyy ruamyhÿre wese tuu robire. Rià wesemy aõna tamy dobehede. ¹²Rià wo-ki ibutumy iròdu, nawii, hemylala, aõbo dòkònakònale.

¹³Rybeò-ò roholare: —Myike, Pedro, birubunyke, biroxike. ¹⁴Pedro rirawyònyra: —Aõkõre, Wanyrÿ. Kia dòkõna reròkõhywãhãre, isuisure dori.



(Aõhebo Rotÿÿnyre 10.9)

Ixityre tamy rarybere: ¹⁵—Aõbo Deuxu risuhore wese isuisumy rybeõmyke.

¹⁶Ixityre narybede. Iu tahe aõwesele ridyre biu-õ.

¹⁷Tahe Pedro kia aõbo raredi heka rõhõtinyreu, Oreniliu-ribi häbu mahädu rehemynyre. Simaõ heto riijemyhÿ tahe ijõhõkÿkile rahare.

¹⁸Tahe rryryrenyre: —Simaõ Pedro aõbo kakile ratxireri. ¹⁹Pedro, tatxuu rasina-di rõhõtinyreu. Deuxu Tyytybytyhy tamy narybede: ²⁰—Myike tahe, bobeheke. Inataõ häbu dori araijereri. Tii-wana makre adee dori aditeõnyde.

²¹Tai Pedro robehere. Tamy rarybere: —Jiarÿ aõrysdu rare. Aõherekibo tõitenyte.

²²Tahe rirawyõnyre: —Oreniliu häbu õbiti rare.

Tii Deuxu dee ijohonaduõ rare. Ibutumy judeu bede mahädu awiremy tuu rarybemyhÿre. Ýjuõ tamy rarybere aõrysmy kiditeõnykremy,

adee roholakremy. ²³Tahe Pedro tamyreny rarybere: —Kakile inyboho rõkõrõrenykre.

Ihewoludu txu, rÿidi tahe Pedro tiibohe-wana rõirenyra. Ijõ

ityhydÿÿdu seriõre tule roirenyra. ²⁴Ijõ hewo ludu txu Sesaria-õ

rehemynyrenyre. Oreniliu tii riraõmyhÿre. Taijoi mahädu tabiõwawoludu

mahädu-wana ributunymy rÿimyhÿre. ²⁵Pedro rehemynymy raloreu, Oreniliu rõhõnyra heto-ribi tahe tatiowotimy iko-txi resere riwowydynkemy.

²⁶Tahe Pedro ritamadÿÿnyre. Rarybere: —Mynyike wahe. Jiarÿ häbule watxireri.

²⁷Tahe rarybemy ralõmyhÿ, sõwemy wii ributunyreriõ itxi reare. ²⁸Ta Pedro tamyreny rarybere: —Judeu mahädu iny witxira mahädu-wana wibutudÿÿõmy,

iõhõmy wiribi riraõmy. Kia teerytenyte. Deuxu dori riwaerynadÿÿnyre kia wese arõhõtinykre. Iny wiwese wiwesele raremy arõhõtinykemy.

²⁹Tahe tai waõrysmy teteõnyteu, aõtaximy anademy wanohõti rÿire. Tai tahe adeereny

arÿÿraxikre. Aõherekibo waðrysomy aõtaxina teteõnyte. ³⁰Ta Oreniliu rirawyõnyre: —Inaubiõwa txumy txu rÿire tahe hæbu tyky tÿrÿrÿhÿkÿ-di wako-txi rexitÿnyyra. Iule wesemy tahe waheto-ki rexitõenywåhåre.

³¹Tahe wadee rarybera: —Oreniliu aexitõedÿÿna-ð Deuxu roholara, ijõ-ð awahisina rieryra. ³²Biteõnyke Jõpe hæwå-ð Simaõ Pedro õrysomy. Simaõ, irõdutyky iyxidÿÿdusÿ-ki ihÿre bera ijå iðhð-ki. ³³Aõwesele tahe, aðrysomy reteõnyre. Awimy tahe tateriki rahara. Inyboho kakile ributunymy ihÿrenyre, aroholakemy ibutumy Deuxu-ribi aõmybo manarybekemy. ³⁴Tahe Pedro rarybere: —Deuxu dee iny ibutumy wiwese wiwesele rare. Kia reeryre. ³⁵Ibutumy bedede hæwå ludu Deuxu rityhynkeki, aõbo tamy õbiti riwinykeki, tii Deuxu ixidee rimyke. ³⁶Kia rybe tahe Deuxu riwahinyre judeu mahådu-ð. Rybewihikÿywina kia diwyde inydeereny bedeernamy. Kia Jesuisi Kristumy rarybere ibutunyrÿna kia rare. ³⁷Joaõ ijõ ratysevenamy rarybere, idi tahe kia rybe hæletedÿÿmy rexidelenyre Kalileia-ki. Tahe ibutu judeu mahådu bedemy rarybere. Kia kaiboho teerytenyte. ³⁸Iwese Deuxu Tyytybytyhy, taruru-wana Jesuisi Nazare ludu tyre-ki ditiwide wesemy relyymhÿre. Iwese Jesuisi reamy raremyhÿ wesemy aõwihikÿ riwinymhÿremy, tule iny Diabo rururawo-ki ratxirerimy ihÿre Jesuisi iribi riteõnyre, ta reteytenymhÿre. Deuxu dori Jesuisi-wana ihÿre. Ibutumy kia teerytenyte. ³⁹Tahe ibutumy judeu mahådu hæwå-ki riwinymhÿre, idi itxeredumy inyboho roiremyhÿre. Ihåre tahe tii Jesuisi rirubunynyre, õwõru itxed nihikÿ-ki ritõhåleteny ritamadÿÿnyrenyre. ⁴⁰Inataõ txu-di tahe Deuxu rubu-ribi riixixanyre, tahe tii riteõsinyre inyõ-ð. ⁴¹Tatarasanaõðle Deuxu Jesuisi ritÿnydÿÿnyre. Kia heka inyboho roire tii-wana riroxirenyreki, riõrenyreki, iixixana hewomy. ⁴²Deuxu rarybere: —Jesuisi hitxidÿÿdu iny wiribi ywisijuradÿÿdu rareke, iru mahådu dee, rubu mahådu dee. Kiamy heka Deuxu iny-ð ritÿnytedÿÿmy, ta inyboho rokoirekemy diwahinyde. ⁴³Ibutumy iny Jesuisinimy tamy rityhynkeki, iõraru-ribi iny riixåwididÿÿnyke. Kia ibutumy ihetxiu rybedu mahådu rÿimy rarybemy raremyhÿre. Kia heka Pedro tamyreny rarybere.

⁴⁴Pedro rarybemy raremyhÿu, Deuxu Tyytybytyhy ibutu rybe-ð ijohonadu tyre-ki resemý ralore. ⁴⁵Pedro-wana rare mahådu, judeu mahådu õbiti, tahe riðtiinyre judeukõdu mahådu-ki Deuxu Tyytybytyhy ralõmy rareki. ⁴⁶Raholare dori rybe wixira-di raryberenyreð, tiiboho Deuxumy heka reålåmyhÿre. Tahe Pedro tamyreny rarybere: ⁴⁷—Inyõ rarybeõkre, iratysebedÿÿõmykemy, tiiboho dori Deuxu Tyytybytyhy-di ratxirenyre inyweserenyle. ⁴⁸Tahe Jesuisi Kristu nimy iratysebenykemy riteõnyre. Tahe rexitõenyrenyre Pedro idi iyreny-ki ijõ txumy ramyhÿre.

11 ¹Judeukõdu mahådu Deuxu rybe roholamy rityhynymhÿre. Kia-ð tahe Jesuisi erydÿÿna mahådu roholare kiamy ityhydÿÿdu seriõre mahådu tule roholare. Judeia bedede ludu ratximyhÿ mahådu ibutumy kia rare. ²Pedro ixityre Jerusalõ-ð rehemynyre, tahe judeu ityhydÿÿdu mahådu tuu tamy narybede. ³Kia heka, Pedro, judeukõdu mahådu-wana wiwo-ki atxiteri, tii-wana

teroxiteri. Tai tahe ibinamy raharenyre. ⁴Iribi tahe Pedro ikoreny relyyre ibutumy taaõna aõnamy. Kia wesemy Pedro rarybere: ⁵—Jõpe hãwã-ki watxiwãhã. Tahe rabire rasinawesemy riã nihikÿ biu-ribi robehere-ò. Iwese inyõ ìdhòti inaubiõwa-ki rimymyhÿre wesemy wadee robeheemy roimyhÿre. ⁶Tahe aõbo heka iwo-ki ratximyhÿdi, retehenihikÿmy rãiwãhã iròdu deborehekÿ wesemy ratximyhÿ iwo-ki. Abòròrò wesemy tai ratximyhÿ, iròdu wese, nawii wese tai ratximyhÿ, inyboho rirÿsÿõmyhÿre wesemy. ⁷Iribi raholare rybeò-ò: —Myike, Pedro, birubunyke hewa aõtxile birubunyke tibo biròkemy. Aõkõrewa Wanyrÿ, tiu heka reròõwãhare. Judeu mahãdu bede ywina heka tiu iny kia riròõtyhy. ⁸⁻⁹Tahe ixityre rybeò tamy rarybere: —Marybeõke kia ibinamy. Aõbo Deuxu awimy rarybere, kia wiji tahe ibinamy aõkõ rare. Deuxu dee awikeki, kia awi rare. ¹⁰Inataõ heka tuu rotÿÿnyre. Iribi tahe kia riã, ibutu-wana iõre biuribihy heka iõre. ¹¹Iribi tahe hãbu inataõ dehemynmy deade tai watxiwãhã-ò. Tii diwaòryde riwadykremy Sesaria hãwã-ò. ¹²Tahe Deuxu Tytybytyhy wadee rarybere tii-wana arakremy. Nohõtìõmy heka aõbo judeukòdu mahãdu raremy. Tii-wana makre ele elemy. Tahe kia debò sohoji reurò seriõremy wahemy rare. Tahe retehemynnyrenyre waòrysmy riteònyrenyre heto-ò tahe ralòrenyre Oreniliu heto-ò. ¹³Iribi tahe Oreniliu rarybere iwese jÿu ihetowo-ki tamy rexitÿnyrenyre rarybereri: —Oreniliu, inyõ biteõnyke Simaõ Pedro òrÿsymy Jõpe hãwã-ki. ¹⁴Tii rybe tÿmyraõmy adeereny kanarybekre. Tai tahe ibutumy asÿ ijoi-wana aòraru-ribi kanatakre. Kia Oreniliu inydee rarybere. ¹⁵Iribi tahe jiarÿ Rybewihikÿmy rexidelenymy rarybere tamy. Pedro rarybere. Urile tahe roholare, tahe aõwesele Deuxu Tytybytyhy ityreneny resere iwo-ò ralòkemy iwese watyreneny resere wesele juhUU. ¹⁶Tahe Jesuisi rybe wanohòti itxi reare tiubo raryberemy: —Joaõ heka inatyhymy bedi iny ratisebenyre, kaiboho tahe Deuxu Tytybytyhy-di akanasebedÿÿdenykre. ¹⁷Judeukòdu mahãdu Inynyrÿ Jesuisi Kristu rityhynymyhÿre. Tai Deuxu tamy diwahinyde iwese wadeereny juhu riwahinyre wesetyhyle. Deuxu Tytybytyhy uriõno wesele tamyreny diwahinyde. Mobo jiarÿ raremy wahe tuu Deuxu dee aõmy ararybekemy. ¹⁸Iribi Pedro rybe-ò roholareu tahe tìmyhe tamy irybekõna. Tule Deuxu riwowydnyrenyre: —Inatyhy wa rare Deuxu heka judeukòdu mahãdu-ò heka umyuedeõna riwahinyre. Inyõ rityhynykeki, ixirahikeki, tarasana rimyrenykre.

¹⁹Iu tahe Estevaõ rurureu, ityhydÿÿdu aõhòkÿmy rotÿÿnyreu tahe, ityhydÿÿdu mahãdu Jerusalè-ribi ròhònyre. Tii heka relyymyhÿre Rybewihikÿmy judeu mahãduòle kÿny wahe, iwitxira witxira-ò aõkõre. Tahe ibutu bede-ò ritelenymy ròrenyre. Senisia-ki relyyre. Xibri bedebute-ki tule relyyre, Atxiòkia hãwã-ki tule relyyre. ²⁰Ijõ ityhydÿÿdu mahãdu Jesuisi Rybewihikÿ tÿmyra rarybere. Tii boho Xibri bedebute-ribi ròhònyre, Sireni-ribi ijõ rybedu ròhònyre Atxiòkia-ò. Tii boho relyyre judeukòdu mahãdu-ò tule. ²¹Deuxu riwiòhenanyre sòwemy iny rityhynyre, Jesuisi ryò ralòrenyre. ²²Jerusalè ityhydÿÿdu mahãdu kiamy roholare. Tai tahe Banabe riteònyrenyre Atxiòkia-ò. ²³Banabe rehemynnyreu tahe, tuu robire aõbo Deuxu kowa riwinyrerimy. Tai tahe reysare. Tahe

ityhydÿÿdu tÿmyra-ò dohodÿÿmy, riwiòhenanykremy: —Iòhòtyhymy Deuxu-ribi atximahãbenyke, aworibityhy Deuxu bityhynybenyke. ²⁴Banabe heka hãbu wihikÿ rare. Tÿxihikÿlemy Deuxu Tyytybytyhy-di ratximyhÿre. Ibutumy ratximyhÿre tyhydÿÿna-di. Sòwemy iny rexiròtenyrene Inynyrÿ mahãdu-ò. ²⁵Idi tahe Banabe rare Tarso hãwã-ò Salu ijesemy. ²⁶Tai rahareu tahe, didymyhe dòðemy nade Atxiòkia-ò. Sohoji beðramy idi bede rierenyrene. Sòwemy iny ribedeernymyhÿrenyrene. Atxiòkia hãwã-ki ityhydÿÿdu mahãdumy raninira Kristu wese mahãdumy. Kiani tamyreny riwahinyrene.

²⁷Aòutxu tahe dehemynyde Deuxu rybedu mahãduò Jerusalê-ribi Atxiòkia-ò. ²⁸Ijò Abusi inire. Iribi tahe tii rarybere Deuxu Tyytybytyhy rybemy. Ramamy rubu nihikÿ kanakremy raxireri, ibutu suò. Laujiu iòlòmý raremyhÿu, kiamy rotÿÿmyhÿre. ²⁹Tai tahe ityhydÿÿdu mahãdu he nieru riwahinykremy rÿire Judeia bede sÿdu ityhydÿÿdu riwiòhenanykremy. Tahe nieru riwahinyrene tiwesebo idi ratximyhÿre wesemy tamy riwahinyrene. ³⁰Tahe nieru riteònyrene, moma-wana Banabe Salu-wana Jerusalê dohodÿÿna heto matuari mahãdu-ò riwyrene.

12 ¹Kia bededÿÿnanamy heka Herodi judeu iòlòmý raremyhÿ. Iribi tahe rexidelenymy riwinyrene heka ityhydÿÿdu mahãdu kia òludumy risÿnykre myhÿ. Tii riteònyrene aõna aõnamy risÿnykemy ityhydÿÿdu mahãdu-ò. ²Tii mayrehe-di rubudÿÿmy riteònyrene Joaò seriòre wahe, Txiau wahe. ³Tai tahe judeu wedu mahãdu heka tamy wihikÿlemy tuu rotÿÿnyrene. Herodi rierymy raremyhÿ idi Pedro rimyrene. Tahe worana bedehesi rÿire. Paò taurina ihoò inire. Kia ibutumy rotÿÿnyrene kia bedehesi rÿireu. ⁴Tahe Pedro riròtenyrene, ròtenawomy wirutyrene. Aõmamy soldado mahãdu inaubiòwamy iitxeredumy rÿimyhÿre. Pascoa kia worana bedehesi konana txu rexihumy rÿireu tahe, judeu mahãdu-ò riwahinykre. Kia Herodi rexinohòtidÿÿnyrene. ⁵Ròtenawo-ki tahe Pedro ratximyhÿre. Ityhydÿÿdu mahãdu tahe Deuxu-ò rexitònyhyymyhÿre Pedro tòenamy. ⁶Txubiòwamy tahe itxu riywinyrenyrene iny sòwehekÿ-ò Pedro riwahinykemy. Kiamy Herodi ròhòtinyrene. Ruu tahe Pedro ròròmý roimyhÿ. Inatxi soldado heka idile ratximyhÿre. Pedro womati reroti inatxi-di ratisamy roimyhÿre. Ijò soldado rotena ijò-ki ratximyhÿre. ⁷Inynyrÿ ÿju heka Pedro weribi rihetenyrene riixixanykemy. Loosòna itÿnyhÿkÿlemy ròtena ritoosònyrene. Tamy rarybere: —Wylemy wa rexiukÿnyke. Tahe aõwesele Pedro axiò-ribi womati rerotihikÿ rejuxunyrene. ⁸Tahe ÿju tamy rarybere: —Awamy birutyke, bexitynyke. Kiamy riwinyra. Ijò arahana birutyke tahe biwaheludunyke. ⁹Iribi ròhònyra he tai ròròreri-ribi wahe. Kia ibutumy heka rasi weselemy Pedro ròhòtinyrene rieryòre inatyhy aõbo ada rasi aõbo. ¹⁰Juhu heka ikoludu soldado mahãdumy reare idi ihewoludumy reare iribi rehemynymy rÿire ahana ijòtyhy-ò. Womatilere heka iijòtòbònare. Ixiwanale heka rarayrene ijòtòbòna. Iribi tahe roirennyrene hãwãry-di ririranyrenyrene. Idi tahe ÿjuhe iòre iribi. ¹¹Tahe Pedro ròhòtinyrene, rieryrene heka aõhebo rotÿÿnyraò. Wanyrÿ ÿju riteònyrene riwatara Herodi-ribi judeu mahãdu-ribi. Katahe wadee aõhe rotÿÿnyrenyòtyhy.

12 Rõhõtiny my rÿire juhoo urihimyo idi tahe rare Marie heto-ò. Joaõ Markuse heka tii rare. Tai ityhydÿÿdu mahãdu rÿimyhÿ tahe rexitðenyneriò Pedro tamy rehemynyre. 13 Tahe ijò he rihetenyre. Ijòtàbòna-ò nade mobo raremy rierykemy ijadòma deòdu. Rode inire. 14 Tahe Pedro rybe rieryra. Reysamy rajaranyre iwo-ò. Pedro tahe ralðòlemy rÿire. Tahe relyyre Pedro heto ijò-ki rÿimyhÿmy. 15 Tiiboho raryberenyre: —Kai tabinamy atxiteri. Ixityre rarybere: —Aòkòre tii taile naderi. Tahe raryberenyre: —Pedro aòkò rare, taÿjulemy tahe rare. 16 Tahe Pedro riheterihetenymy rÿimyhÿre. Idi riraynyrenyre. Pedromy robirenyrau, bede riòtiinyrenyre. 17 Pedro tahe tamyreny tebò reara roholarenkemy. Tahe tamyreny relyyre timybo Inynyrÿ ròtena-ribi rexiòlòdÿÿnyramy. Tule tamy riteònyre: —Kiamy belyyke Txiau-ò tule inyseriòre-ò. Tahe rexitare, rare ijòsÿ-ò.

18 Txuu ratÿnyreu, soldado mahãdu ierysomy wii risÿnyre timybo Pedro aõhebo rotÿÿnyramy. Tahe jei jei aõnire. 19 Herodi ijeseemy riteònyre tai moõ tai rahaõhylera. Tai soldado itxeredu sohoji sohoji dÿÿraximy riteònyra. Idi irubudÿÿmy riteònyra. Iribi tahe Herodi Judeia bede-ribi rõhònyra. Sesaria hãwã-ò bededÿÿnanaò riwyrã.

20 Tiro hãwã mahãdu Sidoma beà hãwã mahãdu-wana Herodi derarenyre. Tahe tiiboho ributunynrenyre tamy ròrenykemy rybe-di. Iòlò heto-di itxeredu Blastu inire. Tahe iny mahãdu Blastu ròtarenyre iwe-ribi mahãdureny. Tahe ròirenyre Herodi-ò tamy rexitðenyrenyre, tamy ykaraõmykemy. Tarÿsÿna dori diwyde iòlò bede-ribi, Herodi bede-ribi. 21 Herodi tahe itxu riywinyre. Kia txuu tahe rõhònyre tamy. Rexityynyre taiòlòtyyrehe-di tahe tarynana tyre-ò ronyre, tamy Rybewihikÿmy rarybere. Tai tahe iny rirajuare: —Katahe hãbu aòkò rarybereri, Deuxu wahe. 22-23 Aõwesele Deuxu ÿju heka Herodi rirubunyre, tii Deuxutyhymy reàlãòreki. Wouddò rubudÿÿnamy rurure.

24 Deuxu rybe tahe ibutumy roholare. Sõwemy iny tahe rityhynyre.

25 Banabe Salu-wana nieru riwahinymy rahudi tahe, diòðsede Jerusalê-ribi Atxiòkia-ò. Joaõ Marku tii-wana ridyre.

13 1 Atxiòkia dohodÿÿna heto mahãdu-ki rybe tÿnydÿÿdu mahãduò, bede erydÿÿdu mahãduò rÿimyhÿre. Kaheka inireny rare: Banabe, Simaõ, iniraròsòna Nike rare. Lusu ijòre, tii Sireni hãwã ludu rare. Manaï ijòre, tii Herodisÿ-ki ratibienyre, Salu ijòre. 2 Ibutumy tahe Inynyrÿmy reàlãre, riroxiòhy heka bede riemyhÿ. Tahe Deuxu Tyytybytyhy tamyreny rarybere: —Jiarÿ waaõmysÿdÿÿna dire Banabe-ò, Salu-ò. Kaiboho heka biteònybenykre kia riwinykremy. 3 Tahe roxiòhyymy bede riemy, rexitðenyrenyre. Tebòreny iratytyre ritidirenymy, idi riteònyrenyre tabede tÿina-ò.

4 Deuxu Tyytybytyhy tahe tiiboho riteònyrenyre. Selusia hãwã-ò tamy riberenyrenyre. Tahe hãwòò rimyrenyre Xibri bedebute-ò. 5 Tahe rehemynynrenyre Salamina hãwã-ò. Tai judeu dohodÿÿna heto-ki Deuxu rybemy raryberenyre. Tule Juaõ Marku rare tii-wana wiòhedÿÿdu wese heka rare. 6 Tahe ibutumy bedebutemy rekoarenyre. Ritehemynynrenyre hãwã-ò Pafumy ninadu-ò. Tai tahe judeu mahãdu witxi deade, Bajesuisi heka inire. 7 Tii Deuxu rybeduõmy

raremyhÿmy iximy rarybere tahe aõkõre, raruire, riitxenanyre. Tii bedebute hãwã dinodu-wana rare. Kadinoduni tahe Sergio-Paulo inire. Tii hãbu bedeery nihikÿ rare. Tii Deuxu rybe-ò roholakemy ratxireri. Tahe didyde Salu, Banabe-wana tamy roholakemy. ⁸Bajesuisi, Elimasi ijõ ini rare. Tahe tii bedebute dinodu-ò rarybere uritere Salu rybe-ò, Banabe rybe-ò ijohonakõmykemy. Wanyrÿ tyhydÿÿkõmykemy dori tuu risÿnyre. ⁹Salu tahe, Paulo ijõ ini rare. Deuxu Tyytybytyhy heka itykemy ralõmy rÿimyhÿre. Tahe Paulo retehere Elimasi-ò tamy rarybere: ¹⁰—Kai Satanasi riõre tate. Kai heka ibutu itxenadÿÿ-di tÿxihikÿlemy ahãte. Kai heka awihikÿ òludu tate. Tiubo heka bexihukre Inynyrÿ-ribi iny riixãwididÿÿnyre. ¹¹Deuxu heka wiji araõwynykre, aõhõkÿmy arasÿnykre, aruetãmy bonykre. Txu bobiõkre bede biwyke. Iule tahe aõwesele bede torohokÿlemy reare. Robiõhyomy reare. Urile riemy ratximyhÿre, iny riwiõhenanykemy, ryy tamy ritÿnynykemy. ¹²Tahe kia bedebute dinodu tuu robire aõhebo rotÿÿnyramy, tai bede riõtiinymy ronymyhÿ tahe tii Inynyrÿ rityhynyre.

¹³Iribi tahe Paulo rõhõnyra tajoi-wana Pafu hãwã-ribi. Rakremy riberenyra hãwã nihikÿ-ki Panfilia bede-ò, Peke hãwã-ò. Juaõ Marku iribireny rexitara, dõõsede Jerusalẽ-ò. ¹⁴Tahe Paulo Banabe-wana roirennyre. Peke-ribi riõlõnyre tahe rekoarennyre Atxiõkia-ò. Kaa iwitxira Atxiõkia hãwã rare, Pisidia bede-ki ratxireri. Tahe riõnyrennyre judeu mahãdu dohodÿÿna heto-ò. Sabado txu rÿire. Ronymyhÿre ijohonamy. ¹⁵Kia hãbu mahãdu heka Moisesi bede ywina tyyriti-di, Deuxu rybemy rybedu mahãdu tyyriti-di rariamyhÿre. Tahe dohodÿÿna heto wedu Pauloboho-ò raryberenykemy rarybere: —Waseriõre, arybemy idi atxiteri-wana marybeke aõwaxiny bitÿnyke. ¹⁶Tahe Paulo rÿire lamamy. Iwese rybedÿÿmy rõteõsidÿÿmyhÿre wese rÿire. Tahe rexideleny: —Hãbu, Israeli mahãdu, tule ibutumy Deuxu rityhynymy rÿira mahãdu, bodoholabedenyke kaa ijyy-ò. ¹⁷Israeli mahãdu Egito-ki rasÿnyreu, taDeuxu iribi ritare, moma, inytybyreny Deuxu, Israeli mahãdu tybyreny wahe. Deuxu rasõwedÿÿnyre. Iribi tahe Deuxu Egito-ribi ritarennyre tebõ ruruteretyhy-di. ¹⁸Tiiboho bederahy-ki 40 beõramy bede riereu, Deuxu taaõbina bina riõludunyre. ¹⁹Kanaã bede-ki debõ inatxi reurõmy ixÿju ixÿju mahãdumy rahure. Idi tamyreny riwahinyre bede, isÿhyomy rarekemy. Idi tahe rybe ywisidÿÿdu mahãdu tamy riwahinyre. 450 beõra rahureu, tahe Samueli Deuxu rybeduõmy raremyhÿ. ²⁰Idi tahe rybe ywisidÿÿdu mahãdu tamy riwahinyre. Tahe 450 beõra rahureu, Samueli Deuxu rybeduõmy raremyhÿ. ²¹Iribi iny Deuxu-ò rexitõenyre iõlõmy tamy kadiwahinykemy. Tahe Deuxu Salu tamy riwahinyre, iõlõmy. Salu tahe Kixi riõre rare. Benjami mahãdu rare. Tahe 40 beõramy iõlõmy ronyre. ²²Salu iribi ritareu, tahe Davi, Deuxu ritamadÿÿnyre iõlõmy. Deuxu Davimy rarybere: —Davi Ijese riõre rare. Jiarÿ iluure. Tii ibutu wadee wimy riwinykre. ²³Tahe Davi riõkõre-ribi Jesuisi rõhõnyre, Israeli tarasadumy rarekemy. Iwese juhuu Deuxu rarybere wese. ²⁴Jesuisi naõdeu, Juaõ ritÿnynyre Israeli mahãdu-ò iõrarureny ririkemy idi raratisebenykemy. ²⁵Juaõ rybe tÿnydÿÿna kõnanau, tamyreny rarebere: —Jiarÿ wa iwese tahõtinytenyteri wese aõkõ jiarÿ rare.

Kaiboho tiwaraðõhyymahãtenynte. Betehebenyke, tii, wahewomy kanakre. Jiarÿ aõ aõkõ rare, iwatisana arieseõtyhy iwa ritakemy, tii dori waratyre wihikÿreki. ²⁶Waseriðreboho, Abraõ riðre riðremy ibutumy inyboho roire, tule Deuxu realãmy rÿira mahãdu kaki ratximyhÿ. Deuxu inydeereny biu-ð hedu rybe diwahinyde. ²⁷Jerusalẽ mahãdu, iwedureny-wana raeryõhyre tii tarasadu rare. Ibutumy sabado txu rybedu tyyrity-di rariamyhÿre tohodÿyna heto-ki, tahe aõbo rare rieryõhyre. Jesuisi rubudÿÿmy raryberenyreu, iwese rybeduõ rarybere wese, tiiboho rotÿÿnymyhÿre. ²⁸Tiiboho aõbina bina-ki tai rahaõhyra, ihãrele irubudÿÿmy rexitðenyre Pilato-ð. ²⁹Iwese ibutumy Jesuisimy riritinymy roireri wese, ibutumy tuu røhønyre. Tahe itxèð nihikÿ tyre-ribi ritarenyre. Tahe mana hãloo rawo-ð ritidirenyre. ³⁰Tahe Deuxu rubu-ribi riixixadÿÿnyre. ³¹Tii-wana iny mahãduõ roirenyre juhuhu Kalileia-ribi Jerusalẽ-ð. Rexixamy rahudi tahe, tii mahãdule tuu robihymy txuu widireny rÿire. Kia mahãdule insõwey-ki relymyyhÿre. ³²⁻³³Deuxu juhuhu rarybere inytybyreny-ð aõhebo rotÿÿnykremy. Inydeereny tahe tii riwinyre Jesuisi riixixanyreki. Kia Rybewihikÿmy adeereny relymahãreny. Iwese inatxi wiuna ritidÿÿna-ki roire wese:

—Kai waRiðre tate. Wiji tahe bomy watxiwãhãre.

³⁴Kiamy heka Deuxu rarybere Jesuisimy: —Rubu-ribi ariixixanykemy, tiu rasunymyhÿre bede-ð røðseõtyhy. Iwese Davi-ð jiarÿ rarybere wesemy ibutumy adee bede ariywinykre. ³⁵Deuxu ijõ wiuna Ritidÿÿna-ki tule rarybere. Iwese Jesuisile rarybere wese, kiamy roire:

—Eòdutyhy umy rasÿnyõtyhy kai dori waumysudÿÿ-ð teijemahãte.

³⁶Iu Davi Deuxu dee tajjoi riwiðhenanymy rahudi tahe, rurure. Tybyreny-ð tii rara. Iumy tahe rasunyre. ³⁷Jesuisi umy tahe rasunyõre Deuxu dori rubu-ribi riixixadÿÿnyreki. ³⁸⁻³⁹Jesuisi bityhynybenykeki, aðraru riixãwidinyke. Kiamy Moisesi bede ywina ihoõhyre adeereny. Kia bierybenyke waseriðreboho, tiile, Jesuisi, adeereny relywãhãreny. ⁴⁰Bexiijebenyke, kiamy adeereny rotÿÿnyke lau iwese rybedu ritina-ki roire wese:

⁴¹—Kaiboho inatyhy derare. Betehebenyke, burubenyke, bede biðtiinybenyke, aõbo jiarÿ rewinyrerid. Inyõ adeereny ritÿÿnyke ihãrele. Tiu heka bityhynybenyõtyhy.

⁴²Tahe Paulo irybe rexihura. Iribi røhønyre Banabe-wana.

Rexitðenyrenyre ijõ sabado biðwau tarybetybydile ixbylye relyykemy.

⁴³Iny ritobinymy rahudi, judeu mahãduõ, judeu bede erydÿÿna ityhydÿÿdu mahãduõ tule Banabe Paulo-wana riheludunyre. Tahe tamyreny raryberenyre: —Deuxu ruxetðena-ki idi mariahyymyhÿkemy.

⁴⁴Ijõ sabado rehemynyreu, ibutu iny hãwã-ribi doimyhÿdenyde Deuxu rybe-ð ijohonamy. ⁴⁵Judeu mahãdu tahe insõwemy robireu, tiiboho rexiwaritinymyhÿreny. Tiiboho raryberenyre aõbinahãkÿlemy Deuxuru-ð. Paulo riki inatyhymy aõkõ tii rarybemyhÿre. ⁴⁶Paulo Banabe-wana ihãrele brebuõlemy raryberenyre: —Juhuhu adeereny Deuxu rybe dobehede. Tahe kaiboho tetyhynyõtenynte, tai judeukõdu mahãdu-ð aroirenykre. Kaiboho

Deuxu rybe terarenyreki, ixi sohojile tahe tetaõte adeeremy aõ aõkõreki. ⁴⁷Kia Inynyrÿ bede ywina wadeeremy riwahinyre: —Kai loosõna wesemy atxikre judeukõdu mahãdu-ò. Kai tarasanary ritÿnynykre ibutu inyko-ò. ⁴⁸Judeukõdu mahãdu kia-ò roholareu, tahe reysarenyre. Deuxu rybe riwowydnyrenyryre tai. Tahe rityhynyre, timybo Deuxu juhuu ritare wesele tamyreny umytuedeõna riwahinyremy. ⁴⁹Inynyrÿ rybemy kia bede-ki ibutumy relyyre. ⁵⁰Tahe judeu mahãdu rarybere hãwyywihikÿ ityhy-ò, tule hãwã wedu-ò. Tai tahe Paulo Banabe-ò òludu sõwemy resere. Tahe isubede-ribi riteõnyrenyryre. ⁵¹Paulo Banabe-wana tawa-ribi bryby riðhõwirennyre tamyreny tiibohe ibinareki. Tahe Ionio hãwã-ò roirennyre. ⁵²Atxiõkia ityhydÿÿdu mahãdu tahe reysamy rÿimyhÿre. Deuxu Tytybytyhy-di tÿximy ihÿre.

14 ¹Ionio hãwã-ò Paulo Banabe-wana rare. Judeu mahãdu dohodÿÿna heto-ò. Tahe rybe ritÿnyrennyre, tarurumy he relyyrennyre. Sõwemy judeu mahãdu, judeukõdu mahãdu-wana rityhynyrennyre ijyy. ²Tahe ijõ judeu mahãduõ rityhynyõre. Ijyy deramy reamyhÿre, tule ijõ-ò tule rarybere ityhynyõkemy. Tahe Paulomy, Banabemy aõ õta õtalemy rarybemyhÿrennyre. ³Ihãrele tahe Paulo Banabe-wana bede nihikÿ riwyrennyre tai. Tamy rybe ritÿnyhy roiremyhÿ ibrebuõlemy. Inynyrÿ taruxetõena rybetyhydÿÿnamy riwiõhenanyre tiibohe bedeõbnya widÿÿdu rennyreki. ⁴Hãwã mahãdu ritxware. Ijõ heka judeu wedu mahãdu rityhynymyhÿre, ijõ tahe Paulo Banabeboho rityhynymyhÿre. ⁵Judeukõdu mahãdu, judeu mahãdu, tawedureny-wana widee rarybere Paulo Banabe-wana riõkõrõrennykemy tamy mana-di rehurennykemy. ⁶Tahe tiibohe rexieryrennyre tahe rihenyrennyre. Tahe rõiennyre Listra hãwã-ò, Debi hãwã-ò, kia Laonia hãwã hãwã-ò rare. Tule rariarennyre kowa bedewo-ki. ⁷Tahe kowa tiemy ritÿnyhy roiremyhÿ Rybe tÿmyra wihikÿ-di.

⁸Listra hãwã-ki heka hãbuõ-txi rekoarennyre, itierere heka. Taihy heka ronnymyhÿre. Tuuhyy heka ratohouãmy ijarananyre. ⁹Tii tahe Paulo rybe-ò roholare. Paulo tamy retehere. Kia tahe Paulo rieryre hãbu teytetyhynadire Paulo riteytennykemy. ¹⁰Tai tahe tamy rarybere tarybe riterennyry: —Mynyike, õbitimy. Ta hãbu rexiwatxinyre, rariare. ¹¹Ijohona mahãdumy robireu, aõbo Paulo riwinyremy tahe rirajuare tarybe-di, Laonia rybe-di: —Ka hãbu mahãdu heka deuxu wesemy idi rexinohõtidiÿnymyhÿre. Inydeeremy deuxu wesemy dobehede. Iumyreny tahe hãbu wesemy rare. ¹²Banabe heka, Jupitemy tadeuxurennyõmy rininire. Paulo tahe ijõnimy, Meuriumy rininirenyre irybe sõwetyhyreki, tii rybedureki. ¹³Jupite xiwena wydydu horeru bederade-di dehemynyde. Tohodÿÿna heto hãwã ahana ube-ki rÿire. Broreni xiwe wesena tamyreny hãwã mahãdu riwornykemy, riwahynykemy. ¹⁴Kiamy roholareu, Paulo Banabe-wana tatykyreny riykaranyre idi rihurennyre. Tahe ralõmy reare inysõwey-txi rarybekemy. ¹⁵Tamy rryryre: —Aõhebo tatÿÿnytenyteri. Jiarÿboho hãbulemy watxirennyre. Kialemy adeeremy rarybewãhãre, Deuxu rybetÿmyra wihikÿ. Adeuxurenny-di nohõtirennyõmy. Bedewidÿÿdu ta mohõtinybenyke. Tii dori benihikÿ riwinyre, ibutumy biu-ki riwinyre, tahe Deuxutyhy-di

mohõtinybenyke. ¹⁶Ihetxiu Deuxu ibutumy bede bedemy sÿdu ririre ixidee wimy aõna aõnamy rotÿÿnykemy. ¹⁷Urile tahe tamy rexideõsinyre tamy biu riwahinyre taoworumy raratnykemy. Tai tahe kaiboho arÿsÿna dire, Deuxu debò-ribi, awo-ki eysanadire. ¹⁸Ihãrele iny tamy xiwe wesena tamy riwahinykemy ratxireri. Paulo tamyreny rarybere: —Aõkõ, inydeereny bidiwahinyõke.

¹⁹Iribi tahe judeu mahãdu-ò Atxiòkia-ribi, Ionio-ribi tamyreny raryberenyre Paulo rubudÿÿmy. Hãwã òtityube-ò Paulo ridyrenyre. Mana-di tamy rehumyhyÿ. Tahe rubu wesemy ririrenyre. ²⁰Idi tahe ityhydÿÿduõ tamy wirotyre. Paulo tahe suribi rÿire tahe tii-wana nalòde hãwã-ò. IjõtXu biòwamy tahe Banabe-wana Paulo rexitare ijõ hãwã-ò, Debi hãwã-ò. ²¹Ka hãwã-ki tahe Paulo rybe tÿmyra wihikÿ ritÿÿnyre. Sõwemy tai rityhynyreu, Pauloboho ròðserenyre Listra hãwã-ò, Ionio hãwã-ò, Atxiòkia-ò. ²²Ibutumy hãwã-ki Pauloboho ityhydÿÿdu mahãdu riwiòhenanyreny, tiiboho rityhynyhyummy ratximyhÿkemy. Tamyreny rarybere: —Kaiboho aõhòkÿmy botÿÿnybenyke, ihãrele malòkemy titxibo Deuxu Iòlò ratximyhÿre-ò. ²³Ibutu ityhydÿÿdu mahãduy ribi ritamy rÿimyhÿ rarekremy, idinodumy. Matuari mahãdu-ribi tii ritare. Iu ritareu tahe, rexitðenyre Deuxu-ò tule byreõhyy txuõ riwyrenyre. Inynyrÿ-ò rexitðenyre: —Kia ibutumy aratyhynyreri, tai tahe biywinymy ahãke. ²⁴⁻²⁵Pisidia bede-ki rekoamyhÿrenyre Panfilia bede-ò. Kowa-ò Rybewihikÿ tÿmyramy relyymy rahudi Peke-ki, Atalia hãwã-ò dobehede. ²⁶Tai hãwò nihikÿ welòdi-di rimyrenyre. Tahe Atxiòkia-ò rorore. Kowa-ribi juhuule rybe tÿmyra wihikÿ ijyy-di dòhònyde. Kowa juhuu rexitðenyre tamyreny Deuxu ruxetðena-wana rarekemy. ²⁷Atxiòkia-ò rehemynyreu, Paulo, ibutumy ityhydÿÿdu mahãdu ditotynyde. Tai heka tamyreny rarybere iwese Deuxu riwiòhenanyre wese ibutumy iaõmydÿÿnana-di. Iwese judeukòdu mahãdu rityhynykemy. Deuxu tamy ityhyna ijõtòbòna riraynyre wese. ²⁸Idi bededÿÿnana riwynihikÿre ityhydÿÿdu mahãdu-wana.

15 ¹Hãbuõ Judeia mahãduõ ditehemynydenyde ta teõsamy ribedeerynyrenyre. Kawese ribedeerynyre: —Moisesi Tyyriti bede ywina, notykyresynamy, rityhynyõkeki, iny rataõtyhy. ²Iribi tahe Paulo Banabe-wana tamyreny rarybehyy rare. Tai tahe inyõ tamy rarybere Jerusalé matuari mahãdu-ò roirenykemy aõmydÿÿnana rexiòbitinyreny. Iny wixira-ò Jesuisi erydÿÿna mahãdu-ò rarybekemy heka tamy, Pauloboho iteòdÿÿmy rarybere. Tahe ijõ hãbu mahãduõ tule tiiboho-wana riteònyrenyre. ³Dÿÿraximy heka tamy ròirenyre, aõ aõmydÿÿnabo ratxirerímÿ wahe. Sõwemy dohodÿÿna mahãdu ihemy roirenyre urihimÿò, tai tahe ririrenyre. Tahe Senisia bede bedemy, Samaria bede bedemy riòhòrerenyre. Relyyre judeukòdu mahãdu tule ityhydÿÿdu mahãdu-ki rÿirerimÿ. Tai ibutumy ityhydÿÿdu mahãdu reysare. ⁴Tahe ritehemynyrenyre Jerusalé-ò. Wihe ritotynyrenyre ityhydÿÿdu dinodu-wana, tule matuari mahãdu-wana, Jesuisi erydÿÿdu mahãdu-wana. Tiiboho relyyrenyre aõmybo Deuxu rotÿÿnyre iyreny-ki, timybo riwiòhenanyré. ⁵Tahe hãbu mahãduõ tai raremyhÿ heka. Juhuu heka fariseu mahãdumy ihÿre, idi tahe ityhydÿÿdumy ralore. Imahãdu-ribi ijõ

rÿire ribedeerynykremy. Tahe rarybere: —Inydeereny kia wese rare. Judeukõdu tyhydÿÿdu ibutumy notyresyna-di rõhõnyke. Tule ibutumy Moisesi bede ywina ibutumy rityhynykemy. Kawesemy tamy ribedeerynyre õbitimy aõkõ watxireri.

⁶Idi tahe Jesuisi erydÿÿna, matuari mahãdu-wana wii ributunyry rybe õbitidÿÿmy. ⁷Rybe sõwemy rahude tahe, Pedro rÿire tamyreny rarybekemy: —Waseriõreboho, Deuxu juhu riwatare Rybewihikÿ rybedumy judeukõdu mahãdu-ò tuu aritÿnynykremy, tiiboho tule rityhynyrenykremy. Tai rarewãhã. Kaiboho kia ibutumy teertyentye. ⁸Iwese inydeereny riwahinyre wese, Deuxu Tytybytyhy tamyreny tule riwahinyre. Judeukõdu mahãduõ tule ixidee rimyky. Kia wese tuu riteõsinyre inydeereny. ⁹Deuxu wiribi lahitximy aõkõ iny riwinyrenyry. Wiwesehyule ihÿre. Tiiboho inywesele ihÿrenyry. Tiiboho rityhynyrenyry, heka irayky rityranyrenykemy ritarenkye. ¹⁰Kia wese Deuxu teurihitenyteri. Kia bede ywina itxyynautxiehekÿ wesere ityhydÿÿdu mahãdu tyre-ki tetiditenyteri. Inytybyreny tiu retyyõre tule inyboho idi retyyõre. ¹¹Inyryÿ, ruxetõnale-di iny ritamyhÿre. Tule judeukõdu mahãdu kia weselere ritamyhÿre.

¹²Tahe aõmy rarybeõhyrenyry. Ibutumy he Paulo Banabeboho raryberedõ, roholarenyry. Tiiboho heka relyyrenyry tule bedeõby wihikÿ aõna aõna-wana Deuxu riwinyremy tadebõ-di wahe. ¹³⁻¹⁴Iribi tahe rexihurenryreu tasÿ, Txiau rÿire rarybekremy: —Waseriõreboho, bodoholabedenykre inihe warybe-õ: —Pedro kÿny adeereny rarybere, timybo Deuxu judeukõdu mahãdu roramy rare iny mahãduõ ixidee ritakremy tanityhy-õ. ¹⁵Kiawesemy he tule ihetxiu Deuxu rybemy rybedu mahãdu riritinyre, kamy wahe: ¹⁶—Wanyrÿ heka rarybera: —Addõsekre, ixyby ariywinymy aritamadÿÿnykre aõdohodÿÿna heto Davi juhuy riwinyre. Idi tahe resere. Ixyby ariwinykre. ¹⁷Tai tahe judeukõdu mahãdu-ribi iuhe riwaõrykre wamy rityhynykemy. Wanyrÿ, Deuxu, kiamy heka tiiboho rarybekre, ibutumy jiarÿ retarenkyeki. ¹⁸Kawesemy Wanyrÿ tuhyy rarybemy raremyhÿ, tule wiji ihÿre. ¹⁹Tai heka kiawidÿÿõmy rakatximyhÿrenykre. Tamyreny rybeõmy rakatximyhÿrenyke. Judeukõdu mahãdu Deuxumy rityhynyrenyry, iny bede ywina reny tyhydÿÿmy tamyreny rybeõmy. ²⁰Kialemy heka tamyreny rakaryberenykre: Suritxoo xiwe-ribi irõdude rõrenyõmy. Tule õta õta õraruna widÿÿõmy, irõdu hãlubu-di rõrenyõmy, ihãlubu rejuxunyõmyhÿre-wana. ²¹Kiamy heka rakatximyhÿrenyke. Moisesi bede ywina-di dori ibutu hãwã-ki judeu dohodÿÿna heto-ki rariamy raremyhÿ. Sabadotxu ihyyemy aõkõ kia ritÿnynymy raremyhÿ.

²²Tahe kiamy heka rahõtinyrenyry, Jesuisi erydÿÿna mahãdu, ibutumy dohodÿÿna mahãdu-wana, hãbuõ ayreny-ribi rikitakre. Tai Atxiõkia-õ riteõnyrenykemy Paulo Banabe-wana. Tahe Judasi ritarenyry tule iniõrysyna Basaba rare. Ijõ tasÿ Sila inire. Ka hãbuboho ityhydÿÿdu mahãdu awimy tai raharenyry. ²³Katyyriti tiiboho-wana rakre. Kawesemy tyriti rare: —Jiarÿboho, erydÿÿna, matuari, seriõre mahãdu adeereny rybe wehityhyna rewahinyreri. Ibutumy judeukõdu mahãdu ityhydÿÿdu-ò ka tyriti rakre Atxiõkia hãwã-õ, Siria bede-õ, Silisia bede-õ. ²⁴Inyõ rare wayreny-ribi adeereny notykyresymy

rybemy. Tai tahe araykyreny riwerydÿÿnyre. Jiarÿboho reteònyrenyõhyyre. Kia reerymy watxirenryeri. ²⁵ Tahe wiwesele rahõtynyreny reki, hãbubohoõ Paulo Banabe inyluudu-wana reteònyrenryeri. ²⁶ Kia hãbu Paulo Banabe-wana hãwã binahakÿ-ò roimyhÿrenyre Jesuisi Kristu Inynyrÿni-di. Ixi-txi röhötinyõlere, brebuny. ²⁷ Judasi-wana tule adee raryberenykre kia aõmydÿÿnanamy, katyiriti rewahinyrenyre wese. ²⁸ Kawese inyboho röhötinyrnyhÿre, Deuxu Tyytybytyhy dori inyrayky rewiðhenanyre. Kia bede ywinalemy adeereny rarybereri biywinybenykemy. ²⁹ Uritere, suritxoo xiwe-ribi iròdude ròrenyõmy iròdu, ihãlubu-di ròrenyõmy, ihãlubu rejuxunyõmyhÿre-wana. Tule òta òtana òraruna widÿÿõmy. Ka bede ywina biywinybenykeki, awimy boibeke. Deuxu deysana tahe adeereny kanakemy watxiwãhãre.

³⁰ Tahe hãbuõ iny inaubiðwamy Atxiòkia hãwã-ò ròirenyre. Tahe Atxiòkia tyhydÿÿdu mahãdu ributunyre. Iu tahe tamyreny tyyriti riwahinyre. ³¹ Tahe idi rariarenryeu, ritÿnynymy tamyreny. Ribedeerynyrenyre. Tai tahe reysarenrye. ³² Judasi Silaboho tule Deuxu dee rybeduwihikÿ roire. Sõwemy dohodÿÿna-ki seriõre mahãdu-wana rohonymyhÿre. Tai tahe rirurudÿÿnymyhÿre. ³³ Aõutxumy raroorehenyre, tahe seriõre mahãdu tamyreny rarybere: —Bõibenye he ateòdÿÿdu mahãdu-ò. Biòkeseke wowina-di Jerusalẽ hãwã-ò. ³⁴ Tahe Sila röhötinyre rarikremy Atxiòkia-ki. ³⁵ Tahe Paulo Banabe-wana naride Atxiòkiakile. Inynyrÿ rybemy rierynanyrenryeri, ritÿnynryeri, ijõ seriõreõ-wana.

³⁶ Aõutxumy tahe Paulo rarybere Banabe-ò: —Ròkòðsekre kÿnyhe, ibutumy hãwã hãwã-di tai juhuu Inynyrÿ rybemy ritÿnynmahãreò wahe, rikiwehityhynanykremy timybo ityhydÿÿdu mahãdu nyimyhÿde-ò. ³⁷ Tahe Banabe Joaõ-Marku ridykemy tamy reare. ³⁸ Paulo heka Joaõ-Marku ridyòkemy ratxireri, Panfilia hãwã-ki dori iribireny röhònyreki, riwiðhenanyòreki. ³⁹ Marku ridykemy wiwese wesemy aõkõ röhötinyrenyre teratyhylemy ratximyhÿ. Tai tahe wiribi rexihitxinyrenyre, Banabe Paulo-ribi. Banabe Marku ridyra Xibri bedebute-ò, hãwò-di ròira. ⁴⁰ Paulo tahe Sila ridyra. Seriõre mahãdu tahe Pauloboho riixitòedÿÿnyre, Inynyrÿ ruxetòena tamyreny kanakemy. ⁴¹ Tahe Siria bede werawo-di, Silisia bede werawo-di, ririranyre dohodÿÿna mahãdu riwiðhenanykemy, rirurudÿÿnymyhÿkemy.

16 ¹ Pauloboho tahe Debi hãwã-ò rehemynyre. Ihyy tahe Listra hãwã-ò rare. Tai tahe Tximòtxi-wana witxi rekoare. Tximòtxise judea tyhydÿÿduõ rare. Tyby tahe grego mahãduõ rare. ² Listra, Ionio ityhydÿÿdu seriõre Tximòtxi luure. Tximòtximy widee rarybere: —Tii iny hãbu tyhy rare. ³ Tahe Paulo Tximòtxi-wana rakemy rexiywinymy raremyhÿ. Tahe rexitarenkyre kotyreu, Paulo, Tximòtxi notykyresymy riteònyre, kowa judeu mahãdu òraru-ki wahe. Tyby dorihe ibutumy iny rieryre tii grego mahãdu raremy. Notykyresykõmy rake tahe judeu mahãdu dee kia ibinare. ⁴ Iribi tahe ròirenyre hãwã hãwã-di, ityhydÿÿdu seriõre mahãdu ribedeerydÿÿnykemy, timybo Jerusalẽ mahãdu röhötinyrnyhÿremy. ⁵ Tai tahe ibutumy dohodÿÿna heto mahãdu tii rirurudÿÿnymyhÿre ityhydÿÿna-di. Tule ijõ rityhynymyhÿre txuõ txuõlemy ralokemy ityhydÿÿduõmy rarekemy.

⁶Pauloboho Asia bede-ò ròirenyõre rybe ritÏnynykemy, Deuxu Tyytybytyhy ritirÏreki. Tahe Frigia-Alatxia bedemy rekoamyhÏrenyrene. ⁷Misia bede-ò rehemynyreu, Bitinia bede-ò ròirenykemy riwisÏnyrenyrene. Tahe Jesuisi Tyytybytamy riteðnyõhyre, ritirÏmyhÏre. ⁸Tahe Misia bedemy rekoare, tahe Troaji hãwã-ò robehere. ⁹Tahe Paulo hãbuõ wesemy robire rasina weselemy. Hãbu, Macedonia bede ludu lamamy rÏimyhÏ, tuu robire. Tahe hãbu ryrymyhÏ tamy: —Manake Macedonia-ò, biwawiðhenanykemy. Kia Paulo rasi-ki tuu robire wese. ¹⁰Tahe tarasi rahureu, tamyhe wylemy aroikemy watxiwãhãrenyrene. JiarÏ, Luka, Paulo-wana. Deuxu dori inydeereny rarybereri Macedonia-ò ròkòirenykremy, RybewehikÏ rikiubÏtÏnyrenyrenyrene. Kialemy ròkòhòtÏnyrenyrene.

¹¹Tahe Troaji hãwã-ribi ròhònyre hãwò yhywydynalaworo-ki. Samotrasia hãwã-ò imynahyy riðhòrere. Ijò txu tahe Niapoli hãwã-ò riðhòreri. ¹²Iribi tahe Filiposi hãwã-ò roirenyrene. Juhuludu hãwã rare Macedonia bede-ki. Roma hãwã mahãduõ tule tai rasÏnymyhÏre. Tai txuõ rewynyrene. ¹³Sabadotxu tahe hãwã-ribi reòlònyrenyrene bero ijã-ò. RahòtÏnyrenyrene tai ixitòedÏÏna-ò rÏimyhÏremy. Tai tahe hãwyyò rexibutunymy rÏimyhÏ. Tahe rorokorenyrene tamyreny raryberenykemy. ¹⁴Hãwyyò Lidia inire, inyrybe-ò tahe roholatyhyomyhÏre. Tii Txiatira hãwã luduõ rare. Tii tylÏre ijohodure, tule Deuxu tyhydÏÏdure. Inynyry irayky riywinyrene Paulo rybe rityhynykemy. ¹⁵Tahe ibutumy isÏmahãdu-wana riratysebenyrene. Tai tahe tamy Lidia rarybere: —Inaanokãbo ityhydÏÏkÏdumy watxiwãhãre-wana, wahetoku-kò manakre. Tai tahe iheto-ò ròirenyrene irybe-ki.

¹⁶Aõutxumy tahe riberenyrene ixitòedÏÏna-ò. Itxi rekoarenyrene ijadòmaõ-txi, deòdu rare. Iwo-ki tyytybybina ralòmy rÏire. Tai ijadòma relyyrene inyko aõhebo iny-ò rotÏÏnykremy. Tai sòwemy nieru ritare tawedu-ò. ¹⁷Tahe waherenymy dyrymy nade: —Deuxu ibuturatyrene rare. ItedòÏÏna mahãdu kia mahãdu rare. Tikiboho rarybemyhÏre timybo iny taðraru-ribi ratakemy. ¹⁸Tuheka rarybehyy raremyhÏ. Aõutxumy tahe Paulo tai rexirare, tamy ròðsemy reare. Rarybere tyytybybina tai ratxirerò: —Jesuisi Kristu nimy iribi arateðnykre. Bexitakre. Tahe aõwesele iribi ròhònymy reare.

¹⁹Iwedu tahe rieryrene nieru idi ritaõkre ta rimyrenyrene Paulo Sila-wana. RetÏhimi rare ywisidÏÏdu-ò, hãwã elehyna ube-ò. ²⁰Tahe ijadòma wedu rarybere ywisidÏÏdu mahãdu-ò: —Kaa judeu mahãdu iny hãwãreny dibinadÏÏnymyhyde. ²¹Tiiboho iny ribedeerynymyhyre aõ iny bede ywinareny-di aõkò. Inyboho Roma hãwã mahãdu rare. Tai kia-ki aõhe arotÏÏnyõtyhy. ²²Tai tahe sòwemy iny Paulo Sila radònyrene. YwisidÏÏdu mahãdu tahe ity ibòrò-ribi ritxuahakÏre idi tahe rityhenymy tuu raðhòtere. ²³Tuu raðhòtere, tuu raðhòtere, idi tahe ròtenawo-ò idi rehurenymy. Ròtena-di itxeredu-ò rarybere: —Kaa rahenykre-wana, kaile budurukre. ²⁴Tai rirutere iraru-txi rarutxi-ò iwa ritidire òwòru iwodÏÏwomy raratyheny. ²⁵Ruetya tahe Paulo Sila-wana rexitòenymy roimyhÏ Deuxu dee. Ijò ròtenawoludu mahãdu roholamy rÏimyhÏ tai. ²⁶Aõwese bede ramytatere. Ròtena ijòtòbòna rirayre hãbu mynyna iribi rejuxunyrene. ²⁷Tai tahe itxeredu ijò iraymy idi retehereu, rexirubunyrenyrene tamaydese ritare. Ròtena woludu mahãdu

rahenyramy tii rexinohõtinyra. ²⁸Paulo tahe tamy ryryre: —Ixirubudÿÿõmyke, kakile watzixenyre, ibutuhukÿlemy. ²⁹Itxeredu ryryre loosõna kidiwykemy tahe ralore ramytatamy brebuny. Paulobohoko-ò resere tatiõhomy. ³⁰Tahe itxeredu diòlòdÿÿnyde irarutxira-ribi, tamyreny rarybere: —Wanyrÿboho timybohe aratamy arÿike. Aõhebohe arotÿÿnyke. ³¹Tahe rirawyõnyre: —Inynyry Jesuisi bityhnykrekile, tarasanamy myikre, asÿ mahãdu-wana. ³²Tahe tamy Deuxu Rybe-di ritÿnydÿÿre ibutumy isÿ mahãdu-ò. ³³Iruule tahe riwisinanyrenyra ibrò wotõmona risuhõra. Idi tahe itxeredu raratysebenyre tasÿ mahãdu-wana ibutumy. ³⁴Iribi tahe itxeredu ridyrenyre taheto-ò riroxikemy tahe ibutumy reysanihikÿrenyre, Deuxu rityhnyrenyrazi.

³⁵Txu deadeu tahe ywisidÿÿna dinodu ijõ ywisidÿÿna mahãdu riteõnyre, rõtèna-ribi Pauloboho riteõnykremy. ³⁶Itxeredu tahe Pauloboho-ò rarybere: —Ywisidÿÿna mahãdu arateõnykremy riwateõnyre. Bòibenye, wowina-di, biòlõnybenyke. ³⁷Paulo tahe rirawyõnyre: —Aõkõre, araõtyhy. Jiarÿboho Roma hãwãhãkÿ mahãdu kaa watzixenyre. Tii riwayhytananyrenyra idi rõtènawo-ki riwasÿnyrenyra. Ywisidÿÿdu mahãdu wii rotykõhyre riwarõtenyrenyra. Wasimy ka tiu ariòlõnyõtyhy. Tiiboho kodoikreule tahe ariòlõnykre. Tii he riwaòlòdÿÿnykre. ³⁸Tahe ywisidÿÿna mahãdu tawedu-ò rarybere. Tahe tiiboho ruberurenyre Pauloboho Roma hãwã mahãdu roireki wahe. ³⁹Tai tahe dõidenyde tamyreny, aõwaxina riòlõnykremy. Tahe làhãmÿ tamy rexitõnyre. Tutyhy-ki aõkõ làhã ararutara. Tai riteõnyrenyreu, hãwã-ribi rexitarenkemy tamy rexitõnyra. ⁴⁰Rexitarenyreu, Pauloboho tahe Lidia heto-ò ròdserè. Ibutumy ityhydÿÿdu tahe wii ritotyreny, wii riwiõhenanykemy. Idi tahe riòlõnyre kia hãwã-ribi.

17 ¹⁻²Tiiboho rekoarenyre Afipoli hãwãmÿ, Apõlonia hãwãmÿ tahe rehemynyre Tesalonia hãwã-ò. Judeu dohodÿÿna hetoõ tai rÿimyhÿreò. Paulo, iwese aõu riwinymyhÿre wesele rare tamy. Ralore rybe-di rarybekemy. Inataõ sabadomy tai riraynyre tyryiti ritidÿÿna tamy ritÿnykemy. ³Rybe hitxina rurukremy tuu relyre. Tahe Paulo tamyreny ritÿnyrenyre iwese Kristu durudemy idi dexiixixanyde rubu-ribi. Kia iny rityhnyra Jesuisi inatyhmy Deuxu deòdÿÿna raré. ⁴Tahe ijohonadu mahãduõ rityhnyre. Tule ijõ judeukõdu mahãdu rityhnyre. Tule ijõ hãwÿy wihikÿ mahãduõ rityhnyre sõwemy. ⁵Tahe judeu mahãdu dinodu tuu ròhãrumyhÿre. Tiiboho tahe hãbu binahakÿ mahãduõ wii rotyre aõbina ritelenykremy. Tahe ròirenyre Ijasõ heto-ò Pauloboho rimyrenkemy, ywisidÿÿna-ò idi retÿhikremy. ⁶Tai tahe rahaõhyre tai. Tahe Ijasõ ritarenyre ijõ ityhydÿÿduõ-wana. Tahe ridyrenyre ywisidÿÿna-ò. Tahe raryberenyre ywisidÿÿdu mahãdu-ò: —Paulo, Silamy urile bede diõtanymyhÿdenyde, aõna aõna binahakÿlemy rotÿÿnymyhÿre. ⁷Ijasõ tahe ritirÿmyhÿre taheto-ki. Tiiboho iny òludu roire. Iny iòlõreny rityhnyõtyhy. Jesuisi ka iòlõreny. ⁸⁻⁹Ibutumy iny idi rõhõtinyre, tule ywisidÿÿna mahãdu rexitõnyre nieru ririkemy. Tai xiery tahe rõhõnyke. Tai tahe ririrennyre nieruõ.

¹⁰Kiaru tahe ityhydÿÿduõ Pauloboho riwiõhenanyry iribi riòlõnykemy Bereia hãwã-ò. Tahe rehemyhÿreu, dohodÿÿna-ò ròirenyre. ¹¹Kia hãwã-ki judeu mahãdu

iny awi rare, Tesalonia hãwã mahãdu wese aõkõre. Teysamy tamy roholarenryra. Idi heka rariara Tyyriti-di, õbitimy Paulo rybe aõbo roirerimy rierykemy. ¹² Tahe sõwemy judeu iny rityhynyre. Judeukõdu mahãduy-ribi sõwemy rityhynyrenryre, hãwyy wihikÿ, hãbu-wana tule rityhynyrenryre. ¹³ Bereia hãwã-ki Paulo Deuxu rybe ritÿnynymy raremy. Judeia mahãdu dinodu Tesalonia hãwã-ki roholareu, tahe doidenyde. Iny sõwe-ò raryberenyre: —Pauloboho bibinadÿÿnyke. ¹⁴ Tahe ityhydÿÿdu seriõre mahãdu aõwesele Paulo riteõnyrenryre ahohokÿry-di. Sila, Tximõtxi taile rarire. ¹⁵ Hãbuõ rare Paulo-wana Atena hãwã-ò. Iribi tahe dõðsede hãbuõ. Paulo tamy tarybe riwahinyra Tximõtxi Sila-ò, wylemy kanakremy.

¹⁶ Paulo Atena hãwã-ki riraõre, tahe robire suritxoole rityhynymyhÿreõ. Tai tahe tii rabadewore. ¹⁷ Idi tahe Paulo ralore dohodÿÿna mahãdu heto-ò judeu dee rarybekemy, tule judeukõdu ityhydÿÿdu dee rarybekemy. Tahe rarybemyhÿre txuõ txuõlemy. Tule hãwã ube-ki rarybemyhÿre hãwã-di reamyhÿre mahãdu-ò. ¹⁸ Aõutxumy tahe Epikuriu mahãdu Paulo-txi nade. Estõiku mahãdu ijõre. Tiiboho, aõbo rybe rare kia erydu roire. Tiiboho he Paulo rajõmorenyre: —Aõmy aõkõ, kiarybedu rarybereri. Ijõ tahe rarybere: —Tii Deuxu tÿmyramy rarybereri. Paulo dori juhuy Jesuisi ixixanamy relymy raremyhÿ. Tai kiamy raryberenyre. ¹⁹ Paulo tahe ridyrenryre. Tai iny roholamy rÿimyhÿreõ ridyrenryre: —Rybe tÿmyramy telymahãtemy inihe bedelyke wakoreny. Tamy kia rarybere. ²⁰ Aõkõre inihe aõna aõnamy tarybemy atxiteri, aõwixira wixiramy. Tai aroholarenkemy watxirenyre. ²¹ Atena hãwã mahãdu, tule iwixira bede luduõ tai rasÿnymyhÿre, aõ tÿmyraõõle roholarenkemy ratxirenyre. ²² Tahe Paulo rÿire rybenaty-ki. Rexiõaranymy rarybere: —Atena hãwã mahãdu, kaiboho Deuxu rybe hyky tahõtinyinmahãteny. ²³ Jiarÿ hãwãmy rariamy watxireriu, sõwemy xiwena-di retehera. Ijõ-di kiamy retehera iritina-di: Kaa Deuxu heka inyõ rieryõhyymyhÿre. Ka Deuxumy kÿny heka akoreny arelyyke, teerymahãteny-de-di aõkõ tuu tealãmahãteny. ²⁴ Ka Deuxu ibutumy bede riwinyre. Ibutumy tuu rÿira tii riwinyre. Tii heka biuwetyy wedu rare, su wedu rare. Aõ hãbu widÿÿna heto-ki aõkõ tii rasÿnymyhÿre. ²⁵ Tiu heka tii aõmy reaõtyhy hãbu aõ tamy riwahinyõtyhy. Tule tahe inydee ibutumy aõna aõna riwahinymyhÿre, ele wesena, umy, ibutumy inydee riwahinyre. ²⁶ Hãbu sohojiõ-ribi ibutumy iny røhõnyre iriõre riõremy bede wixira wixiramy rasÿnymy rÿirakemy. Urile wiribi rihitxihitxinyre. Tiu tamy riteõsinyre, tikibo rasÿnymy rÿirakemy. ²⁷ Ibutumy Deuxu rajjemyhÿkemy, raerykemy. Tii dori irehemy aõkõ ihÿre iny-ribi. Iny sohoji sohojiõ-ribi iõhõmy ratximyhÿre. ²⁸ Deuxu õraru-ki inyboho ibutumy irumy ratximyhÿrenryre, ririranymyhÿre, ihoõkeki tahe aõ rikiwinyrenyõtyhy. Attyriti widÿÿduõ kiamy rarybere: —Inyboho heka Deuxu riõre. ²⁹ Inyboho Deuxu riõre rareki, urile nohõtõmy womati tÿrÿrÿÿ ritxoo wesemy, womatiura wesemy, manaritxoo wesemy Deuxu-di nohõtõmahãbeny. Hãbu rayky-ribi, hãbu debõ Deuxu releremy nohõtõmahãbeny. ³⁰ Ihetxiu tii Deuxu rieryõhyrenryre. Tai tahe iõaranareny aõnihikÿmy aõkõ Deuxu dee ihÿre. Wiji bededÿÿnana tahe, ibutumy taõraru-txi ixi-txi nohõtõ ijaranamy, tai tahe rabadewomyhÿkemy. Kia tahe ibutu iny-ò

rarybereri, iny taðraru ririkemy. ³¹Deuxu Jesuisi riixixanyre rubu-ribi. Tai tahe ibutumy tii rityhynyrenykemy ihÿre. Aõtsumy tahe ibutumy iny ywisidÿÿdumy kanakremy ijÿre. Òbitina-di Jesuisi iny ritxuarenkyre kia wiribi hitxi hitxina txuu.

³²Paulo Jesuisi ixixanamy rarybereu, inyõ tuu rirajuare. Ijõ tahe rarybere Paulo-ò: —Ijõ txuu arybe ini aroholatyhykemy watxireri. ³³Idi tahe Paulo rare iribireny. ³⁴Ijõ iny tahe Jesuisi rityhynyre, Paulo-ò tahe rixibutumy. Ijõ Dionisiu inire, Areòpolo heto ube-ki tii iny mahãduõ roholamyhÿre. Ijõ, hãwyyõ rityhynyre, Damari inire, tule ijõ mahãduõ rityhynyre.

18 ¹Paulo tahe Atena hãwã-ribi ròhònyre Oritxi hãwã-ò. ²Kia-ki tahe judeu mahãduõ-wana witxi reare. Ini heka Akila inire. Tii Ponto hãwã-ki raumynyre. Urihimyòle Italia bede-ribi dehemynde. Prisila ihãwyyinire. Iòlò Laujiu Roma hãwã-ribi ibutumy judeu mahãdu diteònyde. Tai heka nade kaweribi-ò. ³Paulo iaòmÿsÿdÿÿna rierymyhÿre, tyyheto widÿÿ. Tai tahe tiiboho-wana rajioinymyhÿre wiwana raaòmÿsÿdÿÿrenykemy. ⁴Sabado txuõ txuõlemy tamy reamyhÿre judeu mahãdu dohodÿÿna heto-ò. Tahe ritohonymyhÿre, judeu mahãdu judeukòdu mahãdu tule. Tamy rarybere tii Rybewihikÿ òbitimy rierykemy.

⁵Sila tahe Macedonia bedewe-ribi rehemynyre, Tximòtxi-wana. Paulo tai rybe ritÿnynymyhÿhyy raremyhÿ. Aõu Paulo rarybere: —Inatyhymy Jesuisi Deuxu deòdÿÿna rare, Kristu rare. ⁶Katahe judeu mahãdu tamy raykarananymy raremyhÿ. Aõbinahakÿlemy Jesuisimy rarybere. Tahe Paulo tatyy riohowire iixãwidinykemy riteòsinykemy. Tahe tamyreny rarybere: —Jiarÿ aõkõ bede òrarure. Kai aõraruna-di burukre-wana, ahãlubureny waki aõkõ rare, adeeremy dori Deuxu rybemy rarybere. Tahe judeukòdu mahãdu-ò sohojile tuu arelyykre. ⁷Iribi tahe inyõ heto-ò Paulo rare. Txisiu Justu inire. Tii judeukòdu mahãduõ rare, tahe Deuxu rityhynymyhÿre. Judeu dohodÿÿna heto bire-ki iheto rÿire. ⁸Krispu judeu dohodÿÿna heto weduni rare. Tii tasÿreny ibutumy Inynyrÿ rityhynymyhÿre. Tule sòwemy Oritxi hãwã mahãdu rityhynymyhÿre. Paulo riratÿsebedÿÿrenyre. ⁹Paulo tahe rummy ròròmÿ roire. Tai tahe rasina wesemy robire. Inynyrÿ tamy narybede: —Brebuoõmy, Paulo. Marybeke aõmybo rybemy adee rewahinyré. Rybe tÿnydÿÿ lau brebuõmy. ¹⁰Jiarÿ adi watxiwãhãre urenana. Inyõ adee aõhe rotÿÿnyòtyhy. Sòwemy iny rÿire kaki watyhydÿÿdu. Kia Jesuisi tamy rarybere. ¹¹Tai he Paulo bede riijere sohoji beòra weeremy tai bede riere. Ribedeernymyhÿre Deuxu rybemy.

¹²Roma dinodu tÿmyraõ ronyre Grecia bede-ki. Ini heka Kalio inire. Dinodumy ronyrau tahe, judeu mahãdu wii dotyde. Wii ritobinyre Paulo dee aõbinabinahãkÿ riwinykremy. Tahe tiiboho Paulo rimyrenyre idi kanakremy ywisidÿÿdu dinodu-ò. ¹³Kiamy raryberenyre: —Paulo, Deuxu deàlànamy iny dibedeernymyhÿde. Tai bede ywina rityhynyòhyymyhÿre. ¹⁴Tahe Paulo ixideele rarybekemy ratxireri, tahe Kalio judeu mahãdu-ò rarybere: —Kia rubudÿÿdu ada aõ ibinatyhymy ratxikeki, tai idi arohonykre, ariywisidÿÿnanyke. ¹⁵Tahe aõkõre, urile abede ywina rybedile rarybemyhÿre,

tai ywisidÿÿnamy idi araõkre. Kaibohole biywisidÿÿnanybenyke. ¹⁶ Tahe Kalio ibutumy diteõnyde ywisidÿÿna hetoube-ribi. ¹⁷ Tai tahe judeu mahãdu dohodÿÿna heto wedu rimyrenyre. Sõteni inire. Tule raõhõterenyre ywisidÿÿna heto ube-ki. Kalio tahe kia õhõtena-õ aõhe rotÿÿnyõhyllere.

¹⁸ Oritxi hãwã-ki Paulo rare myhÿre sõwemy he tai txu riwyre. Idi tahe seriõre mahãdu-õ rarybere: —Arakre. Tahe hãwõõ-di he rare, reurõkemy Siria bede-õ. Tahe Prisila Akila-wana tii-wana ròirenyre. Paulo Deuxu-õ rarybere aõmybo rotÿÿnykremy. Idi tahe rexihumy kia rÿire. Tai tahe tarade risyre nohõti ijerana wesemy. Sekrea hãwã-ki tarade risyre. ¹⁹ Tahe ritehemynyre Efesu bede-õ. Prisila Akila-wana ririre. Iribi tahe rare tyriti ritÿÿnyremy judeu mahãdu dohodÿÿna heto-õ. ²⁰ Tii mahãdu tahe Paulo rexitõenyre tai aõutxumy tai ratxunykemy. Tahe rarikõkemy ratxireri. ²¹ Karibi ròhõnyreu, tamy rarybere: —Deuxudeewikeki, ixby adõõsekre. Efesu-ribi ròhõnyreu, yhydynamawõõ rimyre.

²² Ritehemynyre Cesaria bede-õ. Iribi resereu, Jerusalẽ hãwã-õ rare. Tahe rarybere riwehityhynanyre dohodÿÿna mahãdu. Iribi tahe Atxiõkia hãwã-õ rare. ²³ Tai bededÿÿnana rijere idi tahe rara. Rariamy rare hãwã hãwã-di, Alaxia bede-di, Frigia bede-di. Ibutu hãwã-ki ityhydÿÿdu rotohodÿÿnymyhyre, riwiõhenanymyhyre.

²⁴ Iu tahe inyõ judeu mahãduõ dehemynyde Alexÿdria hãwã-ribi. Apõlo inire. Tii ribedeeryny wihikÿmyhyre tyriti, tarybe-di rotohonymyhyre, Deuxu rybe riereyki. ²⁵ Inyõ Apõlo riernanyre timybo Inynyrÿ Jesuisi aõmydÿÿnana raremy. Tai Jesuisimy ribedeerynymy raremyhÿ, deysanatyhy-di rarybemyhyre. Tii tahe Joaõ ratysebenale rieryre. ²⁶ Apõlo rexidelenymy relyyre judeu mahãdu dohodÿÿna heto-ki. Prisila Akila-wana tai roholamy ronmyhyre. Idi tahe tiiboho Apõlo ridyrenyre ibutumy Jesuisi aõmydÿÿnanamy tamy ritÿÿnykemy. ²⁷ Iribi tahe Apõlo ratÿÿnykemy rexiwonyre Grecia bedey-ki. Ityhydÿÿdu seriõre tamy rybe riwahinyre, Grecia ludu seriõre mahãdu-õ, aõma, riryludunykemy, rehemynykeu. Tahe rehemynyreu, sõwemy riwiõhenanyre kia tyhydÿÿdu seriõre, Deuxu ruxetõena ityhydÿÿdu mahãdu. ²⁸ Tii dori judeu mahãdu raykyrybe itxÿte riwixiradÿÿnyre iny sõwe hekÿy-ki. Rybetyyriti ritina-di riurihimy rarybere iwese Kristu Jesuisi raremyhÿ wese, Deuxu deõdÿÿna wahe.

19 ¹ Apõlo, Oritxi hãwã-ki rareu, Paulo rabetetÿÿnyre kabedey-ki idi rehemynyre Efesu hãwã-õ. Kowa ityhydÿÿdu mahãduõ-ki he rahare. ² Tamy Paulo ritÿÿraxinyre: —Tetyhynyteu, Deuxu Tyytybytyhy ixidee aõbo temytenyte. Tahe rirawõnyre: —Aõkõre he, aõmybo tarybeteri. Deuxu Tyytybytyhy reeryõrenyre. ³ Paulo rÿÿraxire: —Taratysebetenyteu, moebo tetyhynytenyte. Tahe rirawõnyrenyre ixityre: —Retyhynyrenyre ibutumy Joaõ Sebedÿÿdu riwabedeerynyremy. ⁴ Paulo tahe tamyreny ritÿÿnyre: —Joaõ sebedÿÿna urihimyõ iwitxi rare. Tii kiawese rybe ritÿÿnyre: iny taõraru-txi tõhõti reakemy. Tahe Jesuisi Juaõ hewo-ribi kanakreu, tii tahe inatyhymy kanatyhydÿÿkre. Paulo kia tamyreny rarybere. ⁵ Kia-õ roholareu tahe, raratysebenyre Inynyrÿ Jesuisi nimy. ⁶ Paulo iratytyre tebõ ritidire, tai

Deuxu Tyytybytyhy tamyreny ralore. Tahe Deuxu rybemy raryberenyre, tule iwitxira rybemy raryberenyre. ⁷Waðinatxi reurò hãbumy rÿiramy.

⁸Inatao ahãdumy Paulo reamy raremyhÿ judeu dohodÿÿna heto-ò. Tiiemy rarybehymyhyre, riðbitinymyhyre, Deuxu lðlònamy ritÿnynymyhyre.

⁹Paulo-ò ijohonaduò rityhynyohymyhyre, teramy reamyhyre. Deuxu aomÿdÿÿnanamy ibinamy rarybemyhyrenyre iny sówey-ki. Tai tahe Paulo rexihitxinyre judeu dohodÿÿna heto-ribi. Txirano kia tyyriti rybena heto-ò txuò txuõlemy ralòmhyhyre taerydÿÿna-wana. Tahe rabedehynymyhyre. ¹⁰Tahe bede riere inatxi beðramy. Tai tahe ibutumy iny Asia bede ludu mahãdu Inynyrÿ rybe-ò roholamyhyre, judeu mahãdu, tule judeukòdu mahãdu. ¹¹Deuxu aõna aõna wiihikÿ riwinyre Paulo debò rihuòtere. ¹²Paulo tykyyre riwyrenyre webinadutyre ritidirenykremy. Tyky òsuròna wesemy ijõmy riwyre. Tai tahe webinadu riteytenymyhyre. Tule tyytybybinahakÿ iny-ki raremyhÿu, aõwesele iribireny ròhònymy reare tykyyre òraru-ki. ¹³Ijõ judeu mahãduò ratÿinyre hãwã hãwã-di inyò ribi tyytybybina ritakemy. Tiiboho tyytybybina riteònykemy idi ratxireri. Tai tahe Inynyrÿ Jesusini-di riteònyre. Kia wesemy rarybere: —Paulo, Jesusi rybe ritÿnynymyhyre, tai Jesusini òraru-ki iribi bòhònykre. ¹⁴Debòinatxi seriòre kia riwinyre. Sewa tybynire, judeu xiwena widÿÿdu kia wedu tii rare. ¹⁵Tahe Jesusi ni-di tyytybybina-ò rarybereu, tyytybybinaò dirawyònyde: —Jesusi reeryre, Paulo reeryre, tahe mobo atxiteri. ¹⁶Tahe hãbu tyytybybina-di ratxirerí, ityrehekÿle dexiwatxinyde, rihetenyre, ibutumy riwotòmomyre ityky ritare tai hetowo-ribi hãbu mahãdu tadehekÿlemy rahenyre. ¹⁷Ibutumy Efesu hãwã mahãdu kia rieryrenyre, judeu mahãdu, judeukòdu mahãdu. Tahe ibutumy ruberure, Jesusi ni nityhydÿÿhÿkÿmy ini raremyhÿki. ¹⁸Sówemy ityhydÿÿdu taðrarureny riixitòedÿÿnymyhyre, dohodÿÿna mahãduy-ki. ¹⁹Ijõ ityhydÿÿdu juhuy tyytybybina rierymyhyrenyre, tiiboho tahe tatyryiti diwyde itxenadÿÿmy rybetyryiti, òwòruwidÿÿ kia tyyriti. Tahe iny retehemyhÿreruki kia tyyriti sówemy ritoonyre. Idi ibutu tyyriti juhuy òwy wese inyò riritinyre. Iòwy tahe 50 mil womati ura nieru juhuy iòwyre. Ihãrele tahe idi rahure. ²⁰Ibutumy kia bede mahãdu Deuxu rybe-di ròhòtinihikÿrenyre.

²¹Idi tahe Paulo tarayky-ki ròhòtinyre: —Judeukòdu mahãdu bede-ò arakremy ixi-di watxiwãhãre. Juhuy Jerusalê-ò arakre Macedonia bede-di Akaia bede-di arariamy arakre. Adòðsekrey, tahe Roma hãwã-ò arakre. ²²Tai tahe tawìhedÿÿdu Tximòtxi, Erasto-wana Macedonia bede-ò riteònyre. Tai Paulo Asia bede-ki naride. Bededÿÿnanaò riwyre.

²³Kia bededÿÿnanau aõbina nihikÿ rÿikemy riwisÿnyre Deuxury òbitina òraru-ki. ²⁴Dimitiu heka womati tÿrÿrÿ ura ritxoo widÿÿdu rare. Hãwyy ritxoo ihãwãreny deuxu rare. Diana inire. Nieru sówemy ritamy raremy idi riwinymyhyreki. ²⁵Dimitiu ributumy ibutumy womati ritxoo widÿÿdu, tamahãdu-wana. Tamyreny rarybere: —Wanyrÿboho adeereny ararybekre. Inyboho nieru ritamyhyrenyre kaa aõmysÿdÿÿ-ki. Kia tahe teerytenyte. ²⁶Paulo rarybemyhyre kaa inywidÿÿnareny deuxu aõkò rare. Tai tahe sówemy iny

tamy nariade irybe-di. Efesu hãwã sohojile-ki aõkõ, ibutumy Asia bede-ki irybe rityhynymyhÿre. ²⁷Iny aõmysÿdÿÿna òsana riixãwididÿÿnykre, ideuxu dohodÿÿna heto-wana, iny deuxu reny riixãwididÿÿnykre. Diana inyluure. Kaki sohojile aõkõ inyluure, ibutumy Asia bede-ki, tule bede bede ludu iluu inihikÿmy awireki. Paulo heka kia ibutumy rahukre. ²⁸Kia roholareu tahe, raykarananyreny. Ryrereny: —Diana awi rare inydeereny. Tii Efesu hãwã deuxu rare. ²⁹Rirajuamy rÿimyhÿ hãwã-ki. Hãwã mahãdu, Kaio Aristarku-wana rimyreny tahe ridyreny butunaube-ò. Tiiboho Paulo tÿimahãdu rare, Macedonia hãwã mahãdu rare. ³⁰Tahe Paulo ralòkemy rexiwonyre tatÿi mahãduhe-ki, iny sòwey-ki tahe taerydÿÿna ijoi ritirÿre. ³¹Tule ijõ bededinoduò, Paulo wiðhedÿÿmy ratxireri. Tai tarybereny Paulo-ò riwahinyre ibutunaube-ò raòkemy, brebunamy roireriki. ³²Tiilemy ijõ rarybemyhÿre. Ijõ iwitxiramy rirajuamyhÿre. Urile wimy rauriure. Aõherekibo ibutumy rÿireri, iny rieryòhyre. ³³Alexÿdre iny sòwey-ribi rimyreny tahe, idi retÿhire, ritamadÿÿnyre iny rudera-ò. Alexÿdre debò riteòsinyre tamahãdumy rarybekemy. ³⁴Iny sòwemy idi retehereu, judeu mahãduò raremy rieryre tahe rirajuatyhyre. Tahe inatxi òramy rirajuahy rÿimyhÿ: —Diana awi rare. Tii heka Efesu deuxu rare. Kiamy ryrereny. ³⁵Idi tahe hãwã weduò riixãwididÿÿnyre. Tahe rarybere: —Hãbu, Efesu hãwã mahãdu. Ka hãwã Diana hãwã rare. Kaki tohodÿÿna heto reyruwãhãreny. Kaki biu-ribi mana ritxoo desede. Ibutumy kia reeryreny. ³⁶Kia inatyhy rare. Tai tahe rikÿrymy rokorokorenykre. Aõwesele aõwidÿÿõmy. ³⁷Kaa hãbu tedytenyteri. Aõhe rotÿÿnyòreri. Aõ-di rawasinyòhyreri dohodÿÿna heto-ribi. Aõbinahakÿ iny hãwyy deuxumy raryberenyòhyreri. ³⁸Dimitiu tamahãdu-wana aõbo tai reny ibinamy ihÿrenyeki, ywisidÿÿdu-ò idi rakre. Tiiboho heka wii ributunymy rÿireri. ³⁹Ijõ rybe tahe atxibenykeki, ijohonadu mahãdu adibutunykre arybe-ò aroholarenykemy. Iwese inyboho rotÿÿnymyhÿre wese arieryrenykre. ⁴⁰Roma hãwã dinodu òsana aõmybo inmyreny kanarybekre. Wiji inyboho aõhebo rotÿÿnyrenyrimy. Aõ kÿnyhe iò-ki ka wiji jei jei rÿireri wahe. Roma hãwã dinodu tarybe kidiwahinykre-wana wahe, timyhe warybeõna. ⁴¹Tahe riixãwididÿÿnyre. Ròðsere ibutumy.

20 ¹Kia jei jei rybe rexihureu, Paulo tahe taerydÿÿna mahãdu-ò tarybe riteònyre tiiboho kanakemy. Tahe rakrekou tyremy tamyreny Deuxu rybe-di rothonyreny Deuxudeewimy rierykemy. Idi tahe ritobinyreny. Rare heka Macedonia bede-ò. ²Ibutumy titxibo rexitomonymyhÿ ritohodÿÿnymyhÿre ityhydÿÿdu mahãdu-ò. ³Tahe Akaia bede-ki heka bederijere inataò ahãdu. Tahe rexiywinymyhÿre ratximyhÿ Siria bede-ò rakremy hãwò-di ridymyhÿredi heka rakremy rexiywiny. Idi tahe judeu mahãduò irubudÿÿmy rarybemy nyimyhÿ. Inyõ Paulo rierydÿÿmy, tai ta Macedonia bede-di ròðsere Siria bede-ò rakemy. ⁴Hãbuò ramyhÿre tii-wana Jerusalê-ò, ta kamahãdu Asia bedeòle he roirenny. Sopatu ijõnre, tii heka Bereia hãwã mahãdu rare, Biru heka Sapatu tybyni rare. Aristarku ijõre, adelahelÿÿna ijõni rare, tiiboho Tesalonia hãwã mahãdu rare. Ijõ Kaio inire, tii Debi hãwã mahãdu

rare, Tximòtxi ijõ rare. Tule ijõ Asia bede ludu rare, Txitxiò ijõ, Trofimo ijõre. Rarekie. ⁵Kiabohe juhutyhy rexiraòmy roirenyre. Paulo riraòmy Troaji hãwã-ki. Tule riwaraokre —Luka jiarÿ ka tyyriti widÿÿdure. ⁶Worana bedehesi ituereu tahe, jiarÿ Paulo-wana roirenyre heka hãwò-di Filiposi hãwã-ribi. Iruyre txu rÿidi tahe rehemynyre. Troaji hãwã-ò. Taita sohoji semanamy rewyrenyrene.

⁷Tahe nobiutxu ityhydÿÿdu mahãdu iny wi ributunyre, Inynyrÿ mona, rÿsÿna-wana tuu rihitxiny my rirÿsÿkemy. ⁸Tahe Paulo iu rybe ritÿnynyre itxu biòwamy rexiwiny my rÿimyhÿ tahe rakremy. Urile tahe rarybereri hyky tahe ruetya he wihe ritotynymyhÿrenyrene. Hetoranoa-ki biu-ki rÿimyhÿre. Kanoòtyhy-ki rabuturennyre. Tiu Paulo rarybemy rarybemy rexihukòhyre, biurasòmy rakreki. Tahe sòwemy heka lamparina rÿimyhÿre. ⁹Ronymyhÿ, moma inire, Otxiu. Aõma-ki ronymyhÿ, heto janela tyre-ki biu-ki. Ta tòhòti rosare, ròròmy resere. Iribi reare, biuribihikÿle resere suò. Rurure. ¹⁰Tahe Paulo robehe my rare tamy. Tatiowotimy resere weryrybò rimykremy iwetya-ki. Paulo rarybere: —Bedeòtiidÿÿòmyke irulemy roire. Deuxu ixiby iumy tamy riwahinyre. ¹¹⁻¹²Weryrybòmy irumy robirenyre tahe, ibutumy reysarennyre. Tai tahe Inynyrÿ bemona, rÿsÿna-wana tuu rirÿsÿrennyre biu-ki wahe. Paulo ixityre rarybere. Txu iòlò iòlòmy rareri-wana tahe rarybere. Tahe Paulo rare. Tatilemy rare Aso hãwã-ò. Tii tamy tarybe ririrehe: —Kowa ayhywydyna lawò arimykre.

¹³Tahe jiarÿ, Luka, wamahãdu-wana roirenyre yhywydynalawò-di Aso hãwã-ò Paulo-wana rekoarennykemy. ¹⁴Rehemynyrennyre tahe, Paulo ralòmy yhywydyna laworo-ki. ¹⁵Imytxubiòwa tahe Kio hãwãko-txi rehemynyre. ijõ txu tahe Samosi hãwã-ki rehemynyre. Ijõ tahe rehemynyre Mitilene-ò. ¹⁶Paulo ixitamadÿÿ deramy reare Efesu hãwã-ò. Raeleemy ratximyhÿ Jerusalê-ò rehemynykemy, aõma, Pentecoste kia judeu worana bedehesi-ò raelelere.

¹⁷Tahe Miletu hãwã-ki rehemynyre, dohodÿÿna matuari mahãdu tamy he rarariòwyre tamy rarybekremy hãwò-ò kedehemynykemy. Tahe Efesu-ribi ditehemynydeu, kia tamy rarybere: ¹⁸⁻¹⁹—Tahe tiiemy Asia bede-ki Inynyrÿ-ò raaòmÿsÿdÿÿhy watiwãhãre. Aõmy aõkò ixidee rahòtinywãhãre. Rahiny mahãre, Inynyrÿ dee rybe retÿnynmahãre. Warube resehy watiwãhãre. Tai ta brebuna nihikÿ waumy-di rarewãhã. Judeu mahãdu heka sòwemy wamy rarybemy riwarubunykemy. Kia ibutumy aõmydÿÿnana teeryteny. ²⁰Tiu raberuòhywãhãre Inynyrÿ nimy rybemy. Ibutumy rarybewãhãre iny sòwey-ki tule heto hetowomy relymahãre. ²¹Judeu mahãdu-ò retÿnynyre tule judeukòdu mahãdu-ò taòraru ririkemy Deuxu dee taòraru-txi tòhòti reakemy rabadewokemy. Tule Jesuisi Kristu rityhynykemy. ²²⁻²³Katahe wiji arakre karibi Jerusalê hãwã-ò. Deuxu Tyytybytyhy heka wadee dyrymyhÿde. Aõhebo arotÿÿnykre, reerykòre. Kiale reerywãhãre, aõma, Deuxu Tyytybytyhy wadee rarybemyhÿre ibutu hãwã-ki, aõma, aõhòkÿmy arotÿÿnykre kowa. Rotenawo-ki aroikre. Myle reeryre. ²⁴Tiiemy tamy raaòmÿsÿdÿÿmahãre.

Kiale wadee Inynyrÿ Jesuisi rewahinyre urenana. Kia ariwinyõkeki, aõ aõkõ heka jiarÿ waumy-ki. Tii arelywãhãke inyko-ò rybe tÿmyra wihikÿ, timybo Deuxu inyluurenyre. ²⁵Araerynanywÿhÿrenyre Deuxu Iòlõnamy, wamy tahe bobibenyõtyhy ixityre. Kia reerywãhãre. Jiarÿ tule umyreny arobiõtyhy. ²⁶Tahe adeereny aõmybo ararybekre. Ryranymy heka watxiwãhãre ibutu hãlubu-ribi. Kaiboho aõraru-di burubenykeki, jiarÿ aõkõ tuure. Inyõ wamy rarybeõtyhy aõma Rybewihikÿ-di jiarÿ itÿnynyõmahãremy. ²⁷Tiiemy rarybehyy rarewãhã ibutumy Deuxu bede ywinamy. ²⁸Tai tahe ix-di awimy boibekre. Iwese budoeni itxeredu tamy rÿsÿna riwahinyre wese, kaiboho ityhydÿÿdu mahãdu-ò Deuxu rybe tamyreny biwahinybenykre. Deuxu dohodÿÿna mahãdu tii rare. Jesuisi tahãlubu-di tii riwyre. Tai tahe ityhydÿÿdu mahãdu wiðhedÿÿdumy kaiboho toite. ²⁹Karibi arohonykreu, aitxeredu mahãdu kanakre. K reeryre. Adeereny õbitimy aõkõ riernyananykre. Tiiboho aholã wesemy ratximyhÿrenyre. Iwese budoeni-ò imynymy rõsemy ramyhÿre wese heka kedehemynykre. ³⁰Inyõ heka aityhydÿÿdu seriõre yribi iwixira aõna aõnamy kidierynanymyhÿkre. Taijoi kididymyhÿkre tarybe-ò ijohonamy. ³¹Tahe bijemy boibekre. Inataõ beõramy awana rarewãhã. Kiamy rarybereri, iribi nohõtilosarenyõmy. Txu-wana, ruwana adireny rõrenywãhãre. Rahinymy heka aõrarureny-ki watxiwãhãre. ³²Tahe ararirenykre Deuxu-wana ix-di he awimy renykre. Tii heka adireny rarekre. Tii tahe nohõtilosarenyõmy, boibekre Deuxu rybe-di. Tii heka riwiðhenanykre atyhyna raumynykremy. Deuxu riywinyre wahe adee reny aõna aõna wiwihikÿ riwahinykre õbiti mahãdu-wana kia bitabenykre. ³³Tiu heka jiarÿ ijõ hãbu-ribi nieru tarasamy rahõtinyõhyymahãre tyy wiwihikÿ tarasamy raruõhyymahãre. ³⁴Tiiemy wadebõ-ribi hyy hyy raaõmysÿdÿÿmy rarewãhã waaõmydÿÿnana õwydÿÿmy. Tule rewiðhenanywãhãre tii-wana watxiwãhãre mahãdu. Kaiboho teerytenyte kia. ³⁵Ibutumy rewiðhenanywãhãre iaõkõ mahãdu kia heka tuu tabitenyte kia rewinyamahãremy. Teerytenyte timybo Jesuisi rarybere: —Biwahinybenyke, kia dori iny-ribi ritamyhÿre ratyre awi rare.

³⁶Tahe rybe-ribi rexihureu, tatiowotimy rotamanyrenyre wiwana rexitõenyrenykremy. ³⁷Tahe rahinyrenyre, rimyrenyre tamy wõrenyre, aõna rakreki, kia-ki rexityhenyreny tamyreny. ³⁸Tiiemy rabadeworenyre tiu tuu robirenyõkremy. Tahe hãworo-ò tiiboho-wana roirenyre.

21 ¹Iribi rõhõnyreu tahe, õbitihyy rare Kõsi hãwã-ò. Ijõ txu tahe Rodesi hãwã-ò ritehemynyre. Iribi tahe Patara hãwã-ò ritehemynyrenyre. ²Tai tahe rahare hãwõ-ki, Senisia hãwã-ò rakremy rexiwinyreny. Roirenyre kia yhywydynamawõ-di tahe rorukurenymy rõirenyre tamy. ³Xibri bedebute weribi-ò reurore, inyhywenawe-ribi Siria bede weribi-ò. Tahe ritehemynyre Tiro hãwã-ki. Tai tahe hãwõ-ribi aõna aõna-di rekoarenyre. ⁴Tamy roirenyreu tahe, rÿÿraxirenyre kahãwã ityhydÿÿdu mahãdumy. Tai raharenyre. Sohoji semanamy bede tiiboho-wana wadireny rÿire. Kiaerydÿÿna mahãdu heka Paulo dee raryberenyre: —Aõma noõmykre Jerusalẽ-ò. Deuxu Tyytybytyhy tuu tamyreny rarybemyhÿre. ⁵Tahe semana ituereu, diõsedenyde ixiby hãworo-ò. Ibutumy

diberenydenyde ityhydÿÿdu mahãdu tiiboho-wana ÿnyra-ò, hãwyy, uladu, ibutumy. Tahe rexitòenyreny. ⁶Ritobinyreny tahe, riòserenyre heto-ò ixbyby.

⁷Idi tahe Tiro hãwã-ribi rare. Tahe Tolimaida hãwã-ki ityhydÿÿdu mahãdu rerybewãhãreny txu sohojilemy bede rejereny tai. ⁸Ijò txu biòwamy tahe roirenyre Cesaria hãwã-ò. Tahe Filipisÿ-ki rasÿnyreny Rybewihikÿ-di tÿnydÿÿdusÿ-ki wahe. Tii juhuu aõma ityhydÿÿdu mahãdu wiòhedÿÿduò juhutyhy rare. ⁹Tii heka inaubiòwa iriòre rare. Tahe heridu aõkò ijadõma mahãdu rare. Ijadõma mahãdu heka Rybewihikÿmy rybeduòle rare. ¹⁰Tahe aõutxu taile watxiwãhãreny. Tahe hãbuò dehemynyde Judeia bede-ribi, moma inire Abusi. Tii tule Deuxu rybe-di rarybemyhÿre. ¹¹Idi tahe nade inyorarenymy. Tahe rimyre tii Paulo wereysana. Tawahe idile rimyre rextaare tebò-wana. Idi tahe rarybere: —Deuxu Tyytybytyhy wa kiamy rarybere: —Kia wereysana wedu heka iwese rataataamy räire wesele heka tule rataataamy rÿikre Jerusalê-ki judeu mahãdu heka kia riwinykre ta riwahinykre judeukõdu mahãdu-ò. ¹²Tamy raholarenyre tahe, raryberenyre Paulo dee raõkremy Jerusalê-ò. Jiarÿboho raryberenyre tamy tule ijò tule tamy raryberenyre. ¹³Tahe Paulo rarybere: —Hirenyõmyke, tiwabedewodÿÿnytenyeri. Rexiywinymy watxireri Jerusalê ròtena-ò aralòkemy. Tamy sohojile aõkò kÿny, tule Deuxu dee wikeki tahe arurukre Inynyrÿni òraru-ki. ¹⁴Timy heka Paulo nohòti rareadÿÿrenyòke tiemy tanonanamy rara. Tahe rarybemy rahudi kiamy tarybe-ò resere Deuxudeewilemy rotÿÿnymy ratxike.

¹⁵⁻¹⁶Iribi tahe iny aõna aõna rexiywinymy Jerusalê-ò roirenykemy. Ijò ityhydÿÿduò Cesaria-ribi iny-wana roirenyre. Tahe rethemynyrenyre, Menasõ heto-ki rasÿnyreny kemy ityhydÿÿdu riwadyreny. Menasõ heka juhutyhy ityhydÿÿdumy ralòmy raremyhÿ. Juhuu tii Xibri bedebute-ki rasÿnymy raremyhÿ.

¹⁷⁻¹⁸Jerusalê ityhydÿÿdu mahãdu ibutumy awimy riwamyreny. Jiarÿ, Luka wahe, Paulo-wana, ijò ityhydÿÿdu-wana. Ijò txu biòwamy tahe Paulo riwadyreny Txiaumy robikremy. Tule ijò Jerusalê dohodÿÿna matuari mahãduò tai ronyre. ¹⁹Wirirybenymy rahudi tahe, Paulo tamy relyyre aõhebo Deuxu tamy rotÿÿnyremy. Timybo judeukõdu mahãdu Deuxu rityhynyremy. ²⁰Kiamy roholareu, Deuxumy reàlarenyre ibrò-kí. Tai tahe inyò rarybere: —Paulo, sòwemy judeu mahãdu rityhynyre. Kai teeryte, inyseriòre, ibutumy judeu mahãdu bede ywina riwinyry ratximyhÿhy. ²¹Inyò umy rarybere, raroimyhÿre kaki Jerusalê-ki. Judeu ityhydÿÿdu mahãdu-ò rarybere: —Paulo he Moisesi bede ywina-ribi nohòtiro sakemy tii riteònyre. Paulo rierynanyreri judeu ityhydÿÿdu mahãdu-ò kia judeukõduy-ki rasÿnyre mahãdu-ò. Kia inyò riki rarybere, Paulo uladunotyky resyna riteòdÿÿòreki riki. ²²Tii kÿnyhe roholarenykre kaò themynyterimy. ²³Tai kiamy rikiwinyrenykre. Inaubiòwa hãbu katxi rare tarade riwysynykre. Deuxu-ò tarybetyhy riwahinyreny, tai tahe tarade riwysynykre. ²⁴Kai tule makre iwesele arade riwysynykre Deuxu dohodÿÿna heto-ò. Tahe iradereny synaòwumy biòwynykre. Tai tahe ibutumy aluukre judeu mahãdu bede ywina tetyhynmahãteki wahe. ²⁵Aõ inyboho ka judeukõdu mahãdu. Ka bede ywinaò rityhynykemy aõkò tuu iny ratxirennyre.

Kaa adeereny tuu rarybewãhãrele rityhynyrenykemy: —Ka aõma rÿsÿna ritxoo rÿsÿnamy iwahidÿÿnalemy irÿsÿõmy, tule iròdude ihãlubu iijeradyÿõreri, uritere irÿsÿõmy, tule òta òta òraru widÿÿõmy. ²⁶Tai tahe Paulo rarybere: —Hÿde, tii ariwinykre. Tahe Paulo rare Deuxu dohodÿÿna heto-ò kia hãbuõ-wana. Tahe ibutumy iny rieryre xiwenaõ riwinykre wahe, tamy dori raryberenyre.

²⁷Tahe debòinatxi reurò txu-di riwinykremy. Idi ka debòinatxi reurò txu rexihudi tahe idhòmy. Tahe Asia bedede ludu judeu mahãduõ tuu robira. Tiibohe iny-ò rarybere Paulo rimykremy. ²⁸Sõwemy iny tamy wi rotyre Paulo òludumy. Tiibohe kiamy rirajuarenkyre: —Haeli mahãdu, wylemy bodoike. Biwawidhenanybenkyre. Ka hãbu ratxireri iny bedede ywinarenky òludumy ritÿnynymy rÿimyhÿre. Iny dee narybemyhÿde judeu mahãdu bedede ywina rityhynyòkemy, tule iny Deuxu dohodÿÿna hetomy, judeukòdu kawo-ò didyde tai tuu ribinadÿÿnyreri. ²⁹Juhuu tahe ijõmy robire hãbuõmy hãwãhãkÿ-ki Paulo-wana ratxirerimy. Trofimo inire. Tii heka Efesu hãwã mahãduõ ityhydÿÿduõ rare, judeukòdu mahãdu aõkõ tii ihÿre. Tahe judeu mahãdu röhòtinyyre Paulo dohodÿÿnahetowo-ò Trofimo ridyramy. Tahe Paulo ridyòlere. ³⁰Tahe sõwemy iny rakyarananyre tamy, aõma kia hãwã hãkÿludu mahãdu. Sõwemy iny rarybemy rÿimyhÿ, rajeijeimy rÿimyhÿ. Paulo tahe retÿhirenyre dohodÿÿna hetowo-ribi, ijòtòbõna riratòbõnyre. ³¹Tahe rirubunykemy riteleny heka. Tahe soldado dinodu tyhy roholare aõma ibutumy Jerusalã hãwã-ki jei jei-di rÿireri. ³²Tai tahe soldado tawedu diteònyde kia tai jei jei mahãdu rÿireriò. Tahe soldado robirenyrau, riixãwidinyrenkyre, Paulo òhòtedÿÿ-ribi. ³³Kia soldado wedu tyhy Paulo mynymy riteònyre. Tahe ritaataarenkyre womati reroti-di. Tahe rexitòenyre kia inydee mobo he ratxireri. Aõhebo he tii rotÿÿnyrerimy. ³⁴Ijõ heka iwitxiramy rarybemyhÿre, ijõ tiilemy rarybere. Tai tahe soldado dinodu bedede rieryòhyra timyrebomy, ibutumy iny rirajuareki. Tahe ridykemy riteònyre. Tahe soldado heto-ò Paulo-di roiremyre. ³⁵Ryòwõna-di rotuòrau tahe, hãwã mahãdu aõkõre he reburera. Soldado mahãdu Paulo taaxiò tyre ritidimy idi rara iny rimyheny. ³⁶Iny he rirajuamy rarybemyhÿre: —Bidybenkyre, birubunyenkyre wahe. Myhe soldado mahãdu hewomy rirahumyhÿre.

³⁷Tahe rirònykremy roirau tahe, Paulo soldado dinodu-ò rarybera: —Adee inihe wanyrÿ, ararybekemy watxireri. Tahe soldado dinodu ritÿÿraxinyre: —Kai aõbo kreku mahãdu rybe teeryte. ³⁸Kai jiarÿ araeryre. Kai Egito mahãdu dinoduõ tate, ibutudÿÿdu wedu tate. Kai 4000 iny aõbina widÿÿdu tedyte bederahy-ò. ³⁹Aõkõre, Paulo dirawyònyde, tii aõkõ watxire. Jiarÿ Roma hãwã mahãdu tyhyre jiarÿ rare. Wahãwã, Tarso hãwã rare, hãwã riòre aõkõ Silisia bedeki. Judeu mahãdu tule jiarÿ rare. Kaki iny mahãdu-ò ararybekemy watxiwãhãre. ⁴⁰Tahe soldado Paulo —ò rarybere: —Tahe marybeke. Tahe lamamy rÿire inydee rarybekemy. Paulo tebò riteòsinyre riijohonadÿÿnykemy. Tai ibutumy iny riyrymy rÿirenyre. Judeu mahãdu rybe-di tamyreny rarybere.

22 ¹Kawese Paulo tamyreny rarybere: —Waseriõre, waluuboho, wabededÿÿnanamy adee arelyykre. Wamy bohولاتyhyke.

²Judeu mahãdu rybe-ò roholareu tahe, riyrytyhymy rorukurenyre. Tii heka rarybere: —Jiarÿ judeu mahãdu jiarÿ rare. Raumynyre Tarso hãwã-ki. Kia Silisia bedede-ki rare.

³Kaki Jerusalẽ-ki ratyryritinymy rarewãhã, Kamalie ninadu tyryritina-ki. Ibutu Judeu mahãdu bedede ywina bedede reeryre Kamalie-wana. Ibutumy Moisesi bedede ywina-di riwaerynanymyhÿre. Tii tahe reywynyãhãre, retyhynytyhywÿhÿre. Ibutumy Deuxu bedede ywina ariwinykemy ixi-di rahõtinywãhãre iwese wiji iwidÿÿmy tarutenyteri wesele wahe. ⁴Jiarÿ ka ityhydÿÿdu mahãdu aõhõkÿmy rotÿÿnnymyhÿremy reteowãhãre ihyyle ijõ rubudÿÿmy reteonywãhãre. Hãbu hãwyy-wana rerõtentywãhãre rõtenuwo-ò. ⁵Waaõmydÿÿnanamy bierybenykre-wana, tamy marybeke dohodÿÿna wedu-ò, matuari mahãdu-ò. Dohodÿÿna wedu tyryriti rewyre Damasu hãwã dohodÿÿna heto-ò. Tai tahe tyryriti-di risÿnyre ibutumy ityhydÿÿdu mahãdu aõhõkÿmy rotÿÿnykemy, tule womati reroti-di rataataakemy Jerusalẽ-ò kididykemy. ⁶⁻⁷Iõhõmy txutyemy iijira-ò, Damasu hãwãry-ki watiwãhã. Tahe loosõna itÿnyhÿkÿmy wadee dehemynde. Bedetxile resere. Tahe rybeõ raholare: —Salu, Salu, aõherekiwexe aõbina binahakÿle wadee tadiwinymahãte. ⁸Tahe jiarÿ rarybere. Mowexe wadee rarybereri, Wanyrÿ. Tii rarybere: —Jiarÿ Nazare ludu watiwãhã, Jesuisi. Kai aõbina binale wadee tadiwinymahãte. ⁹Hãbu wawana rÿimyhÿ, aõ rieryõhyre aõmybo wadee rarybemyhÿre tahe loosõnamy he robirenyre. ¹⁰Tai tahe rarybere jiarÿ: —Aõwexe ariwinykre, Wanyrÿ. Rarybere: —Myike wahe, make Damasu hãwã-ò. Tai tahe inyõ adee kanarybeke aõbo biwinykemy. ¹¹Tai tahe rabiõmy rãiwãhã kia loosõna ritÿrÿrÿhÿkÿreki. Tai wabiõwa ryy wadee ritÿnynyre wadepõ-ki riwamymy Damasu-ò arehemynykemy. ¹²Tai tahe hãbuõ wadee rehemynyre, Ananiamy ninadu. Tii heka Deuxu tyhydÿÿduõ rare, bedede ywina rityhynymyhÿre, ibutumy Judeia mahãdu, Damasu hãwã-ki heka tuure. ¹³Tii tahe wadee rarybere: —Waseriõre, Salu, aruebimyke ixityre bobikemy. Aõwesele tahe rabimy reare. Ananiamy rabire. ¹⁴Tahe ixityre wadee narybede: —Inybyby Deuxu juhuu aratare, aõbo tamywimy bierykemy. Tule Jesuisimy bobikemy, Deuxu õbiti hãbu. Tule boholakemy aõbo tii adee kanarybekeõ. ¹⁵Tai tahe biwykre irybewihikÿ tÿmyra ibutu bedede bedede iny-ò. Belyyke timybo taholatemy, tabitemy. ¹⁶Tai tahe rooreheõmykre. Wijile makre maratysebekre. Aõraru-ribi yrahakÿlemy mabekre, Wanyrÿnimy tetyhynyte xiery. ¹⁷⁻¹⁸Idi tahe Jerusalẽ-ò rehemynyreu wahe, aõutxumy ixitõenymy rarewÿhÿ Deuxu dohodÿÿna heto-ki. Tai raholarerasina wese-ki aõma Deuxu wadee rarybererimy: —Wylemy bohõnykre Jerusalẽ-ribi. Warybemy tamy marybekreu, rityhynyrenyõtyhy. ¹⁹Tahe Inyryrÿ-ò rarybere: —Ibutumy hãwã-ki aityhydÿÿdu mahãdu rehãtenyre, rewotomonyre, rerõtedyÿnyre. Ibutumy kaki kia rierymy roimyhÿre. ²⁰Arybe tÿnydÿÿdu rirubunyreu, moma Estevaõ, jiarÿ taile watiwãhãre. Rewiõhenanywÿhÿ irubudÿÿdu mahãdu ty reyrubunyre aõma mana-di

rihurenreure wahe. ²¹ Tahe Deuxu wadee rarybere: —Bòhònyke wa Jerusalê-ribi. Irehetyhymy arateòkre judeukòdu mahàdu-ò. Kia Paulo tamyreny rarybere.

²² Tahe kia iny roholamy rÿimyhÿre kia Paulo iximy relyyreò. Tahe raykarananymy ryryre: —Bidyke karibi ahana-ò, birubunyke. Irumy rareòkre idi watziwàhàrenyre. ²³ Tatyky riohowire, brybysi-di biu-txi rehure, ryrymyhÿrenyre. ²⁴ Soldado dinodu tahe riteònyre iwo-ò ridyrenykemy awaru òhòtenahàkÿ-di tuu raòhòtekemy. Soldado dinodu rierykemy ratxireri aòherekibo iny tamy rakyarananyraki wahe. Tii rarybekre òsana tuu raòhòtekeki. Kia soldado dinodu ròhòtynyre. ²⁵ Tahe Paulo ritaataarenyre. Imy rahudi tahe Paulo rarybere soldado dinodu-ò: —Jiarÿ Roma hãwã mahàduò rare. Wamy maòhòtebenyòtyhy, aywisidÿÿna mahàdu wadee roholaòre tebutunyòteki. Kia riwadyÿkòkemy roimy rare. Abede ywinareny adee rarybere kia widÿÿòmy. ²⁶ Tai tahe kia soldado dinodu tadinodu-ò rare. Tahe tamy rarybere: —Kowa hãbu, Roma hãwã mahàduò rare. Tai tahe aòbina bina tamy iwidÿÿòmy. ²⁷ Kia roholareu, tii rara Paulo-ò tamy rÿÿraxikemy: —Inatyhybe Roma hãwã mahàduò aòbo atxiteri. Paulo tahe narybede: —Kohe, jiarÿ, kia mahàduò watzireri. ²⁸ Tai tahe soldado dinodu narybede: —Jiarÿ tule watzireri. Nieru sòwe-di reòwynyrene tuu aronykremy. Tahe Paulo rirawyònyre: —Jiarÿ tiu kia watzireri. Waha dori Roma mahàduò raremyhÿ. ²⁹ Tai he soldado mahàdu iribi ròhònyre aòwesele tii Roma mahàdu ratxire riki. Soldado dinodu tule ruberure tii dori rataataamy riteònyreki.

³⁰ Txu biòwamy ritare ròtena-ribi ròhònykemy. Judeu xiwewahidÿÿna dinodu inyò ributunyrene ywisidÿÿdu mahàdu-wana. Tahe Paulo ridyre tamy. Tii dori rierykremy ratxireri aòherekibo judeu mahàdu Paulo deramy rÿireri.

23 ¹ Paulo tamyreny retehere, dinodu mahàdu-ò wahe. Tahe rarybere: —Waseriòreboho, Deuxudile watzimy ramahãre. Tiiemy aòbina binamy aòkò watzireri, tamy iluuna-di tyhy watziwàhãre. ² Anania hãbu-ò rarybere, iòhòmy Paulo-ribi rÿireriò: —Iry-ò bihetenybenyke. ³ Paulo tahe tamy narybede: —Kai wa aò aòkò tate. Hetotira ura wese tate, awo arayky isuisure. Waywisidÿÿdu wesemy talòmy atxiteri, tahe wahetedÿÿmy tarybeta. Kia bede ywina rarybera wesemy aòkò tewisÿnyteri. ⁴ Tahe iòhòmy Paulo-ribi rÿireri, tamy rarybere: —Kia wesemy rybeòmy Deuxu xiwe wahidÿÿdu wedu-ò. ⁵ Tahe Paulo rarybere: —Aòkòre, reeryòhyre aòxiwe wedubo ratxireri. Tyyriti kiamy rarybemyhÿre: Tiu riki wedumy aòmy rybebinamy aòkòke. ⁶ Idi tahe Paulo rexierymy resere. Tahe ixidee ròhòtynyre. Ka iny sòweyre fariseu mahàdu heka rare. Iyrejura tasÿ saduseu mahàdu rare. Tai tahe Paulo ryryre: —Waseriòre mahàdu, jiarÿ fariseu mahàduò rare. Waha, wylabieboho ibutumy fariseu roire. Rubu-ribi ixixana retyhynywàhãre. Tai tyhy tahe kia-ò, ywisidÿÿdu-ò wiji diwadyde. ⁷ Imy rahudi tahe fariseu mahàdu saduseu mahàdu-wana wiribi rihitxinyre. ⁸ Saduseu dori rubu-ribi ixixana rityhynyòhyymyhÿrenyrene, tule ÿju, tyytyby-wana rityhynyòre. Fariseu mahàdu tahe, kia ibutumy rityhynymyhÿre. ⁹ Tai tahe sòwemy rajei jeimy rÿimyhÿ. Tahe fariseuò rarybere Paulo òbitimy ratximyhÿ. Aò teòsamy tai tuu arobirenyke kÿnyhe aòkòre. ÿjuò òsana tamy

rarybera ada tyytyby aõbo. ¹⁰Tai ta tarurutyhymy rryryrenyre. Tai tahe soldado dinodu ruberure aõma Paulo riykaykaketxi roholare. Tai rarybere tamy: —Iribi bitake, idi boibenyke ixbyby soldado heto-ò.

¹¹Rumy tahe Paulo weribi Inynyrÿ tamy narybede: —Brebuõmy aõ-di nohõtïomyke ixi-di. Iwese kaki Jerusalê hãwã-ki wamy tarybete wesele heka Roma hãwã-ki wamy marybekre.

¹²⁻¹³Tahe biurasòtxu he judeu mahãduõ wi dotyde Paulo rubudÿÿmy. Iny inatxiwa ituemy hãbu kia wese raryberenyre: Rikiroxirenÿõtÿhy bemy rikiõrenÿõtÿhy. Paulo rurukeki xiery ta rikiroxirenÿyke. ¹⁴Tahe xiwe wedu mahãdu-ò tiiboho roirenÿyke. Judeu matuari mahãdu-ò tule kia ibutumy relyyrenyre iwese Paulo rubudÿÿmy ratxireri wese. ¹⁵Tule tamyreny rarybere: —Kaiboho ixityre marybebenyke soldado dinodu-ò manakremy Paulo-di ywisidÿÿdu-ò. Tamy dÿÿraximy idi ratxireri tiiboho rõhõtinyke. Tai tahe ry kana-ò rearaki tahe ijõi rikirubunyke. Kia judeu mahãdu xiwe wedu-ò rarybere. ¹⁶Tahe Paulo seriõre woludu, ilana rubudÿÿmy rarybereò roholare. Tahe ralore soldado heto-ò tahe tuu Paulo ko relyykemy. Tahe relyyre. ¹⁷Kia roholamy rahudi ta Paulo rariõwyre soldado dinodu tamy kanalokremy. Kiamy rarybere: —Ka weryry bidyke adinodutyhy-ò, aõma, ijyy-di ratxirerimy tamy relyykemy. ¹⁸Tahe ridyre soldado dinodu tyhy-ò tahe rarybere: —Paulo kÿny ka weryry-di riwateõnyreri aõmybo ako relyykemy. ¹⁹Tahe dinodu weryry axiò iyre ribi rimyre, tahe iny-ribi rirehenyre rarybekemy: —Aõbo wexe wako belyyke, weryry. Tahe relyyre: ²⁰—Wylana Paulo ridykremy judeu mahãdu adee rexitõenykremy ratxirenÿyke. Tiiboho adee raryberenyke: —Rikitÿÿraxinyke ijõ aõmydÿÿnana. ²¹Uritere tamy boholaõkre, weryry rarybere, idyõmyke tamy. Hãwã mahãdu sõwere rexiwõmy rÿykre, iny inatxi wa itue hãbumy, wylana rubudÿÿmy. Tii ruruõkeki, riroxiõtÿhy, bemy riõõtÿhy. Kiawese ka hãbu mahãdu rarybemy ramyhÿre. Ahana õsana inyõ rÿireri wylana ridykremy adee kedexitõenykremy. Wylana õludu tahe ryjãti-ki rexiwõmy rÿireri. ²²Tai soldado dinodutyhy weryry-ò rarybere: —Uritere inyõ ierisyõmyke wadee tuu telyyteri. ²³Tahe inatxi soldado dinodu rarariõwyre, tahe tamy rarybere soldado dinodu tyhy: —Aõma, 200 soldado widotyke inataõ òra txu dõhõny-ribi, ijõ 70 soldado awarutyre-ki, ijõ 200 soldado tõnori-di. ²⁴Kia ibutu-wana Paulo bidybenyke awarutyre-ki Cesaria hãwã-ò. Biyrubunymy boibenyke Feli, kia bededinodu-ò. ²⁵Tahe tyyriti riwinyre kia wese:

²⁶—Jiarÿ Laujiu Lucio, warybe reritinyreri. Warybe wehityhyna rewahinyreri Feli-ò, Wanyrÿtyhy, bede dinodu-ò rewahinyre. ²⁷Hãbuõ adee reteõnyreri. Tii judeu mahãdu rimyre tahe rirubudÿÿmy riwisÿnyre. Tahe soldado reteõnyre ritakremy rubu-ribi, tii Roma hãwã mahãdumy rareki. ²⁸Redyra heka ywisidÿÿna mahãdu-ò. Aõherekibo rimyrenyremy arierykemy. ²⁹Tabede ywina òrarukile teramy tamy reare, kia reerymy rawãhãre. Iny bede ywina òraru-ki aõ aõkõ tii riwinyre. Tai rurukemy aõkõ idi rewisÿnyre. ³⁰Judeu mahãdu rarybemy ramyhÿre irubudÿÿmy. Kiamy raholareu tahe, adee

reteonykemy resere. Tule irubudÿÿmy rhtinyra mahdu adee rarybekemy reteonyre. Tiiboho abo rarely rarybekre. My kie warybe rewahinyre.

³¹ Idi tahe soldado mahdu Paulo ridyre, iwese idinodu riteonyre wese. Rudile ridyre Atxipatxi hw-. ³² Tahe biurastxumy tahe tatilemy rare mahdu rsere soldado heto-. Ij soldado awarutyre ludu Paulo iridyre Sesaria-. ³³ Tahe rehemynyre Cesaria hw-ki. Rare he bede dinodu-. Paulo tamy riwahinyre tyyriti-wana. ³⁴ Kia tyyriti-di tii rariareu tahe, tamy ritÿÿraxinyre: —Tiribibo tate Paulo. Tahe Paulo dirawynyde: —Jiarÿ, Silisia hw mahdu rare. ³⁵ Tahe bede dinodu narybede: —Kaa hbu mahdu wii kodotykreu, kedehemynykreu, aroholakre inihe arybe-. Tahe iyrubudÿÿ idi risÿnyre Herodi ywisidÿÿna heto-, Pretriu ninadu-.

24 ¹ Iryre txu reare rexihudi tahe, Anania, xiwena wedu tyhy, judeu mahdu matuari-wana rehemynyre, ywisidÿÿna mahdu-wana rehemynyre, moma, Tertuliu inire. Paulomy abinabinahkÿ rybemy rareri bede dinodu-. ² Tahe Paulo didyde. Tertuliu rarybere Paulomy. Awimy rybe tahe rhnyre. Juhuu Feli- rarybere: —Kai Wanyrÿ tyhy, awihyymy heka atximahte wadeereny. Tiiemy bede ywina inydee tewahinymahte. Ibutumy iny bede hw hw-ki iny tewihenanymahte. ³ Tai tahe omy reltyhymy he watxiwhre. Urihimyle adee Paulo amydÿÿnanamy ararybekre. ⁴ Txioi inihe lh, boholabeny. ⁵ Tiiemy jei jeihyy ratximyhÿre Paulo raru-ki. Tiiemy judeu mahdu, my heka rarybehyy ratximyhÿre. Tii Nazare hw dohodÿÿna mahdu rare, kia wedu rare. Tii Jesuisi rityhynyre. ⁶⁻⁷ Akre, iny Deuxu dohodÿÿna heto ribinadÿÿnyre, brebuna rÿirerimy ihÿre Paulo raru-ki. Remyrenyre tahe, ywisidÿÿmy watxiwhre iny bede ywinareny rarybere wesemy. Tahe akre, Lisiu soldado dinodu tyhy ritare iny-ribi wotmona-di. ⁸ Tahe inydee rarybere: —Boibenykre Feli-. Tii adee roholakre. Kia tahe Lisiu rarybere. Tahe jiarÿ tule rarybere. Boibenyke Paulo dÿÿraximy kia inatyhy abo ada akre abo. Tertuliu kia ibutumy rarybere. ⁹ Ij judeu mahdu rarybere: —Kia inatyhy ibutumy inatyhyle ratxireri, amybo Tertuliu raryberemy.

¹⁰⁻¹¹ Tahe bede dinodu Paulo- ritesinyre rÿikemy, rarybekemy. Paulo tahe tamy rarybere: —Wanyrÿ bede dinodu tyhy, swe bera amydÿÿnana-di ywisidÿÿna-di atximahte. Jiarÿ kia reeryre. Tai reysawhre adee ararybekremy. Wa inatxi reurtxumy heka Jerusal- adehemynyde. Iny- bitÿÿraxinykeki, wylemy ka bieryke inatyhy rarely. Jiarÿ Deuxu dohodÿÿna heto- rehemynyre Deuxu relkemy. ¹² Tiu heka jei jei rewinyhywhre dohodÿÿna-ki ak, hwy-ki ak. ¹³ Amybo wamy rarybemy rÿireri heka, a inatyhy ak. ¹⁴ Sohoji amydÿÿnanamy tahe akoreny arelyykre, inatyhy rare. Retyhynywhre heka abo Jesuisi riernanymyhÿremy. Tiiboho watyhydÿÿna rininirenyre dohodÿÿna mahdu iwixira. Kia hbu rityhynymyhÿre wesele jiarÿ tule Deuxu inytyby retyhynymyhÿre. Ibutumy bede ywina tyyriti-ki riritinymy rÿimyhÿremy retyhynywhre. ¹⁵ Iny, raru mahdu, ityhydÿÿdu mahdu kedeixixakremy rubu-ribi. Kia retyhynywhre. ¹⁶ Tiu ibutumy biti widÿÿmy raruwhre.

Deuxu-txi tule ibutu hãbu rue-ki. ¹⁷Jerusalẽ-ribi rarewãhãu, tiwese beõra rewyre tahe ixyby dõsede Jerusalẽ-õ aõkõ mahãdu wahidÿÿna wesemy ariwahinykremy xiwena wese Deuxu-õ. ¹⁸Deuxu dohodÿÿna heto-ki watxiwãhã, õbitimy rãire, ibutu bede ywina reywinomy rawãhãre. Tahe waxiwena-di waõludu wamy robire. Iny sõwemy weroramy watxiwãhã. Rybe jei jei rarybeõhyyre. Tahe Asia bede judeu mahãdu tai rÿimyhÿ. Tiibohole rybe jei jei riwinymyhÿrenyre. ¹⁹Wamy aõmydÿÿnana rarybekremy ijõdikeki, rokoholakre. Kaki aõkõ ratximyhÿrenyre. ²⁰Aõbo waki teõsamy rahare ywisidÿÿna mahãdu-ko rãireu, tamy rokoholakre. ²¹Sohoji aõmydÿÿnanalemy rarybere teõsamy. Kiamy rarybere: —Retyhynyre rubu ixyby kedexixakre. Tai ywisidÿÿna mahãduko-ki watxiwãhã.

²²Feli bede dinodu rierymy ratxireri aõmybo ityhydÿÿdu mahãdu rityhynyre. Tai rarybere judeu mahãdu-õ: —Lisiu, aõma, soldado dinodu tyhy rehemynyreu, bede rikierydÿÿnanykre. ²³Tahe Paulo rõtenu heto wese-õ ratximyhÿreki, riõsedeÿÿnyre. Ta rarybere he soldado dinoduõ-õ: —Ywimy idi ratximyhÿkemy. Tule rarybere: —Iõ ixinamy terina mahãdu iroramy kanakre. Ixinamy uriõnomy tamy kidiwahinykre awityhy roimyhÿkemy.

²⁴Iribi nade Feli tahãwyw-wana Drusila. Ihãwyw heka judeu mahãduõ rare. Riteõnyre Paulo-õ tamy kanakremy, tamy kanarybekremy. Paulo rarybere tamy: —Jesuisi Kristu kia tyhydÿÿnamy. Tii õbiti-di iny rõtõtinkyemy tule ywisidÿÿna txumy Deuxu kanakremy ritÿnyre. ²⁵Tahe Feli ruberure. Makre, tamy rarybere, aõwaxiny tiubo wabededÿÿnana-di my kÿnyikreu, ixyby adee ararãriõwykre. ²⁶Tule Feli ijõ nieru Paulo-ribi ritakemy ratxireri, tai rarariõwyre ijõtxu ijõtxu tii-wana rarybekremy. ²⁷Inatxi beõramy bede idi rÿire. Iwitxira bede dinodu ralore Feli derõwy. Porsiu Festu inire. Feli tahe judeu mahãdu tuure tamyreny aõõ riwinykemy ratxireri tahe Paulo ririre rõtenuwo-ki.

25 ¹Cesaria hãwã-ki bede dinodu tÿmyraõ ronyre. Festu inire. Inataõ txu-di tahe iribi rõtõnyre Jerusalẽ-õ rakemy. ²Tahe xiwe dinoduõ, judeu mahãdu dinoduõ tamy rarybere Paulo aõmydÿÿnanamy. ³Tamy rexitõnyre Paulo-di wylemy kanakremy. Kiamy heka rexinohõtidiÿÿnyre ryrowetya-ki rirubunynrenykremy. ⁴Aõkõre, Paulo ratxirekre Sesaria-ki, Festu rarybere, jiarÿ tahe arõðsekre ele elemy kowa-õ. Kaiboho adinodu mahãdu wadi roikre kowa-õ. Rokoholarenykremy ywisidÿÿna-õ. ⁵Tule kaiboho aõrybedikeki, Paulomy, kowa-õ rarybekremy.

⁶Iribi tahe debõwiõ txu õsÿny txu idi rÿidi tahe ixyby Festu dõsede Cesaria-õ. Irootxu tahe Paulo ywisidÿÿna rõtõnyre. Tahe Paulo ridykemy riteõnyre ywisidÿÿna butuna-õ. ⁷Tahe judeu ywisidÿÿna mahãdu heka sõwemy tuu aõbina binahakÿmy Paulomy rarybemyhÿre, Jerusalẽ-ribi rehemynyreu. Aõ inatyhymy aõkõ. ⁸Paulo tahe rexitõnyre: —Jiarÿ kÿny kia-di aõkõ watxiwãhãre. Tii rarybere: —Tiu heka judeu mahãdu bede ywina ratyre aõna aõnamy ratÿÿkõre. Tiu heka Deuxu dohodÿÿna hetomy rewinyõwãhãre, tiu Roma dinodu bede ywina ratyre aõhe ratÿÿnyõwãhãre. ⁹Idi tahe Festu rÿÿraxire Paulo-õ: —Kawexe textiwywinomy atxiteri Jerusalẽ-õ makremy. Kowa ywisidÿÿna ariwinykemy adee

roholakremy. Kiamy Festu rarybere aõwiihikÏmy riwinykemy ratxireri judeu mahãdu dee. ¹⁰ Tahe Paulo rirawyõnyre: —Aõkõre, arakre he Iòlò tyhyòhòkÏle arehemynykre. Tii wadee roholakre. —JiarÏ dori ixiywinyhy tamy arakre. Kai teeryte jiarÏ aõkò tudÏÏduramy. ¹¹ Aõma aõbo waki binamy relera-wana heka arurukre. Aõkòkeki tahe aõbo awihykyle rewinyre-wana heka timy inihe warubudÏÏõmy. Iòlò tyhyle wadee roholakemy he ixide rahõtinyreri. ¹² Festu tawìhedÏÏdu-ò rarybere. Idi ta dirawyõnyde: —Awire, iòlò tyhy-ò atxiteri urenana kÏnyhe aõwaxiny makre.

¹³ Iribi tahe aõutxumy tahe iòlò Agripa dehemynyde, Benise tariõrese-wana. Festu roramy rareri. ¹⁴ Tahe tii-wana rarybemyhÏre aõutxu, Festu-wana. Idi tahe Paulo aõmydÏÏnanamy iòlò-ò rarybere: —Ròtenawoluduõ roireri ròtenawo-ki. Tai he Feli ririre jiarÏ iaõmydÏÏnana arierykremy. ¹⁵ Aõma Jerusalê-ki watxiwãhãu, dohodÏÏna wedu mahãduõ wadee heka rarybere: —Tii arirubunyky heka wadee rityhenymyhÏre. Judeu mahãdu matuariõ tule kia rarybere. ¹⁶ Tahe tamy jiarÏ rarybere: —Aõkõre, aõma Roma mahãdu kia bede ywina dori tuu aõkò roimyhÏre. Juhu heka rakre ywisidÏÏna-ò tahe relyyky heka iximy, taòludu mahãduko-ki. ¹⁷ Kað juhu ditehemynydenydeu, tamy rarybere. Ijõ txu he reyruubunyre ywisidÏÏna-ò roholakremy tahe Paulo ridykemy aditeõnyde. ¹⁸ Tahe aõmybo tamy rarybere heka, iwese rahõtinyre wese aõkò tii riwinyre. ¹⁹ Aõbo ityhynareki heka tuheka rÏire. Inyõ heka tii rarybemyhÏre Jesuisi rurulemy. Tahe Paulo rarybemyhÏre irulemy ihÏre. Tai kÏnyhe rimymy ramyhÏre. RiròtenymyhÏre. ²⁰ Tai tahe tiemy rahõtinyre: Timy taheka aõhe arotÏÏnyky ka aõmydÏÏnana-di. Paulo-ò retÏÏraxire aõma Jerusalê-ò aõbo rakemy ywisidÏÏna-ò. ²¹ Tahe Paulo rarybere: —Iòlòle rakremy aõbo. Tii wamy roholakeki, teòdu waòrysmy ariraokre. Tai tahe ròtena-ò ixbylye rerutyre. ²² Tahe iòlò Agripa rarybere: —JiarÏ aroholakre inihe kia hãbumy. Tahe Festu dirawyõnyde: —Biurasòmymy tamy bodoholakre.

²³ Idi tahe itxu biòwamy dehemynyde, iòlò, Benise-wana, ywisidÏÏna heto-ò. Ibutumy he iny ralore, soldado wedu mahãdu, iny ityhymy rÏira mahãdu, ibutumy raloralore. Tai tahe Festu Paulo didyde. Tahe rarybere: ²⁴ —Iòlò Agripa, ibutumy ka wadee ijohonadu-wana, ka hãbu heka ibutumy iny he irubudÏÏmy he idi rÏireri, judeu mahãdu kaki tule Jerusalê mahãdu. ²⁵ JiarÏ rahõtinyreri aõ heka riwinyõhyre tai rurukre wahe. Tai iòlòtyhy-ò rakremy heka ratxireri. Ariteònykre nomy dori tii ratxireri. ²⁶ Aõbo tamy ariritinykre. Aõ heka waritidÏÏkõnare. Aõ dori riwinykõre. Tai redyreri adee iòlò Agripa. Tamy juhu boholakre. Iribi tahe wadee manarybekre aõbo ariritinykremy. ²⁷ Timy kÏny wateòdÏÏkõna uritere òhynaòhòkÏle Iòlòtyhy-ò ariteònyõtthy.

26 ¹ Tahe Agripa Paulo-ò rarybere: —Aõwaxiny belyyky aijjymy. Paulo he tebò riukore he rarybekremy.

² Wadeysamy he watxireri, iòlò Agripa. JiarÏ dori iximy arelyyky ako. ³ Tule kai dori ibutu judeu bede ywina teeryte. Ibutu lahi rybe teeryte. Bodoholakre inihe wadee, ywina-di. ⁴ Tiemy uladule aratyritinyde aõma judeu òbitina-di. ⁵ Judeu

mahãdu kia rieryre. Txu rexidelenyire juhu judeu mahãduy-ki, idi tahe Jerusalê-ki ratyryritinyre. Jiarÿ fariseu mahãduõ òbiti jiarÿ rare. ⁶Kia rybe òraru-ki wiji ywisidÿÿna-ki rãire. Jiarÿ dori retyhynywãhãre aõbo Deuxu inytyby-ò rarybere. ⁷Jiarÿ Deuxu rybe òlona reraðwãhãre. Tule judeu ijoi riraðmyhÿre, waðinatxi reurð ijoi mahãdu. Tiiboho Deuxumy reallãmy raremyhÿ, rumy, txumy. Iòlò Agripa, kia raròsòna òraru-ki judeu mahãdu wadee aõbina binamy rarybemyhÿre. ⁸Rubu-ribi ixixana jiarÿ retyhynymyhÿre. Araÿraxikre iòlò. Kia aõbohe wadeòsana raremy kaiboho tahõtintenytere. Deuxu heka ixbyby iny kidiðkesedÿÿnykre taumy tuedeòna-ò. ⁹Jiarÿ heka juhuy awimy heka aõbina binahakÿ widÿÿ dee rahõtinyre, Jesuisi Nazare hãwã ludu dee. ¹⁰Sõwemy ityhydÿÿdu mahãdu reròtenyire ròtenawo-ò Jerusalê-ki. Dohodÿÿna heto wedu rewawiðhenanyre tyriti riwahinyreki. Kia irubudÿÿmy wi risÿnyrenyreu, jiarÿ rarybere: —Awire heka birubunybenyke. ¹¹Jiarÿ heka ityhydÿÿdu mahãdu aõhøkÿmy rotÿÿnykemy wi resÿnyre bede bede-ki. Aõbinabinahãkÿlemy ityhydÿÿdu rerybedÿÿnywãhãre. Jiarÿ aõniny reburemy rawãhãre. Resÿbinanyre tahe tii rahenyre irehetyhytyhy-ò iwitxira hãwã-ò. ¹²Rare heka Damasu hãwã-ò ityhydÿÿdu òrysomy. Jiarÿ tyritidi rare, dohodÿÿna wedu ritina-di. Tule ibede ywina-di rare. ¹³Tahe Damasu iòhòmÿ rareu, loosònað diwatoosònyde, txu loosòna ratyre ihÿre. ¹⁴Jiarÿboho rejuxunyrenyire tahe raholare rybeò-ò judeu mahãdu rybe-di rarybereri: —Salu, Salu, aõhereki wexe aõbina binahakÿ tadiwinymahãte wadee wimy aõkõ. Aõbina binahakÿle ixidee tadiwinymyhÿte. ¹⁵Jiarÿ rarybere: —Mowe, Wanyrÿ Tate. Tahe dirawyðnyde: —Jiarÿ wa, Jesuisi rare. Wadi aõbina bina tewisÿnyte. ¹⁶Katahe myikre. Adee rehemynyreki, aratara ixidee, wadeòdumy mabekremy. Warybeduò mabekre. Ibutumy wamy belymy mabekre aõhebo adee wiji rotÿÿnyreki. Iribi tasÿ ixityre adee adehemynykre. Tule kia-di marybekre. ¹⁷Ibutumy asÿ-wana arayrubunykre. Tai ta judeu mahãdu-ò arateònykremy watxireri, judeu mahãdu-ò tule. ¹⁸Iwese iny ruetà-di rÿira wese tii ihÿre. Kai tamy bitÿnynykre Deuxu aõmydÿÿnana. Tai biruejuakre, rierykremy. Biòbitinykre tamyreny òraru roire aõma ixi-txi tõhòti reakremy loosòna-ki rariakremy, Satanasi bedelorohekÿ-ki aõkõ, kia ryki aõkõ rariakremy. Deuxu uri bede ywina rimymyhÿkre ixidee. Ibutu bede bedemy rÿira wajioimykre. Tyramy taðraru-ribi rÿira, ritamy rÿira, riwatyhynymy rÿira. ¹⁹⁻²⁰Tai, Iòlò Agripa, iwese warasina-ki riwateònyre wese, retyhynyhyre. Juhuy Damasu hãwã-ki jiarÿ rõhãletere, iribi Jerusalê-ò, tule Judeia bede-ki, ibutu judeukõdu mahãdu-ò rõhãletere. Tamy rarybere taðraru ririkemy Deuxu dee kòdòðsekemy. Ixi-txi tõhòti reakremy inatyhymy aõna aõna wiwihikÿ riwinykemy Deuxu dee. ²¹Tai judeu mahãdu riwamyre Deuxu dohodÿÿna heto-ki, warubudÿÿmy rõhõtinyre. ²²Deuxu tahe wawiðhedÿÿdu ratximyhÿre. Tai he rãire wiji ibutu-ò ararybekemy watxiwãhãre, aõma aõbo Deuxu rybedu mahãdu iwese Moisesi rarybere wese tamyreny rarybewãhãre kia ibutumy kanakremy. Kia sohojilemy rarybewãhãre. ²³Juhutyhy rarybere: —Kristu, rurukremy iribi tahe kedexiakremy rybe loosòna kidiwykremy judeu mahãdu-ò, tule judeukõdu mahãdu-ò.

²⁴ Tahe Paulo iximy rarybereu, Festu ryryre: —Paulo, kai wa itxÿtere. Aõnityhymy tatyritinymahâte. Tai arayky tebinanyta. ²⁵ Tahe Paulo rirawyõnyre: —Aõkõre wa, wanyrÿ Festu, bededinodu tyhy. Jiarÿ itxÿte aõkõre. Inatyhyrybemy rarybewâhâre. Warybe awi heka rare. ²⁶ Tule Iòlò Agripa rierye ibutumy tuu tamy rarybere. Aõ wasina aõkõ rarybere. Iòlò Agripa. ²⁷ Aõbo Deuxu rybedu mahâdu riritinyre aõbo, kai tetyhynmahâte. Reeryre jiarÿ, kai tetyhynmahâte. ²⁸ Tahe Agripa riixâwididÿnyre rybe-ribi: —Kai, aõbo, Paulo, aõwesele ityhydÿÿdumy aronykemy wadi tahõtinyte, wadee tarybeteki. ²⁹ Paulo rirawyõnyre: —Kohe, wadee awire, kai tulekemy. Ibutumy kaki wawesekemy adi rahõtinyre. Kai tule warybe sõwemy aõbo ada aõkõre aõbo Deuxu bityhynybenkemy watxiwâhâre tule wajihonana-wana. Aõna sohojidile taanamy aõkõ watxireri, wawomati reroti-di taanamy atxiteri.

³⁰ Idi tahe bede dinodu, iòlò, Benise, ibutumy he rÿire ròirenyre. ³¹ Widee reny wiwesele røhõtinyrenyrene. Ka hâbu timyhe rubudÿÿona he ròtena-ki irutysyõna he, tii dori aõhe rotÿÿnyõtÿhy aõna aõnamy. ³² Tahe Agripa Festu-ò rarybere: —Rikiteõnyrenyke idi watxireri, tahe tii inihe iòlõtÿhyle rarybekemy ixidi ratxireri. Tai kÿnyhe, txioinihe, aõkõre.

27 ¹ Tahe rexiywinymy rexihurennyre Italia bede-ò, Roma hâwâ-ò aroirenykremy hâwò-di. Tahe ròtenayrubudÿÿduò tii-wana rakre, irubudÿÿdu renymy. Julio inire. Tii iòlò yrubudÿÿdu mahâdu dinoduò rare. Ridyrennyre Paulo ròtena woludu mahâdu-wana. Jiarÿ, Luka tule ihemy rare. ² Tahe rerõnyre yhywydyna lawò-ò. Adrÿmitxiludu tahe kia lawò rare. Tule hâbuò wawana rare. Aristarku inire. Tii Macedonia bede luduò rare. Tesalonia ihâwâ rare. Tahe hâwò rexihynnyrennyre adòikemy Asia bede-ò. Tahe ròirenyre. Ijõtÿx biòwa Sidoma beàbeà-ò rehemnyre. ³ Paulo taery mahâdu roramy rakemy ratximyhÿre. Tahe Julio Paulo-di itxeredu ririra. Tai tahe Julio awi heka rare Paulo dee. Julio Paulo riywiwinymy idi ratxirerimy ihÿre. Julio Paulo riteõnyre titxibo rakelemy. Paulo ery mahâdu aõna aõna tamy riwahinyre. ⁴⁻⁵ Tahe iribi ròhõnyrennyre. Xibri bedebute roosibymy ralore yhy dori tiribi tiribi reamyhÿreki. Tahe iribi riòlõnyre. Tahe Silisia bede-ribi riòlõnyre, tule Panfilia bede-ribi ijõ bede-ò reronyre. Tahe Miha hâwâ-ò ritehemnyre Lisia bede-ki. ⁶ Tai soldado dinodu hâwò nihikÿ rijjemyhÿu, ihe-ki roikemy, tahe ijõ-ki rahare Alexÿdria luduò-ò. Hâwò tahe rexiywinymyhÿre rakremy Italia bede-ò. Tahe wadeereny rarybere: —Borukubenyke yhywydyna lawòro-ò. Tahe ixityre roirenyre. ⁷ Sõwemy heka txuu wadireny rÿire. Urihimyòle rexihewihâhârennyre. Isirare heka Kinidu hâwâ-ò dehemynysÿ. Ihârele tahe retehemnyre Samona hâwâ mynatÿhyle rarõrennyre. Iribi Kreta bedebute roosibymy ralore yhydori tiribi tiribi reamyhÿreki. ⁸ Tahe ywimy suò iòlò iòlò adoiwâhâdenyde ihyy tahe retehemnyre Rywihikÿmy ninadu-ò. Kia heka Laseia hâwâ-ribi iòhõre.

⁹ Sõwetyhymy txuu wadireny rÿire yhynihikÿ bina òraru-ki. Inarehe lisina txu-ribi ròhõnyre. Tai tahe bededÿÿnana ibutumy roimyhÿre. Tai brebunamy

bede roimyhÿre. ¹⁰Paulo tahe tamyreny rarybere: —Wanyrÿboho, ka tÿina isiratyhykre inydeereny. Inynonanareny iõhãrure aõna aõna ibutumy inyribireny ituekre, hãwò rabohokre ada ijõ aõbo rikururenykre. ¹¹Tahe soldado dinodu Paulo rybe rityhynyõhyre. Yhylawò wedu tõruludu-wana tii rityhynyre. ¹²Yhylawò wedu, tõruludu-wana iwitxiramy rõhõtínymyhÿre, beõra tai riekõkemy beà dori ibinareki. Ijõ tule tahe roirenykemy ixide ihÿrenyre rehemynykemy Fenisia beà-ò. Kia heka Kreta bedebute beàò rare. Biuweribitya-txi ròròmÿhÿre, tai awire kia beà, beõra bede riwykemy. ¹³Ijõ rarybere: —Rikoirenyke, yhy dori rebonyreri, tamy rekehemynyrenykemy. Tahe womatisana riukore. Roirenyre yhy-di. Tahe iòhòmÿ Kreta bedebute rotÿÿnyra. ¹⁴Aõwesele heka yhy nihikÿ dehemynyde bedebrò-ribi. Kia yhy nihikÿ iraro bedebrò ludu inire. ¹⁵Ka yhy nihikÿ taruru-di riwyre hãwò nihikÿ. Juhu yhyonana weribi-ò riwisÿnyre. Idi iwo rexieryre ixinamy riwyre yhyõkesena-ò. ¹⁶Tahe rehemÿhÿre Lauda bedebute-ò iroosibymy tahe ralore. Tai hãwò nihikÿwo-ki hãwòriõre riwyre. ¹⁷Idi tahe rõhõtínyre hãwò nihikÿ rabðhòke-txi roholarenyre, tai tahe ritaarenyre iwetya-txi. Tahe ruberurenyre, Libiamy ninadu beõlau, tahe welòhòkÿ ritare iribi rexitarenykemy. ¹⁸IjõtXu roirenyre yhynihikÿ tamy realemy iu, tai tahe aõna aõna-di rehure ibutemy rawetarikemy. ¹⁹Tasÿ txuõ idireny reare. Idi rehurenyre aõmybo rekoakõmyhÿrenyredi rawetarityhykemy. ²⁰Txu sõwemy rewyrenyre txumy, tainamy ribi renyõhyre. Yhynihikÿ reamyhÿ. Tai sõwemy ruberumy rÿimÿhÿ rubu lau. ²¹Sõwemy heka bededÿÿnana riwyre roxiõhy. Tahe Paulo iyreny-ki rÿire, tahe tamyreny rarybere: —Wanyrÿboho, warybe-ò taholaõhyytenyete Kreta-ribi ròhònÿrenyreu. Aratohonyrenyre iribi inyboho kodoikõkemy. Boholabenybe-wana ta inihe aõna itueõhyre. ²²Ihãrele tahe deysana-di adeereny ararybekre. Inyõ ruruõtyhy, hãwò nihikÿ sohojile rabohokre. ²³Jiarÿ dori Deuxu deõdu rare. Kaurumy dori Deuxu ÿju wadee nade. ²⁴Tahe rarybere: —Paulo, brebuõmy. Kai iòlòko-ò makre. Deuxu dori ruxetõena kidiwahinykre. Tiu heka aruburenÿõna aijoi-wana. ²⁵Tahe wanyrÿboho, brebuõmyreny. Jiarÿ dori Deuxu retyhynyre, iwese wadee rarybere wese, rarekre. ²⁶Urile tahe inyboho kiditehemynydenykre bedebuteõ-ò. Kia tahe Paulo rarybere. ²⁷Wadinaubiõwa rummy beronihikÿ tÿa-ki bede rijemy roiremyhÿ. Adria beronihikÿ-ki roirenyreu, tahe rutya-txi hãwò nihikÿ aõna hydÿÿdu su iòhòmÿ roholarenyre. ²⁸Tahe beõ urihixina-di riurihire, wawiò dera urihixinamy beõ riurihire. Idi iko-txi ixityre riurihire tai waiyre dera urihixinamy rimyre. ²⁹Tahe rahõtínÿrenyre manale tai roimÿhÿremy. Tai tahe manatisana-di inaubiõwa lòru ludu-ribi rehurenyre. Iribi rexitõenyre wylemy txuu kanatÿnykemy. ³⁰Hãwò aõna hydÿÿdu mahãdu hãwò riõre riwesere bera-ò. Idi risÿnyre ijõ manatisana ritidikremy hãwò jura-ribi. Urile tahe rahenykremy rõhõtínÿre. ³¹Paulo tahe rierymyhÿ tahe soldado wedu-ò rarybere: —Soldado mahãdu tule roholare: ³²—Hãwò aõnahydÿÿdu mahãdu hãwò nihikÿkÿro-ki rariõrenykeki, kaiboho atuerenyke. Tai tahe soldado hãwò riõre roroti riãrore tahe resere bera-txi rahenyre. ³³Txuu iòhòmÿ natÿnyde, tahe Paulo tamy

rarybere: —Wiji waò inaubiòwa txumy kaiboho teraðtenynte tabyretenyõhyy. ³⁴Ijõ birÿsÿbenyke, arurureny rexiòlònykemy, kaibohoõ dori burubenyõtyhy. Aradeti sohojiò tiu iõõtyhy. ³⁵Rarybemy rahudi tahe, paõ sohoji Paulo rimyre. Ibutura-ð Deuxumy reàlære. Idi tahe paõ riorore, riyre. ³⁶Ijõ reny reysarenyre, taita tule riyrenyre. ³⁷Tahe 276 iny hãworo-ki roirenyre. ³⁸Tahe ibutumy iwo rihyrenyre tahe maixõmo wesena-di rehurenyre hãwò nihikÿ rawetarinykemy. ³⁹Bede ratÿnyreu, inyõ rieryõhyre titxiribibo nade. Tuu robirenyre iworywo-ki ÿnyra tai roimyhÿremy tahe inyõ rieryõlemyhÿre. Widee raryberenyre: —Rikirònyrenyke hãwò-di iwo-txi. ⁴⁰⁻⁴¹Tahe manatisana riukòrenyre tahe welò riderenyra hãwojura-ð iraròsòna riesere. Tahe ritelenyre ralòkemy. Urile esetere tiò tiòle hãwò ridymyhÿ beò òhòkÿle idi rehure rorokòhòkÿle, rimyre taile òbò hãwòlòru ribohonyre. ⁴²Soldado mahãdu røhõtinyre ròtena mahãdu rahenyketxi. Tai rirubunykemy røhõtinyre bede-ò robunykemy lau. ⁴³Soldado wedu tahe Paulo ritðenyre rubu lau, tai tahe riteðnyre rirubunyõhyre: —Tibo alobueryre, juhuu suò rakemy, soldado wedu kia rarybere. ⁴⁴Tibo alobueryòke tahe òwòru àre hãwò-ribi rimymy idi rakre. Kiamy heka ibutumy retehemnyre su-ð, inyõ ruruõhyre.

28 ¹Tai tahe taisÿdu mahãdu-txi rekoare. Tii bedebutenimy inydee relyre. Malta heka inire. ²Biu riwasebenyrenyre yhyjutyty riwasarenyre. Tai tahe tiiboho heòty riworynyrenyre wahetònarenymy. Tiiboho riwawisinanyrenyre awimy wadireny roiremyhÿ. ³Paulo hee ributunyre heòtywronamy. Idi rehureu, hemylala he wo-ribi heòty lau røhònyre, tai ruruare Paulo debò-ki. ⁴Tusÿdu mahãdu tuu robire tahe rarybere: —Ka hãbu rubudÿÿdu òsÿny rare. Tii heka ruruòre bera-ð, ka tahe kidiòwynykre inyõ òsÿny rirubunyreki wahe, rurukre heka. ⁵Paulo tahe hemylala tebò-ribi riatyre heòtyru-txi. Ta aòhòkÿmy rotÿÿnyõhyre. ⁶Tahe imahãdu idi retehemy rÿimyhÿ tarubulemy resekeò, ada tebò ratarinybohokeò aòbo. Sòwemy riraðre, aòhebo rotÿÿnyke, tahe aòkòhyre. Tai tahe iwitxiramy røhõtinyrenyre: —Tii deuxuòle òsÿny ratxireri. Tiiboho raryberenyre kia.

⁷⁻⁸Hetoò tai iòhòmy rÿire, Publio iwedure. Tii heka ityhy rare iwedu rare kabedebute-ki, tii bedetiidÿÿna rare. Tai taheto-ð riwadyrenyre. Awihyyle wadireny raremyhÿ. Publio tyby tahe rubunamy rurumyhÿ. Busu-dí ratximyhÿ. Tai tahe Paulo iroramy rare. Tebò ityre ritidire, rexitðenyre, tahe riteytenyre. ⁹Tai tahe ibutumy bedebute ludu webinadu Paulo dee wii rotyre. Ibutumy reyterenyre. ¹⁰Tai tahe uriiòno inydeereny riwahinyre aòna aòna. Sòwemy rÿsÿna hãworo-ð rahyre inydeereny. Kia hãwò beòra bede kia beà-ki riwyre.

¹¹Txuòkuro hãwò ni rare. Kia ni ihiju rare. Ideuxu ritxoo inatxi rare. Hãwò Alexÿdria hãwã ludu rare. Tahe rahònyrenyre. Inataò ahãdumy bede wadireny rÿidi. ¹²Sirausa hãwã-ð retehemnyre. Tai tahe inataò txumy wadireny rÿire. ¹³Iribi tahe Rejio hãwãmy rekoarenyre. Ijòtxu tahe Pozuli-ð reòlònyre. Inatxi txu-di retehemnyre yhy ibòò-ribi debonydeki. ¹⁴Tai seriòreò ratximyhÿ. Tiiboho rexitðenyrenyre tii-wana ratxikemy debòinatxi reurò txumy. Kiamy

heka Roma hãwã-ò roirenyre. ¹⁵Roma ityhydÿÿdu mahãdu roholare jiarÿboho rethemynyrerimy. Tai tahe doidenyde Apio hãwã ube-ò. Tule aõ-di ijohona Heto Inataõ hãwã-ò doidenyde. Paulo tiiboho robireu, Deuxu realãmyhÿ, reysamyhÿre.

¹⁶Tahe Roma hãwã-ki Paulo ixideewimy rasÿnyre. Urile soldadoõ aõu aõu tii-wana ratximyhÿ.

¹⁷Inataõ txumy bede idi rÿidi, Paulo ributunyre judeu mahãdu dinodu. Wii ributunyreu, tamyreny rarybere: —Wanyrÿboho, waseriõreboho, jiarÿ aõ rewinykõre wajoi Judeu mahãdu dee. Tule lahirybe õnosõna ratyre aõ rewinyõhyre. Ihãre judeu dinodu riwamyre. Tahe diwahinyde Roma dinodu mahãdu-ò. ¹⁸Tiiboho heka riwatÿÿraxinyre ibutumy. aõ heka waki ibinamy rahaõhyre. Tai tahe riwateõnyrenykemy ratxirenyreri. ¹⁹Wajoi tahe Judeu ijoi heka waõludureri. Tai tahe Iòlò-ò jiarÿ rarybere arakemy. Aõ dori wajoi dee waõraruõre. ²⁰Tai heka arabutunyrenyde, warybe-ò boholabenykemy, wadi retehekemy womati reroti-di riwataataara. Judeu mahãdu rarõsõna òraru-ki kawesemy watxireri. ²¹Tahe judeu dinodu mahãdu rirawyõnyre: —Aõkõre, inyõ rehemynyõre Judeia bede-ribi. Ijyybinamy umy relyyõre. Inyseriõre mahãduõ kaõ dehemynyõde. ²²Aroholarenykemy timybo tahõtinyinmahãte-ò. Ityhydÿÿdu mahãdumy dori ibutumy aõbinahakÿlemy rarybereri. Kia judeu mahãdu dinodu raryberenyre.

²³Tahe riywinyre itxu Paulo rybe-ò ijohonamy. Idi tahe Paulo heto-ò sõwemy iny doidenyde tamy roholakemy. Tii Deuxu ijyy ritÿnynyre rudiu rexidelenyde, txioromy rexihure Moisesi Tyyriti ritÿnynyre tule ijõ rybedu Tyyriti-di ritÿnynyre, iwese Jesuisi Iòlõtyhy kanatxikre wese kabede-ki. Kia Jesuisi aõmydÿÿnanamy ritÿnynyre. ²⁴Ijõ roholare aõmybo Paulo rarybereò, Jesuisi rityhynyrenyde. Ijõ tahe aõkõre, rityhynyõre. ²⁵Ijõ teramy reare. Rÿire, ròhònykremy. Tahe Paulo tamyreny rarybere: —Deuxu Tytybytyhy booreny dee rarybere Isaia tyyriti-ki. Awimy rare. Kawese roire:

²⁶⁻²⁷—Makre tamy marybekre: —Boholabenyke, ta tiu aerysyrenyõna.

Betehekre arue-di, ihãre tahe aerysyrenyõna. Iruereny, iraykyreny, tõhõtireny ritòbònymahãrenyde. Tai tiu tiiboho robirenyõtyhy, rieryrenyõtyhy, roholarenyõtyhy. Tai diwatyhynyõhyymyhÿde. Tai heka iõraru-ribi ariteytenyõkre.

²⁸Bierimy boibeke Deuxu tarasana judeukõdu mahãdu-ò rare. Tiiboho dori roholarenykre. ²⁹Paulo tarybe rahudi tahe, judeu mahãdu ròhònyrenymy sõwemy widee rarybemyhÿnyre.

³⁰Roma hãwã-ki Paulo rasÿnyre inatxi beðramy tahetohuõtenawo-ki. Ibutumy heka dÿÿraximy iheto-ò rehemynyrenyreu, Paulo ridyre tamy rarybekremy. ³¹Deuxu Iòlònamy Paulo iruru-di relyhyymyhÿre. Inynyrÿ Jesuisi Kristu aõna aõnamy rierynanymyhÿre. Tiu inyõ aõhòkÿmy risÿnyõmyhÿre Paulo rybe xãwikemy.